

# *KHUTLISETO EA*

## *SEFATE SA MONYALUOA*

 Kea u leboha, Moena Orman. Molimo a u hlohonolofatse.

Lumelang hoseng hona, metsoalle. 'Me ke monyetla ho khutlela ka har'a tabernakele, hoseng ho hotle hona ha Paseka, ho rapela, tsohong e khōlō ea Morena oa rōna ea khabane le Mopholosi, Jesu Kreste.

<sup>2</sup> Ke rata hore ke hlile ka... Har'a melaetsa eohle eo ke utloileng molisa oa rōna a e rera, oa hae hoseng hona o ne o fetisa. Ka ea hae ka borella mohats'a ka. Ka re, "Moratuoa, hoseng hona ha u a utloa letho, kaha u sa ka oa tsoha ka nako." Ke o fetisang ka bokhabane mabapi le tsoho, bophelong ba ka bohle. Ha ke eso utloe letho le betere ho feta, ka tsoho eo molisa oa rōna a re neileng eona hoseng hona. Molaetsa o hlasimollang ruri, 'me sohle se beiloe malulong. Hoo ho a bontša, hore, tlolo ha e khahlola monna, ua bona, se—se etsahalang. Hoo ho sebetsa ho hong. Le joale re thabile ho—ho Molimo ho re nea molisa ea babatseng enoa.

Le joale ke batla ho leboha mang le mang oa lona.

<sup>3</sup> Re se re etile koano nakoana, ka linako tse fapaneng, pele le morao, empa joale ke tloha ho kena masimong, kamoo le tsebang. Vekeng ena, ke ea Cree Indians, holimo British Columbia. E ntano ba holimo koana, ho kena ho tloha mono, ho ea Fort St. John. 'Me ebe, lehlabula lena, ha Morena a ratile, ke be koana... hohle Lebopong la Bophirima, holimo Bochabela, le—le ka ntle Lebopong la Bophirima, le holimo ho kena Alaska, Anchorage, Alaska, le hohle mono. Le hape, mohlomong, ho tloha mono, ke romela mangolo Afrika le lefatše bophara, bakeng sa mariha a tlang. Ke tla nka nakoana mohlomong pele ke khutlela tabernakeleng mona. Bonnyane, e tla ba ho ella Phato kapa sehleng sena, pele ke khutla hape.

<sup>4</sup> 'Me ke batla ho le leboha bohle ka tšebelisano ea lona e khabane, ka sohle seo le se entseng. 'Me re masoabi ha re hlokela batho malulo mesong e kang ena. Re morerong oa kaho joale, kamoo le tsebang, ho aha kereke e kholoanyane, mohla... mohlomong oa litšebeletso tsena. 'Me mohlomong hoo ho ka qala hona joale. Ba tla qala ba aha kereke hona joale. Joale le be...

<sup>5</sup> Hape, ke batla ho leboha mang le mang oa lona ka... limpho tsa lona, likarete tsa tsoalo, likaretse tsa Paseka, limpho tseo le li neileng Billy, le lintho tse fapaneng, ho, ka... le tse ling tsa ka; Moena Wood, le tse ngata tsa tsona. Ke li ananela tsohle.

<sup>6</sup> 'Me e 'ngoe le e 'ngoe e bua...Ha le tsebe khatello e ka kalo. Motho o a tla o re, "Joale re batla ho bona Moena Branham. Re batla ho bona ntate oa hao," le lintho tse joalo. Le ho re, "Leqephe le tletse." Ka hona, oh, ha le tsebe e u kenya maemong a soabisang hakae, ha u—u—u kopana le tse ngata hakana. Ke phetho seo u ka se etsang.

<sup>7</sup> Ke—ke ekare nka fumanela e 'ngoe le e 'ngoe ea tsona nakoana, ka lula fatše. 'Me ke tsepile ho etsa hoo ka nako e 'ngoe. Empa ha ho khonahale, lefatšeng lena, hoba mona ho kena batho ba tsoang hohle lefatšeng, oa bona, ho tsoa lefatše ka bophara. Veke ena, ho fihlile batho ba tsoang lichabeng tse 'maloa, ba hlahlobiloe ba rapeletsoe, vekeng ena, ho tsoa lichabeng tsohle tsa lefatše.

<sup>8</sup> 'Me haeba e ne e le phutheho ea rōna e nyenyane, ea lehae mona Jeffersonville, nka thabela ho qeta lihora tse peli kapa tse tharo ho e 'ngoe le e 'ngoe ea tsona, le ho li hlaola le ho li ntša. Empa, ua bona, leha koana ho ka fihla, ha re re, mehala e mehlano e tsoang, kapa, mohlomong, mehala e mebeli e tsoang motseng oa rōna oa lehae, ho na le e lekholo kapa a mabeli e tsoang lefatše ho pota, 'me bobeli bona bo kena ka nako e le 'ngoe. Ka baka leo likete li teng tseo ke sa li amang, kae feela, ua bona, batho. Le limemo ho "Tloo mona, 'me u ee mane," tse tsoang bophareng ba lefatše, le litekete tse kenang tsa sefofane, ntho eohle, "Tloo, u rapelle bakuli," empa u ke ke oa khona.

<sup>9</sup> Ka hona, batho ba soabile. Le 'na nka etsa joalo, hape. Empa feela ke rata, hoseng hona ha Paseka, ho etsa maipolelo, ho bolela ke sa tsebe seo—seo nka se etsang ka eona. Li ngata haholo, u a tseba, ho—ho li finyella, likete le likete tsa batho ho tsoa lefatše ho pota. Ke potile lefatše hasupa, kamoo le tsebang. 'Me ke kopane le batho ba fetang limilione tse leshome ho pota lefatše.

<sup>10</sup> Ka hona le ka nahana na ho joang—joang, khatello e holima hao. 'Me hangata re teoa ke likhatello tse nyenyane, 'me ke tseba le lona le etsa joalo, hape, le masoabi a manyenyane. Empa le ke le nahane a ka, masoabi a mphihletseng, mohla bommè ba kulang mohaleng, ba reng, "Oho Molimo..." Be, bea butle hanyenyane, Moena Branham. 'Morena Jesu, ke—ke—ke U rapela ho mo romela." "Me—"me ke sa tsoa bea fonofono ea e mong fatše, le *mona*, le *mona*, le *mona*, le lefatše ho pota. Lea tseba ho joang. 'Me hoo—hoo ha ho bonolo ha motho ea fonofonong, a kuleloa ke lesesa, kapa a kuleloa ke monna, kapa a shoeloa ke mosali, a u rapela ho tla. Joale, u ka nahana.

<sup>11</sup> Ha ke makale ke le ramethapo. Ke feela... Ho lekane ho fetola motho hoo. Empa ke entse ntho e le 'ngoe ena, ho ena le ho ferekana. Ke lekile ho itiisa, ka ho tsepamissa mahlo a ka Kalvari ke tsoela pele, kamoo A ntaetseng ho sebetsa. 'Me

liphoso tsa ka tse ngata, ke rapela Molimo ho ntšoarela lintho tsena, haeba ke ne ke tšoanetse ho ea nq'a e itseng ke sa ea. Ke motho feela, 'me nka khona...nka etsa liphoso.

<sup>12</sup> Nthoana e teng, e ntlenyana e builoeng mona jareteng e ka morao, hoseng hona, ha ke tsoa tšebeletsong ea chabo ea letsatsi.

<sup>13</sup> Ke na le motsoalle oa khale ea khabane. Mohlomong o teng mona. O tsoa Chicago. Lebitso la hae ke Stewart. O batla a...Ed Stewart, kea kholoa o lilemong tse hare tsa bomashome a supileng, kapa ho feta. 'Me o kopane le 'na ka ntle mono. 'Me o boloka chelete ea hae ea karolo ea leshome ka li-daeme. 'Me o mphile sephuthelo se seholo sa li-daeme, se ka bang se *kaalo*. 'Me, oh, ha ke tsebe, ke...Ehlile, li sebelisoa tšebetsong, ea boromuoa ea linaha lisele.

<sup>14</sup> 'Me motsoalle oa hae ea lokileng, le oa ka, Moena Skaggs, Leonard Skaggs, ea tsoang Lowell, Indiana, a eme mono. 'Me ke sa ka ka tseba pele; e ne e le Masoniki. A qhoaetse konopo ea Masoniki ho eëna. 'Me re ntse re qoqa ka hlahlamano ea Masoniki.

<sup>15</sup> Eaba motsofe Moena Stewart o re ho 'na, a re, "Kea u rata, Moena Branham, 'me ke rata ho qoqa le uena." Tšoarelang tlhahiso ena. "Empa," a re, "ho u fumana ho thata ho feta mohlape oa lithole tsa MaTurkey."

<sup>16</sup> Hase khale, ha motho, a re ho 'na, "Ke thabetse ha Morena a sa fumanoe ka thata ha *kaalo*." Be, ha kea ikemisetsa ho ba joalo. Ke rata batho. Empa kea...Ipotsa feela...

<sup>17</sup> Ka ea hae ka bolella mohats'a ka, eaba re lula tafoleng rea tšeja, ho ka ba *thata* ha kakang ho fumana lithole tsa MaTurkey, u a tseba. Ka hona—ka hona ke...

<sup>18</sup> Ke kholoa ho se thata ha *kaalo*, Moena Stewart, haeba u le teng mona. Empa ka hla ka e hopola e le bosoasoi bo re qabotseng bohle.

<sup>19</sup> Ka baka leo, nka rata ho bona e mong le e mong. 'Me ke rata e mong le e mong. Hoo ho joalo. Leha ekaba motsoalle kapa sera, ho itšoanelia feela.

<sup>20</sup> 'Me joale ruri ke tsetselela lithapelo tsa lona, kopanong ena e tla latèla. Ke til'o kena har'a MaIndia. 'Me u a tseba, uena, ha u le Roma, u tlameha ho fetoha Moroma; 'me ha u ena le MaIndia, u tlameha ho phela se sa MaIndia.

<sup>21</sup> Motsoalle oa ka oa moromuo, e leng molekane ea tsomang le 'na, e le ha ke eme mono, holimo 'milakhlong, 'Milakhlooa Alaska. Mohlankana ea khabane ea lokileng, le mofumahali oa hae, ea tsoang lelapeng le letle. 'Me ka...Liphaka li jeloe, ka mono, le ka mora litsebe tsa hae le lintho. Ka ipotsa na bothata ba hae ke bofe, "Na ebe o ne a jeoa ke lekhoekhoe?" Le bakiloe ke matsetse le litšitšili, moo a na a tlamehile ho

li-...kamoo a ileng a tlameha ho phela ka ntle koo. Ka baka leo u tlameha ho phela le batho bao hantle, ho ba hapela Kreste. Ke letlotlo la Kreste. Ke batho bao A ba shoetseng, 'me motho e mong o tlameha ho ea ho bona.

<sup>22</sup> 'Me morenana o sa tsoa etela e 'ngoe ea likopano tsa ka tsa haufinyane, 'me Moea o Halalelang kopanong, kapa ka ntle setṣeng, holima setša (lebaleng la bahahlauli, kea kholoa), oa bitsa lebitso la hae, le hore e ne e le mang, le seo a se entseng. Le, oh, khili, eaba ke phetho, ho eèna. O tsebile batho ba ka sitoa ho etsa hoo; e tlamehile ebe e tsoa ho EaMatlaohle.

<sup>23</sup> Ka hona, morenana eo o cheselitse feela, hohle holimo le tlase lebopong leo. 'Me re tla tšoara likopano ka har'a seketoana sa seile, re haole libaka tseo re li fihlelang, Portland, le ho tsoella ka ntle, le holimo lebopong, le ho tse ling, ho Cree Indians, ba khesitsoeng. Baena ba bangata, ba tšoereng litšebeletso tse khôlô, ba sitiloe ho etela koo. Joale, MaIndia . . .

<sup>24</sup> Ha ho peni e le 'ngoe ea chelete . . . Kamoo le tsebang, ha ke phuthe monehêlo likopanong tsa ka. 'Me ha ke nke chelete. Empa kereke mona e—e tšehetsha kopano eo ho MaIndia. Karoloana ea chelete ea lona ea boshome, le lintho, e tla ea lefella, ho tlisettsa bafutsana Molaetsa oona oa poloko le toelo, MaIndia a sa balang.

<sup>25</sup> 'Ebile holim'a tsohle, ke MaAmerika, u a tseba. Rôna re melata, u a bona. Re kene ra ba amoha lona. 'Me re batla . . . Ha ke khone ho ba khutlisetsa sechaba sa bona, empa nka ba fa litšepe tse ka ho Kreste, hoo ho tla re phutha 'moho re le baena tsatsi le leng Lefatšeng leo ntoa le khapo ea naha li leng sieo, e mong ho e mong. E tla ba Lefatše, sebaka ke sa batho bohle. Ke tla thaba mohlang oo, haeba baratuoa ba ka bohle ba tla be ba pholositsoe ba itokisitse nakong eo.

<sup>26</sup> Joale, ke bona metsoalle ea ka e mengata, e lutseng mona, ke sa ntse ke bua. Ke kholoa ke bona Khaitseli . . . Ha ke hopole lebitso la hae. E kile ea eba Lee. Ho joalo na? Na ha u Mof. Lee? Morali oa hao mona, barali, hase bona ba folisitsoeng? Ke botle haholo mono. E mong a le ka har'a Good Shepherd's Home, kapa che . . . Ntho eo e bitsoa'ng? "Khaitseli ea . . ." (Motheo oa Katolike e itseng) "Mofumahali oa Khotso," e ne e bitsoa joalo. Ke ferekanya mabitso ao a Katolike. 'Me ka hona, holimo mono, 'me o . . . jeoa ke kelello, a khahlotsoe ke methapo. 'Me Morena Jesu ea ratoang, eare re sa lutse . . . Na ke lutse maotong a moalo, baratuoa ba hae 'mè le ntate ba eme haufi. 'Me Morena Jesu a e tlaleha e phethiloe, ho phethehile. Ke eo moo a leng teng. Ho felile. 'Me, ehlile, re tseba khaitseli a tletsetse teboho haholo hoseng hona, 'me . . .

<sup>27</sup> Ke shebile koo 'me ke bona batho ba neng ba bolaoa, haufinyane, ke mofetše. Ba hahabetse ka mona, ka litulo tsa bakuli, melangoana; 'me ke bana, ba setloaeling 'me ba phetse,

hoseng hona. Moo ke lefatše ka bophara. Hase ka 'na; ka Eèna, Morena oa rōna Ea tsohileng bafung, o phela ka mehla le mehla. Morena oa rōna a ke a bokoe ka mehla le ho rorisoa, ke thapelo ea ka e mahlonoko.

<sup>28</sup> Na le tla nthapella? [Phutheho e re, "Amen."—Mong.] Le nthapelle bohle. Joale, ke—ke itsepisitse ka hoo. 'Me ha ke tsoela mono, ua bona, mona lapeng, mona ha ho hobe ha kaalo; empa ha u fihla moo u khahlanang le ntoa ka sebele. Ena ke koetliso.

<sup>29</sup> Ke utloile, maobane, ha kereke ea rōna e ne e mpha e—e seteishenewekono se secha, 'me ke... ho hahlaula. 'Me sa ka se batla se khathetse. 'Me ka hona ka—ka bulela seea—le—moea ka mamela litaba. 'Me ba ne ba theoha, maobane bosiu, ba tsoa moo 'na le Joseph re ne re il'o rapela. Re theoha re tsoa Lelaleng la Green's, bao... Eaba ke bulela seea—le—moea. Keha e le litaba, 'me ha boleloa, ho latèla, *Monitara* oona o ne o setse mohlankana morao koetlisong ea hae. Le kamoo a neng a eme monomekotla ea hae e hlohliloe lehlabatle le ntho eohle, a tlamehile ho hahabisetsa hlooho ea hae tlase hakana, litholoana tseo tse phelang tsa mochinikane li thunya holim'a hlooho ea hae a ntse a khasa hara terata e labang le lintho, a fuoa koetliso e boima.

Be, mona re etsa hoo.

<sup>30</sup> Empa joale lebaleng la ntoa ho fapane haholo. Ua bona? Machinikane ao a chehiloe, a koetlisetsoa bophahamong bo itseng. Empa, mabaleng a ntoa, a ka nyoloha kapa a theoha. Ua bona? Ka hona—ka hona mono ho batla ho fapane, u a bona, ho seo—ho seo e leng sona. Ka baka leo re fumana e...

<sup>31</sup> Be, ena ke koetliso, mona. Empa ka ntle koo u lebaleng la ntoa, ka hona joale re tlil'o khahlana le sera. Ka hona rene re tloaetse ho loana... ho bina thokonyana mona, *Ntoa E A Kupa*. O teng ea ntseng a hopola thoko eo? [Phutheho e re, "Amen."—Mong.]

Ntoa e a kupa, oho lona masole a Bakreste,  
E khitlane ka matla 'fahleho li talimané,  
Libetsa lia benya, mebala ea tlokoma,  
Kajeno ho khitlane ho loka le bokhopo.

Ke hantle. Ua bona?

Ntoa e a kupa, empa se tepelle,  
Iphe matla u itiise matleng a Hae;  
Ha Molimo o na le rōna, folaga ea Hae  
holim'a rōna,  
Qetèllong re tla bina thoko ea mohloli.

<sup>32</sup> Ke hantle. Joale, hoseng hona, ke ile ka tlameha ho bua lintho tse ngata, ka mpa ka li khaola, etsoe batho ba rōna ba ne ba eme ba hatèllane ka hare. 'Me ba hoketse lipikara tse nyenyane tsa ka ntle, le khaso e nyenyane, kea kholoa, moo koloi

ka 'ngoe e ka khonang . . . Khaso e re lumella ho finyella lijarete tse baliloeng ho tloha tabernakeleng, ka eona. 'Me ka hona, rōna, re leka ho ananèla ketèlo ea mang le mang hoseng hona.

<sup>33</sup> Joale, pele ho uoa pejana, ha re boleleng . . . Joale, hang ka morao ho mona, kea kholoa, ke tšebeletso ea kolobetso. Pele, ke mola oa thapelo. Re tlil'o rapella bakuli, hoseng hona. Kea nahana, ho fihla ha Molimo temeng e le kholiso ea seo re se buang, tsoho ea Hae. Na O a phela, kapa na ha A phele? Na *Ena* ke tšomo feela, kapa na ebe Ke 'Nete? Haeba A phela, O tšepisitse, "Ke tla ba le lona ka mehla, esita le ho isa bofèlong ba lefatše." Joale, haeba A—haeba A ka kena mona har'a rōna le ho paka A le teng mona, kakanyo ha e sa tla ba teng. Ua bona?

<sup>34</sup> Le hopole, malumeli oohle a lefatšeng, ba boloka matsatsi a bona a khethehileng le matsatsi a phomolo, le tse joalo. Empa ha ho mang oa bona ea ka kholisang hore mothei oa bona . . . Hoo, lefu le mo nkile, 'me eaba ho felile. Empa, ba rōna, borapeli ba Bokreste, Mothei oa rōna o shoele a ba a tsoha.

<sup>35</sup> Koana Mexico, haufinyane, mohla ke ne ke hlahlojoa ke boralitaba, mabapi le tsoso ea lesea le hlokahetseng hoseng hoo ka hora ea robong. 'Me eaba ka mashome a mararo ka mora hora ea leshome bosiu boo, mashome a mararo ka morao ho leshome kapa hora ea leshome le motso o le mong, la tsosoa bafung, hantle kalaneng mono liatleng tsa 'mè oa lona, pontšeng ea batho ba mashome a likete. Eaba likete tse mashome a mararo li tla ho Kreste bosiung boo. Ua bona? Ka hona, he, le ka nahana keha ho le joang.

<sup>36</sup> 'Me mothoana, ke ile ka bona pono ka pel'a ka; 'me ea bitsa lebitsonyana la hae, le sohle. 'Me 'mè a le motše koana, a sa khone ho fumana setlankana sa thapelo, a sa khone ho kena. Empa a sa tlameha ho nyoloha, ho feta moleng. Ka baka leo eitse ha a tlisa leseanyana; pula e na, e tšoloha.

<sup>37</sup> Re nahana hore re a ema; ba nahanceng. Ba ne ba fihla mono ka hora ea robong hoseng, bakeng sa litšebeletso tse qalang ka hora ea robong bosiung boo. Ba eme letsatsing le chesang, e mong a itšetlèhile ka e mong, ho aha moriti. Ho engoe, ho sa luloa; ho engoe. 'Me ehlile ba sebetsa joalo, Afrika le libaka tse fapaneng, koana India, moo ho bokanang halofo ea milione, ka nako e le 'ngoe.

<sup>38</sup> Joale, mosajana enoa a sa khona le ho fumana setlankana sa thapelo. Ho feta, liashara tse ka bang makholo a mararō, ho mo thibela, ho mo thiba ho kena moleng oa thapelo. Le ho ema mono ho rapella leseanyana leo; mothoana, mosali oa Mokatolike. 'Me eaba Moea o Halalelang o a bitsa oa re, "Molelle a le tlise mona."

<sup>39</sup> 'Me leseanyana leo, tlasa lepae le kolobileng; esale ho engoe mono ho tloha hoseng. Ngaka e le tlalehile le shoele. Joale, re tšoere setamente sa ngaka, e le tlalehileng le shoele,

hoseng hoo ka hora ea robong. 'Me mona e le bosiu boo, ho ella khitla ea bosiu. 'Me 'na, ho latèla feela, seo pono e se buileng, ka tloha, ka bea leseanyana matsoho. Ke leo, le ne le phela. Ngaka ea paka.

<sup>40</sup> Ka hlahljoja ke boralitaba. 'Me ka hona, ha ho letho khahlano le bolumeli ba mang, haeba bo fela bo itšetlehile ka Bibebe, ho lokile. Empa monna ea ntlhomeng lipotso e ne e le Mokatolike, 'me o itse ho 'na, "Na u lumela ha bahalaleli ba rôna ba ka etsa hoo?"

<sup>41</sup> Ka re, "Haeba ba phela." Hoba, ke tseba kereke ea Katolike e lumela u tlamehile ho shoa, ho ba mohalaleli. Ka hona eaba ke re, "Haeba ba phela, e."

'Me a re, "Oh, u ke ke oa ba mohalaleli pele o eshoa."

<sup>42</sup> Ka re, "Pauluse e ne e le mohalaleli pele a eshoa kapa ka mora lefu la hae? Ebe o ne a ngolla mang, batho ba shoeleng, mohla a reng, 'Ho bahalaleli ba Efese,' le bahalaleli ba tulo e itseng? A ke ke a ngolla batho ba shoeleng, u a tseba."

<sup>43</sup> Ka hona eaba o re, "Joale u leka ho ahlola taba ea hao ka Bibebe. Rôna re kereke."

Ka re, "Ho lokile, monghali. Ke botle."

'Me a re, "Rôna re kereke."

<sup>44</sup> Ka re, "Ha ho le joalo e re re bone ha kereke e etsa hoo." Ua bona? Ha ho le joalo, ke hona, ke Kreste a inotsi ea ka etsang hoo. Le tseba seo.

A re, "U nahana'ng ka kereke ea Katolike?"

Ka re, "Eka u ka be u sa mpotsa hoo." Ua bona?

A re, "Be, ke rata ho e utloa."

'Me ka re, "Mokhoa o holimo ho feta o buang le bafu."

'Me a re, "Ho bua le bafu?"

Ka re, "E, monghali."

A re, "U ka rialo joang?"

<sup>45</sup> Ka re, "Hohle ho kopanang le bafu; kopano ea bahalaleli, ua bona."

'Me a re, "Be, u rapela Kreste, athe O shoele."

Ka re, "Empa, O tsohile hape, ua bona."

<sup>46</sup> Ka hona, ke eo taba e molemo eo re e tsebang, O tsohile hape. Na ha re lebohe? [Phutheho e re, "Amen."—Mong.]

<sup>47</sup> Ha re inamiseng lihlooho tsa rôna 'me re Mo lebohe kaha A tsohile lebitleng ka 'nete morerong oa tokafatso ea rôna.

<sup>48</sup> Ntate oa Lehholimo, hoseng hona re motlotlo ka Jesu; 'me kajeno, sehopotsong sa tsoho ea Hae e khôlô, hoseng hoo ho sekôlökötô mohla A ne a tsoha bafung, a hlotse lefu, lihele, le lebitla. Mohla A ne a lefatšeng, O itšupile A hlotse maloetse,

mahloko, le—le matemona a mefuta eohle le matla. Eaba lefu le robala ka pel'a Hae, sera se seholo le sa ho qetela. 'Me O pakile hoseng ha Paseka hore E ne e le Molimo. A tsoha esita le sereng sa ho qetela, le sitiloe ho Mo tšoara. Lebitla le ile la Mo tèla; lihele tsa tlameha ho Mo lokolla; Leholidmo le Mo amohetse.

<sup>49</sup> Oho Molimo, lipelō tsa rōna li ke li Mo amohele kajeno, ka matla a Moea o Halalelang, re fetohé monemōtse oa Hae, mehlala ea Hae—Hae, ea bahlanka ba Hae mona lefatšeng, re sa jakile. Aba sena.

<sup>50</sup> Hlohonolofatsa bohole ba mona. Molimo, batho ba khabane bana ba emeng, bang ba bona esale ba pitlane mona ho qala ha letsatsi le chaba. Kea rapela, Ntate oa Leholidmo, U tle u tšolele "hohle ho fetisisang ho tlolisang hohle hoo re ka ho nahananang," holim'a bona kajeno, le ho ba abela litakatso tse tebileng tsa pelō ea bona. Seo mang le mang a se tlelang, hoseng hona, ba ke ba khutle, ba khotsofetse. U itse U ke ke oa ba leleka, U mpa u tla mo tlatsa ka lintho tse molemo, le ho mo khutlisa a nyakaletse. Aba sena, Morena.

<sup>51</sup> A matla a Hao a sa sitoeng ke letho, a Moea oa Hao o Halalelang, ka matla a tsoho, a sebetsane le rōna ho fihlela litšepe tsa rōna li sa hahuoa holim'a letho haese Mali a Jesu ka ho loka. Aba sena, Ntate.

Hlohonolofatsa Mantsoe joale re sa bala.

<sup>52</sup> Re U leboha ka molaetsa o babatsehang oo hoseng hona, re sa kena kerekeng hoseng. Le ho U bona u tšoara moena oa rōna, le phethoho e kana nakoaneng feela, le ho hlahisetsa moloko o shoang oona oa batho bao re leng karolo ea bona molaetsa, re U leboha ha kakang ka hoo, Morena! Oho Molimo, lipelō tsa rōna li tetemisoa ke thabo ha re nahana lintho tseo. Joale, mo boloke a tlotsitsoe, Morena, matsatsing oohle a ka pele ho eëna, Morena.

<sup>53</sup> Le ho hlohonolofatsa kerekana ena. Le ho nthusa, Morena, ke sa tloha ho tlisetsa batho ba bang Molaetsa. 'Me rōna, 'moho, joaleka motho a le mong, lelapa le le leng, re khomarelane, le ho rapela 'moho, le ho phela 'moho ka bonngoe bo halalelang ba Moea o Halalelang ho fihlela Jesu a re amohela 'Musong. Hoba re e kopa ka Lebitso la Hae le tlotsisong ea Hae. Amen.

<sup>54</sup> [Moena Neville o re, "Moena Branham, na nka u kena hanong nakoana?"—Mong.] Ehlide bo moena, u ka khona. ["Sena ke sesupo sa kananèlo ka—ka mosebetsi oa mohlankana ea har'a rōna, re u abela setšoantšo sena, Moena Branham, ho hhalosa lerato la rōna le tletseng le kananèlo."] Kea u leboha, Moena Neville, le tabernakele. ["Lebitso la mohlankanya ke Jerry Steffy, ea takileng setšoantšo seo."]

<sup>55</sup> Moena Jerry Steffy o takile setšoantšo seo. Molimo a hlohonolofatse moshanyana eo. Ke botle haholo, Jerry,

haeba u le mona hoseng hona. Ho hobe, eka nkabe ke ruile bokhoni ba ho lumella moshanyana eo ho kenela sekolo sa botaki. Kea lumela Molimo o teng botaking. Ha le lumele joalo? [Phutheho e re, “Amen.”—Mong.] Molimo o ’minong. Molimo o botaking. Molimo o nthong ena. ’Me ho hobe ho bona talenta, e kang eo, e sa ntšetsoe pele. Ha a tsoela pele ho e etsa, o tla ntlafala ho feta. ’Me ke—ke rapela Molimo ho u hlohonolofatsa, Jerry.

<sup>56</sup> ’Me kea u leboha, Moena Neville, le ho kereke ena, ka setšoants̄o se setle sena le ka temana e maotong ho se felehetsa. Ke tla e bala hamorao. [Moena Neville o re, “U batla ke e bale?”—Mong.] Ho lokile, monghali. Moena Neville o tla bala temana. Ke batlile ke fihleloa ke mohopolo oa seo e...[Moena Neville o bala *Hlompho E Lebisoa Ho Mohlomphuoa.*]

Ha se morotloula oa monna,  
Ho sieo ke tšobotsi ea boikhantšo,  
Ha a butšoelie terompeta ho itlhomphisa,  
Leètong la hae la letsatsi ka leng.

O itōsölla leruo kapa botumo,  
Tulong tsa hae ho ka itōkötela mang;  
Re mo rata a ntse a le joalo,  
Moratuoa oa rōna Moena Bill.

Ke mosuhè ea tšepehang  
Oa Lentsoe le sa hlapholohang,  
O itšihlolla boipontši, le thoriso,  
O sikara bolateli ba Morena to.

Puo ea hae e mosa e ithobile,  
Ha a phahamise lentsoe la hae,  
Haese ho rorèla bokhopo,  
Teng o tubèha ho se boikhethelo.

Thupello ea hae e a haella  
Ho tsoa likolesheng le sekolong,  
Empa o tseba se bohlokaoa  
'Me ehlile hase mohofe oa motho.

Hobane seboko sa tsebo ea hae  
Ke sa holimo Bohlolehong,  
Tumeloana ha e eo, haese Kreste,  
Lerato le Mokhethoa ke molao o lomōlang.

Mokhosi oa motonana ha ho a hlajoa,  
Mohla tsoalo ea hae e tlase, e sa khabang,  
Empa ho rōna ke monna oa boholo,  
Bo fetisang ho phela holim'a lefatše.

Re re ho rōna ke monyetla o tlolisang  
Ho mo tseba sa motsoalle hle,  
Re motlotlo ka seo a se emelang,  
Re tla etsa hoo ho isa bofèlong.

O itlaleha eèna e se moreri bo,  
 Boithobo ba hae ha se boetsisi,  
 Empa ako mo hloese sefate sa sefala  
 Teng ho bona ha ho boima.

O ne a reroe ho beoa moporofeta,  
 Leha batho ba ka bua lipuo,  
 Re bahauheloa ba baholo ho Molimo  
 Ho neoa ke Eèna enoa Moena Bill.

[“E tekeniloe, ‘Mohlatsoana.’”]

<sup>57</sup> Kea u leboha, Moena Neville. Ke leboha mehopolo ea hao. Ea qapileng hoo ke mang? [Moena Neville o re, “Kea kholoa ke ’mè oa hae.”—Mong.] Hoo ke . . .

<sup>58</sup> Lintho tseo ha li ntšoanele, ho bua hoo, empa ho ’na hoo ho fetisa chelete eohle lefatšeng ka bohloko. Úa bona? Ako nahane feela, motho ea u nkang u le mohlanka oa Hae, ua bona, joaleka—joaleka mohlanka oa Molimo. Nke ke phela ka botšephi ba mehla eohle mono, ke thapelo ea ka. Molimo a u hlohonolofatse ka mehla. Mehopolo ea ka e tla hlola le uena ka mehla. ’Me le ’na, ke hlile ke u rata haholo bo.

<sup>59</sup> Joale, oh, re na le lintho tse ngata feela, re ka qeta letšeare lohle ’me re sa finyelle Lentsoe ho hang, u a bona, lintho tse ngata hakana tse khabane.

<sup>60</sup> Ke ne ke tlil’o bua lethonyana mabapi le e—e pono e tsoang ho Morena, ’me—’me le motho o teng ea lorileng toro, hoo, oh, eo ke e hopotseng e ne e tsoile ka mahetla, ea ho Khutla ha Morena. ’Me ke . . .

<sup>61</sup> Rebeka e monyenyané, morali oa ka morao mane. Ke . . . Leha koana ke iqabotse ka eèna nakoana e fetileng. O ile a tsoa, a roets e ’ngoe ea e—e likatiba tse khòlò tseo. ’Me ka re, “Joale, moratuoa, ekare sehlaha sa nonyana,” ka re, “e totometsoe mahlokoao, le ntho eohle, ka mokhoa oo.” Ka re, “Tsamaea, u e role.”

<sup>62</sup> Eaba, o iphetetsa ho ’na. A khutla metsotsong e ’maloa; u a tseba, kamoo a iphetelitseng, eaba o a khutla. A khutla a tšoere pokothobuka e khòlò, a e jere. Ka re “Ntho eo e tsoa kae?”

<sup>63</sup> A re, “Daddy,” o re, “ke na le maoto a maholo, kea kholoa nka nka pokothobuka e khòlò ho a nyallisa.” Ka baka leo, oh, lintho tsena!

<sup>64</sup> Empa o itse o lorile habeli ’na le eèna re palame koloi, ’me ke ’molella ka ho hlaha ha Morena ho haufi; toro e le ’ngoe, khetlo labobel. Ke emetse ea borarò; e ka ba Morena, koana, o tla mpha seo e se bolelang.

<sup>65</sup> Joale, lintho tse ngata li ka boleloa, empa ha re theoheleng Lentsoeng hona joale.

<sup>66</sup> Mang le mang o ikutloa a thabile, kea t̄sepa. [Phutheho e re, "Amen."—Mong.] 'Me haeba u se joalo, ke rapela Molimo ho u thabisa pele t̄sbeletso e feta, ho se sale motho ea t̄seremang hara rōna hoseng hona, hoba t̄sbeletso e fete.

<sup>67</sup> Joale, re tlameha ho hopola hobane Kreste o shoetse bakhopo, 'me e ne e le rōna. Ua bona? Ke rōna. 'Me O re shoetse, A tle a re pholose.

<sup>68</sup> Joale, le khona ho nkutloa ka mahohle, hantle? Motšeо ka morao, na bohole le utloa hantle mono? Na lea fihla morao mono? Ke botle. Ho lokile.

<sup>69</sup> Joale ke batla ho bala Lentsoe la Hae le seng le kae. Pele, ha re phetleng joale Bukeng ea Joele, 'me ke batla ho bala temana ea 1, ea 1 ho fihla ho temana ea 4. Le ea 2 hape, ho issa ho...khaolo ea 2 le temana ea 25. Le Genese 20:7. Joale, ke hlile ke ananèla...

<sup>70</sup> Joale, haeba u khathala u batla ho tsoa, qhoba bo. Ua bona? Empa, oona etlaba Molaetsa oa ka oa ho qetela ho Kereke, bakeng sa, karolo ena ea Kereke, nakoana e itseng. 'Me hoseng hona re lebeletse t̄sbeletso ea pholiso. 'Me ke—ke batla Molaetsa oona, haeba Molimo o ka O hlohonolofatsa, ho—ho thophothela botebong ba lipelō tsa rōna, re tle re fumane seo O se bolelang.

<sup>71</sup> Joale, re mona ho hhalosa, ho—ho bua lintho tseo re li lumelang, le ho e kholisa ka Lengolo, hore Lengolo le rialo; 'me Molimo o ke o khutle 'me a e pake, hore o nepile, o lokile, ho o netefatsa. Joalo feels ka ntho efe...

<sup>72</sup> U re, "Peō ea sonobolomo ke ena." Ako e leme u bone seo e leng sona. Ebe, e mela e le sonobolomo, ke phetho. E ne e le sonobolomo. Ua bona? Ke phetho.

<sup>73</sup> Joale, 'me haeba ba bang ba bona ba fetola litulo, hang ka nako; motho e mong a lule, ba bang ba eme 'me ba eme nakoana. 'Me ke tla ba mokhutšoane kamoo nka khonang.

<sup>74</sup> Joale, hopolang, le nthapelle. 'Me joale le t̄sepahale kerekeng; lulang le kereke mona hantle, le Moena Neville. 'Me lona batho ba etileng, be, joale, le boele le khutle.

<sup>75</sup> 'Me joale ke t̄suarane le likopano tsena, ke kena ho tsona ke sa utloa pitso e tiileng. Empa, nke ke ka robala feels; lefatše le a shoa. Ua bona? Le Pauluse o kile a t̄saoaso ke hoo. Athe o ne a lebile naheng eseles, eaba o letsetsoa pitso ea Masedonia, leetong. Joale, Molimo o ka hlabo pitso ea Masedonia, nako efe. Ke phumula ntho efe feels, ha Molimo o bitsa.

<sup>76</sup> Ke mpa ke sebetsa ka bokhoni boo ke bo khonang, ho kena koung ena, ho jala lipeō; le ka mona, ho jala lipeō tse 'maloa; le ka mona, ho hasa, ho jala lipeō tse 'maloa. Kea tseba, linonyana tsa leholimō li thonaka tse ngata hara tsona; tse ling

lia pupetsoa, le joalo. Empa tse 'maloa li ka ba teng, ka mono, tse melang, hape, u a tseba, mobung o motle. Ka baka leo ha re jaleng peō feela, ke hona ho bohlokoa.

<sup>77</sup> Palo e hlollang ruri, e le e—e molaetsa oa Paseka, Joele, khaolo ea 1.

*Ke lona lentsoe la JEHOVA le neng le tlele ho Joele mora Pethuele.*

*Utloang taba ena, lona maqheku, le sekehe litsebe, . . . bohole baahi ba lefatše. Ana taba e joalo e se e kile ea eba teng mehleng ea lona, le mehleng ea bontata lona?*

*Le . . . bolelle bara ba lona, bara ba lona ba e bolelle bara ba bona, le re bara ba bona ba e bolelle moloko o tlangu.*

*Se siiloeng ke bookholane se jeloe ke tsie; se siiloeng ke tsie se jeloe ke marutle; se siiloeng ke marutle seongoane se se jele.*

<sup>78</sup> Joale temana ea 25 ea khaolo ea 2.

*Ke tla le buseletsa lilemo tse kileng tsa jaoa ke tsie, le ke marutle, le ke seongoane, le ke bookholane, la ka . . . le ke bookholane, khotla la ka le leholo leo ke le rometseng hara lona.*

*Le tla ja, le be le khore, le tla rorisa lebitso la JEHOVA Molimo oa lona, ea le etselitseng tse hlollang: 'me sechaba sa ka se ke ke sa hlola se hlajoa ke lihlong le ka mohla o le mong.*

<sup>79</sup> Ho Genese, ea 20, Genese. Khaolo ea 20 ea Genese, le temana ea 7. Ke batla ho bala sena, ho latēla e . . . mohlolithero oa therō ena eo ke—ke leng mothating oa ho e qotsa. Ke tla qala ka temana ea 6, ho thea moraloo onna.

*Molimo oa re ho eēna torong, Le 'na, kea tseba hobane u entse hoo ka pelō e hloekileng; 'me ke—'me ke u thibetse hore u tle u se ke oa ntšiteloa: ke ka baka leo ke sa kang ka u lesa le hore u mo ame.*

*Joale he busetsa mosali ho monna oa hae; etsoe e le moporofeta, 'me otla u rapella, hore u pholohē: empa ha u ke ke oa 'museletsa, u tsebe . . . u tlo shoa le ho shoa, uena, le bohole bao u nang le bona.*

<sup>80</sup> Joale, ke ntšā mona therō, kapa palong ena ea Lengolo, kakaretso ea therō, e bitsoang, "khutlisetsa."

<sup>81</sup> Joale, hoba Moena Neville a rere hoseng hona, molaetsa o ipabotseng oo, ntho ea ho qetela a e buileng mehopolong ea hae e koalang, e ne e le hoo, "Ho khutlisetsa." 'Me hoo ha mphā monahano, hantle mono, ho "khutlisetsa."

<sup>82</sup> Joale, ka titimela lapeng ka tšoara bukantsoe ea ka, le lintho tse joalo, le lintlha tse itseng tsa Lengolo, le ho qala

ke kopitsa lintho ho li ngola fatše. 'Me eaba ke fumana bukantsoe ea Webster, ho fumana hlaloso e nepileng ea *khutlisetsa*. Ho *khutlisetsa*, ho bolela, "ho busetsa ho mong'a mantlha, kapa ho buseletsa malulong a mantlha." 'Me tseko re ka e qobèlla, ho *khutlisetsoa*.

<sup>83</sup> Joale, ke seo Webster a tlalehang lentsoe *khutlisetsa* le se bolela, "Ho *khutlisetsa* ho mong'a mantlha, kapa ho buseletsa malulong a mantlha." 'Me haeba ntho e tsekoa, ho phethisa *khutlisetso* eo, u ka e qobèlla, ho e busetsa litulong tsa eona tsa mantlha.

'Me Molimo o ke o hlohonolofatse mantsoe a fokolang hona joale.

<sup>84</sup> Ho *khutlisetsa*, ho bolela, "ho busetsa." Kapa, ho *khutlisetsa*, e—e tseko e ka qobèlla, joale, ho busetsa ntho efe ho mong'a eona oa mantlha ea nèpahetseng, ha habo eona. Ka baka leo, ka mokhoa o itseng, e tlohile ho mong'a eona ea nèpahetseng, 'me ea 'na ea lelera hohle. Empa, ho *khutlisetsa*, ke ho e busetsa ea e ruileng ka tšoanelo, kapa ho e busetsa boahong ba eona ba hlaho qalong, ho e busetsa maemong a eona a hlaho. 'Me ho ka etsa sena, re filoe tokelo ea ho qobèlla, haeba molao o le teng, ho qobèlla maemo ana a mantlha a *khutlisetso*, ho *khutlisetsa*.

<sup>85</sup> Mokana motho ea utsoitseng thepa, ba bile ba holehile thepa eo. Ke moo u ka nkang molao oa ea ho motho enoa, 'me molao o hatèlla, o qobèlla motho enoa ho *khutlisetsa* thepa ena ho mong'a eona oa ho qala, boahong ba eona ba pele bo molaong.

<sup>86</sup> Qobèlla! Oh, therò e kakang! Nka rata hakakang ho qeta matsatsi a mabeli a tletseng mono, ho qobèlla!

<sup>87</sup> Joale, Moena Neville o re reretse. Ke tlil'o qoqa le lona feela, ho ruta thuto ea sekolo sa Sontaha e tle—tle e o ntšetsepele, kea tšepa, seo a neng a se tšoere.

<sup>88</sup> Ho qobèlla! Ka hona, rōna rea...filoe monyetla ho qobèlla, holim'a Satane, litseko tseo Molimo o re neileng tsona. Hobane, Molimo o beile molao, 'me Lentsoe la Oona ke molao, 'me Molimo o etselitse Kereke litseko tse ikhethang Lentsoeng. Ka baka leo, re na le tokelo ea ho qobèlla litseko tsena holim'a Satane, le ho re, "E busetse," 'me o tlameha ho etsa hoo. Hobane, re ka nka Agente ea Molimo, Moea o Halalelang, ra theohela hantle mangoleng a rōna, le ho re, "HO RIALO MORENA." O tlamehile ho e tèla, ke phetho, hoba Moea o Halelalang o teng mono ho mo etsisa eona.

Molao oa naha ke ho qobèlla. Ke ka naha, molemong oa naha.

<sup>89</sup> Empa molao oa Moea oa Molimo o etselitsoe ho qobèlla Satane ho tèla seo a se tšoereng e se ka tokelo, se amohuoeng Molimo ka thetso. Meea ea batho, o e amohile Molimo; meea ea

basali, bana. Maloetse a 'mele, o a ribehile holim'a batho. Athé, Molimo o ba bopile ka setšoano sa Oona, ho tšoana le Oona, 'me Kereke e neiloe litokelo semolao, ke Bibele, ho nka Moea o Halalelang le ho qōbèlla sena holim'a bona.

<sup>90</sup> Kea kholoa ke sa tsoa e qotsa, kopanong ea ho qetela mona. Ha kea kholiseha. Empa moena e mong o ne a fihle Louisville, a tsoa tlase Georgia, 'me a siea koloi ea hae mono, eaba motho o a e utsoa. 'Me liaparo tsa hae ka mono, liaparo tsa mohatsa'e, liaparo tsa bana ba hae. E ne e le Moena Evans mona. Ka tloaelo ba teng mona. Ba khanna limaele tse sekete le makholo a mahlano, letsatsi ka leng, ha re tšoere tšebeletso mona, ho tla koano ho kenela tšebeletso. 'Me keha mothaka oa batho a eme mono a se na letho, 'me a le hole le lelapa ka limaele tse makholo a supileng le ho hong. 'Me a sa tsebe seo a ka se etsang.

<sup>91</sup> Eaba o e behela mapolesa. Empa keha ba lohile marang-rang a maholo Louisville; ba utsoa makoloi, 'me ba a ferefá. 'Me u ka khona...ha u a tlameha le ho tšoara lengolo, mono, ho e rekisa. 'Me ba ka u etsetsa lengolo, metsotsong e 'maloa, nomoro efe eo u batlang ho e maneha. 'Me ba tšoarane le nako e bohloko.

<sup>92</sup> Eaba re khumama mangoleng a rōna. Ua bona? Joale, Jesu o ne a sa lokela ho etsa hoo, hoba E ne e le Lentsoe. Joale, rōna ha re Lentsoe. "Lentsoe la Morena le tlie ho baporofeta." Bao e ne e se Lentsoe, empa Lentsoe le tla ho bona. Empa Jesu e ne e le Lentsoe. Ua bona? O ne a sa tlameha ho rapela. E ne e le Molimo, ka Boeëna. Ua bona? Empa rōna re—re baporofeta ba Hae, bahlanka ba Hae, bao Lentsoe la Morena le ba tlelang. Hape, moporofeta o netefatsoa ke hoo, hore ke Lentsoe la Morena kapa che, ha seo a se buang se hlaha joalo.

<sup>93</sup> Ka baka leo re ne re tšoere Lengolo mona, le Jesu a le buileng, "Moo ba babeli kapa ho feta ba kopaneng ka Lebitso la Ka, ekare ha ba lumellana, Ke tla ema har'a bona. Ekare ha ba lumellana ka taba eo ba e kopang, ba sa belaele, ba tla fuoa seo ba se kopileng. Ba tla se neoa."

<sup>94</sup> Joale, ho na—na le molao. Joale, Ea leng teng mona ho qōbèlla molao oo ke Moea o Halalelang. Le reng ka batho ba sa lumeleng ho Moea o Halalelang, ba Mo latōlang? Ua bona? Re... U ntse u latōla khotso ea hao le mohau. Ua bona?

<sup>95</sup> Joale, re ile ra khumama ka mangole a rōna, banna ba ka bang bahlano, le Moena Fred Sothmann le—le bongata bo leng teng mono, banna ba ka bang bane kapa ba bahlano. Eaba rea khumama, 'me ka rapelisisa nyoe ena pel'a Molimo. 'Me eaba ke nka Lentsoe, kapa tšepiso, ka Le romela. Moea o Halalelang o moholo, eare ha A tšoara Lentsoe, ho kata lisamane, pono ea hlaha 'me ka bona monna a tobile Bowling Green, Kentucky, a apere hempe e tšebla, a khanna lori ea hae. Moea o Halalelang

oa mo fihlela, oa mo qosa, eaba o retoloha, a se a batla a le bohareng. Ka 'mona a khutla a emisa koloi seterateng se itseng, ka mose ho noka mona. Ka tsoha 'me ka borella baena, "HO RIALO MORENA."

<sup>96</sup> 'Me eareha ba etsoa, ba kena tseleng. 'Me koloi e le eo e eme mono, mafura a le halofo, mono e—e tanka e batla e le halofo, e sa tsoa tflatsoa, ho lekana feela, ho mo isa Bowling Green le ho mo khutlisa. Joale, banna bao ba lutse hantle mona hoseng hona, e le lipaki.

<sup>97</sup> Ke eng? Ho qōbèlla. "E busetse." Ua bona? Ke eona. E bua ka hoo. "E khutlisetse. E busetse ho mong'a eona oa tsoanelo."

<sup>98</sup> 'Me haeba Satane a u khotholitse monyetla oa ho beoa mora kapa morali oa Molimo, re na le tokelo hoseng hona, ka Moea o Halalelang, ho qōbèlla tseko ea Molimo. "Ba busetse."

<sup>99</sup> Haeba a u hllokofalitse, a u kulisitse, re na le tokelo ka pel'a Molimo ho qōbèlla melao ea Molimo. "Re folisoa ka maqeba a Hae." Amen. "Mo busetse. Mo lokolle. U ntse u mo isa koana, lefung, 'me rea mo tseka. Mo busetse hona joale."

<sup>100</sup> Ke ho qōbèlla; ho e khutlisetsa malulong a eona a ho qala. Monna o a kula; lesea le a kula; mosali o a kula. Ua bona? Ba tlohile malulong a bona a ho qala. Ke moo re nang le tokelo ea ho qōbèlla tseko ea rōna. Hase tseko ea rōna. Ke tseko ea rōna ka hobane Molimo a re neile eona. "Re folisitsoe ka maqeba a Hae. Athe O hlabetsoe littolo tsa rōna. Re folisitsoe ka maqeba a Hae." Joale re na le tokelo ho qōbèlla molao oo. 'Me e—e Moaba—Molao, Moea o Halalelang, ka Boeëna, o teng mona, Agente ea Molimo, ho e hllokomela e sebelitsoe joalo. Amen.

<sup>101</sup> Joale, mokhoa o le mong oo A ka sebetsang, keha u Mo lumella ho sebetsa. Ua bona? U tlameha ho e lumela. Molao o beiloe. Oh, haeba nka fihla therong ea ka le ka mohla. Molao o beiloe. Lintho tsohle li beetsoe molao.

<sup>102</sup> U a tseba, hlapi e ruile molao. 'Me hlapi eo e ka ema holimo mona metsing, 'me ka ho eona e ruile molao. Haeba feela e ka lokolla molao oo o ahileng ka ho eona, e ka theohela tlase botebong ba leoatle. Ha e hlophehe ka letho. Ha e pshatle le sele e le 'ngoe. Uena aka leke hoo. Ha u a rua molao oo. Ha u ka ke oa khona, empa hlapi e ka khona. E panchisa moea oo ka ho eona, ebile ha e khone, ha ho letho le tla pshatleha ka ho eona. 'Me e bopiloe joalo. E a e tseba. 'Me e ka qōbèlla molao oo, oa e tebisetsa tlase botebong ba leoatle, le ho boela o e phahamisa. Oh!

<sup>103</sup> Ka ho Kreste ho no ho ahile molao. Molao oo o ahile ka ho batho. U ka mo pata lebitleng le tebileng ho fetisa, kapa leoatleng le tebileng, kapa e—e liheleng tse tebileng. Molao o teng, oa Moea oa Molimo, o tla boela o mo tsosa hape. Ua bona?

<sup>104</sup> Nonyana e ruile molao. Joale, 'mele oa eona ke materiale. Ke serura se loheletsoeng le lefatše, e ahile mona

holim'a lefatše. Empa ka ho eona e ruile molao, oo, kamoo e phuthullang liphuka tsa eona, e ka fofa ea nyamella mahlo. Hoo ho thulana le mahlale. Ba e tlaleha e—e le serura se loheletsoeng lefatšeng; matla a khohèli a tlamehile ho e koebetella mona. Empa e ka khona ho hanelo molao oa khohèli, ea iphahamisa e itšoasolla ho eona 'me ea tsoela ka ntle, kaha e tlamehile ho kenya molao o ka ho eona tšebetsong. 'Me e bopetsoe ho rua molao oo.

<sup>105</sup> Joale ke qala ke ikutloa ke halalela. Joale, re ruile molao, molao oa Bophelo o leng ka ho rōna. Ha re... Ntho e le 'ngoe feela eo u tlamehang ho e etsa... U bopetsoe hona, ho tsoalloa hona, le ho beoa mona ka har'a 'Mele oa Kreste, joaleka bara le barali ba Molimo. Ha u a tlameha ho kobotèla tlas'a Liabolosi. Re ruile molao. Oo ke molao oa Moea o Halalelang. Ntho e le 'ngoe eo u e tsebang... u tlamehang ho e etsa, ke ho tseba ho tèla le ho lumella Molimo. Ha u lula u e loantša, ua bona, e ke ke ea sebetsa. Athe, u mpa u tèla feela le ho lumella Molimo, ke phetho. Ua bona?

<sup>106</sup> Haeba hlapi e itse, "Be butle, ehlide ke tla hula phefumoloho e ngata. Ke tla hemu ke hulele oksejene e seng kae ka ho 'na, 'me ke bone haeba nka khona ho theoha." Che. Haeba e ka etsa hoo, e tla phatloha. Ua bona?

<sup>107</sup> Nonyana e re, "Ke tla bona sekhhalla seo nka se mathang tlase mona, 'me koana nka thakhoha." Che. Ha e ka ke ea khona. E tla ratlana fatše. Ua bona? E tlameha ho tseba mokhoa oa ho laola, kamoo molao oo o ka e laolang kateng.

<sup>108</sup> Le ho rōna ho joalo. Hase ntoa ea rōna, le ho hula, le—le ho potlaka, le—le, "Oh, haeba ke sa fumane *sena*, haeba ke sa fumane *sane*." Hase eona. Ke ho tseba hobane molao oa Bophelo o ahile ka ho uena, le ho tèla feela le ho lumella Molimo. Ebe O u fihlisa pholisong ea hao, ho u fihlisa kolobetsong ea Moea, le ha e le eng A e tšepisitseng. Tlaleho efe A e abileng ke ea hao, ka ho tèla le ho lumella Molimo. Joale, haeba u...

<sup>109</sup> Haeba ofisiri e tlie ho—e tlie ho tšoara mothaka ea utsoitseng thepa ea hao, e tlie ho mo hulela chankaneng, 'me u sa phetse ho mo khina, "Be, ha ke tsebe haeba a tlameha ho etsa sena kapa che," a ke ke a mo fihlisa mono. Ako mo tlohele.

<sup>110</sup> Le uena u sebetsa joalo. Ako tlohele Satane a tsamaee, lipelaelo tsohle le sohle se balehe mohopolong oa hao, ke hona mohla Molimo o tla u emisa. E ntle.

<sup>111</sup> Joale, ke nako ea Paseka. Oh, ke rata Paseka. E, monghali. Empa li ngata lintho tsa Paseka, kajeno, tse mabapi le mebutla, le matata, le likhoho tse pinki, le likatiba tse ntle, le mese e mecha; le eona hase Paseka. Paseka ke tsoho, khutlisetsa, ho khutlisetsa. Ke nako ea Molimo ea ho khutlisetsa. Ha u sheba lefatše; Molimo o a khutlisetsa. Ho khutlisetsa eng? Hlaho.

Ke hantle. O khutlisetsa lipalesa. O khutlisetsa mahlaku. O khutlisetsa litholoana tsa naha. Ke eng? Molimo o a khutlisetsa. Ke Paseka; e bolelang “ho e busetsa.”

<sup>112</sup> Ke eng? Ho hlahile e—e polelo, tlaleho. Paseka e a tseka, kapa e—e—e lipalesa li a tseka, e na le tokelo ea ho boela e tsoha. Ua bona? ’Me molao oa Molimo oa hlaho o hula o phikolosa lefatše ’me o sebelisa molao oo oa Molimo, tlahong, ho hlahisa Paseka, tsoho. E khabane hle. Ho boea ha letsatsi, ho khutlisetsa seo mariha a se bolaileng, nakong eo le ileng hole le lefatše. Molimo o boela a phikolosa lefatše a le potisa letsatsi, kamoo re bolelloang kateng, ho tsoa motšeo *mona*.

<sup>113</sup> Lefatše, lefatše le ngalile letsatsi, le ngalletse motšeo ka ntle *mona*. Le moetsalibe o etsa joalo, o ngala M-o-r-a. Be, lena ke l-e-t-s-a-t-s-i. Empa mohla lefatše lena le qalang le khutla. . . . ’Me eare le sa ituletse kantle koo, lefu la le khahlola, mariha. Le bolaea sohle se phelang seo le ka se bolaeang, kantle *mona*.

<sup>114</sup> ’Me, joale, mohla lefatše le boeang sekoele le potoloha. Lipeō li robetse mobung. Li hoamme. Nama ea tsona e phutselitse ka ntle ho tsona. Eona. . . . ’Me sohle se felile matla; empa bo teng bophelo bo babaletsoeng. ’Me hang ha letsatsi le phikoloha le khohlela malulong le boela le tobana le lefatše, eba Paseka e boela e hlaha, khutlisetsa. Lipalesa li boela li fupuha. Ntho e ’ngoe le e ’ngoe e a fupuha. Sohle seo mariha a se bolaileng, letsatsi lea se khutlisetsa. Sohle se bolailoeng ke lefu la mariha, letsatsi la bophelo le a se khutlisetsa.

<sup>115</sup> ’Me le ka batho ho etsahala hona hoo joale. Sohle seo serame se batang sa mariha, seo borapeli bo tsitsipaneng bo se bolaileng kantle koo, ho atamela ha Mora Molimo matsatsing ana a qetelo, ea tlelang Kereke ea Hae, ho boela ho E khutlisetsa Bophelong. “Ke tla khutlisetsa, ho bolela Morena.” Ua bona? Molimo o khutlisetsa lipalesa tsa Hae, mahlaku a Hae, hlaho ea Hae, peō ea Hae ea lefatše, ’me ka baka leo re tseba, ka hona, hobane Molimo o tla boela o khutlisetsa leahoa la Oona. O tla khutlisetsa Edene ea Oona. O tla khutlisetsa sohle se bolailoeng ke lefu. Ke hantle. Joale, mokhoa o le mong e ka itulelang e shoele, ke ho e tlohela e robetse tulong e phoso. Empa haeba e oela tulong e nèpahetseng, e tlamehile ho busetsoa Bophelong. Ka hona, Molimo, re lumelle ho oela mochoporong o nèpahetseng, ke hantle, ho khutlisetsa.

<sup>116</sup> Sohle seo mariha a se bolaeang, letsatsi lea se khutlisetsa. Letsatsi le khutlang, le etsa’ng? Lea qōbèlla. Mamela. Le qōbèlla lefu. Mohla letsatsi, ha letsatsi la selemo le khutla le boela le tobana le lefatše, ka tšoanelo le qōbèlla lefu ho tèla bafu ba lona, ho isoa tsoshong, bakeng sa (eng?) khutlisetsa, e leng “ho khutlisetsa bocha.” E etsoa keng? Letsatsi, le fihang. Oo ke molao oa Molimo.

<sup>117</sup> Molimo o beetse lefatše molao, molao oa matla a khoheli. Sohle se tlahong se sebeletsa ka molao oa Molimo. 'Me palesa e qetile sebaka sa eona. Peō e qetile sebaka sa eona; e shoetsete kahar'a lefatše. 'Me ho ntano fihla khutlisetso.

<sup>118</sup> 'Me joale e rapaletse mono, e shoele. Ha ho letho... Re ka nka leseli le leng lena mona ka mokhoa *oona*, 'me ra le tobetsa, 'me le ke ke la thusa letho. Ha ho mokhoa ho rōna ho e sebetsa. Empa Molimo o beile molao, mohla letsatsi leo le chabelang peō, le qōbèlla bophelo le bo hotolla kahar'a peō. Lefu le ke ke la bo fupara, hape.

<sup>119</sup> Molimo o theile melao ea Oona ho Mo sebeletsa, ka hlaho le ka moea, ho sebetsa ho latèla Lentsoe la Oona, ho sa tsottelehe maemo. Ke rata hoo. Ke ne ke tsoere Lengolo la hoo. E, monghali. Molimo o ralile melao eohle ea Oona taolong. E nahanneng. E ke e thophothele joale, hobane re atamela tsebeletso ea pholiso metsotsong e 'maloa. Ua bona? Molimo o beile melao ea Oona eohle taolong, e tle e sebetse ho latèla Lentsoe la Oona ka Sebele. Lea e tsoara na? Ua bona? Lentsoe la Oona! Melao ea Oona e tlameha ho sebetsa ho latela Lentsoe la Oona. O laetse letsatsi. O laetse khoeli. O laetse lefatše. O laetse hlaho. 'Me tsohle li khohlela mocheng, 'me melao eohle e sebetsa ka kutloano le Lentsoe la Molimo le builoeng. 'Me molao oa Bophelo o ahileng ka ho rōna le rōna o tla re isa tshong. O tlamehile joalo. Hase ntho e ka etsoang hore e se etsahale.

<sup>120</sup> Ke lona lebaka, molao oa Bophelo o nong o ahile ka ho Kreste. Mohla Lentsoe le ne le buuo, ho thoe, "Nke Ke ka tlohela Mokhethoa oa Ka hore A bone ho bola, nke Ke ka tlohela moea oa Hae liheleng," nako e ne e sa lekana, batemona ba ne ba sa lekana, ho se letho le lekaneng, ho boloka Kreste lebitleng leo ho fihlela (Eèna) 'mele oa Hae o bola, hobane molao oa Molimo o tla etsahatsa Lentsoe. 'Me molao oa Molimo, ka Moea o Halalelang, o etsahatsa pallo efe kapa efe (lea e tsoara?), ho sa tsottelehe maemo.

<sup>121</sup> Jobo o boletse, "Leha liboko tsa letlalo li senya 'mele oa ka, koana ke tla bona Molimo ke se ke le nameng ea ka."

<sup>122</sup> Ho sa tsottelehe bonyenyane ba rōna, boötloana ba rōna, ho se hloeke ha rōna, ho se halalele ha rōna, re kula hakae, re hlokofetse hakae; molao oa Moea oa Molimo, ka Lentsoe la Oona, o e laela ho Mo utloa, o qōbèlla boemo, le ho re, "E busetse." Amen. Oh, hola re ka e nahana motsotsa feela. Ho e qōbèlla, ho sa tsotelloe maemo. Ho sa tsottelehe boemo bo busang, molao oa Lentsoe la Molimo o qōbèlla boemo ho nyalana le Lentsoe la Hae. Ua bona? A tlamehile joalo.

<sup>123</sup> Joale, haeba palesa e robetse mono, 'me e shoele, lipeō li bolile, li felile matla, nama e tsoile ho tsona, hoo ha ho amane le eona ka letho. E boela e tsoha, hobane Molimo o ralile molao, hore e tle e boele e tsohe.

<sup>124</sup> Mohla Jobo a ne a robetse mobung. Mohlomong, eitse ha a bona ho khutla ha Jesu, teng e le lilemo tse likete tse 'ne pele Jesu a fihla mona. Le ka ipotsa na 'mele oa motho o ne o le joang, lilemong tse likete tse 'ne, mohlomong ho sa sala le molora o lekaneng ho tlala ho ea fihla ntlaneng ea khaba. Empa Jobo o itse, "Koana ke tla bona Molimo ke se le nameng ea ka: Eo ke tla 'mona ka bona."

<sup>125</sup> 'Me Bibebe e a re bolella, ho Mattheu 27, e re ka mora lefu la Hae, le kepèlo, le tsoho, ho re, "Bahalaleli ba bangata ba robetseng leroleng la lefatše, ba ile ba tsoa lerōleng." Hobaneng? E ne e le moporofeta eo, ea buang a ipapisitse le Lentsoe la Molimo, 'me Lentsoe le ne le se le boletsoe. 'Me molao oa Molimo, ka Moea, oa ba tsosa. Bibebe e boletse, "Ba ile ba kena motseng, ba ipontša ba bangata." Ha ho a tsoha Jesu feela, empa bahalaleli ba tsohile le Eèna.

<sup>126</sup> Hobaneng? Koana ho Lipesalema, e itse, "Phahamisang, lona menyako ea ka mehla, 'me le phahame. Ho kene Morena oa Khanya." Be, mohla A ne a hlola lefu, lihele, lebitla, maloetse, ho tsoha ka letsatsi la borarō, "O nyolohetse Holimo, a hulela ba tlamiloeng tokolohong."

<sup>127</sup> E ne e le eng? Ba neng ba holehiloe ba kile ba shebella pallo e sikiloeng ke rōna joale. Oh, moena! Ba bile ba se na le Moea o Halalelang. "Empa, ba lumetse, ba bile ba pakile ka bopaki bo bottle. 'Me ka eona ba koala melomo ea litau, ba tima bohale ba mollo, ba phema thipa ea lerumo, basali ba boetse ba fuoa bafu ba bona ba se ba phela: ba sa amohela pallo." Oh, empa ba ne ba shebeletse pele! Tlasa sehlabelo sa nku se sitiloeng ho hlala sebe, se khonne feela ho koahela sebe. Empa ba lumetse ho tla tla e Mong. 'Me ka tumelo ea bona, ka nqane ho seriti, amen, ba e boletse. "'Me ba kile ba tiea, ba phaitse linahathote, le ka matlao a linku le matlalo a pōli; ba hlorisitsoe, ba hlobolisoa, 'me ba tujoa." Oh!

<sup>128</sup> Batho bao, ba ne ba lebeletse tsoho eo, 'me, ka hoo, ba shoele ka tumelo, ba ntse ba tiisitse bopaki. 'Me hoseng hoo ha Paseka, molao oo oa Molimo, o buileng Lentsoe ka Jobo le ka baporofeta ba bang bao, ba tsohile bafung. Oh, khili! Ke lona bao. Ho sa tsotellehe maemo!

<sup>129</sup> Batho ba bang ba khoebethoa ke letsoalo hona, hoo ba sa batleng ho tobana le kahlolo. Oh, batho ba bangata! Ho shoa ha ho boima. Mang le mang o lahleheloa ke kelello ea hae, ntho e itseng, 'me ba etse ntho e feteletseng. Bang ba bona ba chesa 'mebele ea bona, 'me ba o ise holim'a leoatle 'me ba hasakanye melora likhutlong tse 'ne tsa hona, meeng e mene ea leoatle. Hoo ha ho thibele kahlolo. U tla tla hantle, ka ho tšoana feela. E, monghali. Ua bona? Ho sa tsotellehe, ho sa tsotelle maemo, u tlil'o kopana le Molimo, nq'a e 'ngoe. U tlamehile ho tla ho Eèna. U tlamehile ho kopana le Eèna. Ua bona?

<sup>130</sup> Hobane (Hobaneng?) O buile Lentsoe, 'me Lentsoeng leo o loheletse molao. 'Me molao ke Molao oa Oona ka Sebele, Bophelo ba Oona ka Sebele, bo a Le tšehtesa. Ke ka baka leo A anneng ka Eèena; ha ho ea fetisang ka boholo. Ua bona? O ne a etse hoo, ho ana ka kano, kaha selekane se ke ke sa tiisoa kano e le sieo. 'Me O ne a ka khona feela, pele A etsa hoo, ke ho e nka ka Boeèna, 'me Eèena a etsoe Kano. Oh, moena! Mohla, Molimo o no o etsoa motho 'me oa fetoloa Kano, oa Iphetola Kano.

<sup>131</sup> 'Me ka lefu la Hae ka Sebele, kepèlo, le tsobo, O kholisitse melao ea Hae e ne e le lokile. Ho re, "Qhaqhang moaho oona, Ke tla o tsosa ka matsatsi a mararō." "Ke," leemeli la motho, "Ke tla o tsosa ka matsatsi a mararō. Ke tla o tsosa. O qhaqheng feela, le shebe se etsahalang." Kaha, A tsebile molao oa Molimo. O tsebile seo o nong o le sona. O tsebile hobane o tlameha ho sebetsa ho latèla Lentsoe. O tsebile hobane Lentsoe la Molimo le builoe ke moporofeta, le ho re, "Nke ke ka lesa Mokhethoa oa Ka hore a bone ho bola." Eaba ke phetho. Eaba ke phetho.

<sup>132</sup> Ebile, molao oa Molimo o tlameha ho sebetsa ka Lentsoe leo. Re tli'l'o theohela tabebg ea tonana motsotsong. Ua bona? Ua bona? Moo, molao oa Lentsoe la Molimo, Molao oa Molimo, o Lentsoeng la Oona.

<sup>133</sup> Joale, haeba lekhotla le ngola le ntša lentsoe, "Ntho e *itseng-e-itseng*, ke tlolo, ho etsa *hore-le-hore*." Ho lokile. Joale, leo ke lentsoe la lekhotla, 'me molao oa lekhotla o qöbèlla lentsoe la lekhotla.

<sup>134</sup> 'Me ha Molimo o bolela taba, 'me eona ke molao. 'Me Moea o Halalelang o teng mona ho qöbèlla molao oo, amen, molemong oa molumeli. U tlamehile ho tlotsotsoa ho etsa hoo, 'me e batla molumeli. U tlamehile ho qhoaeloa lemao la "molumeli." Motha o re, "U na le matla na?" Che. Empa re ruile boholo. Ke eona. E seng matla; empa boholo. Ha rea rua matla a lekaneng ho etsa letho.

<sup>135</sup> Mokana ke buile nakoana e fetileng, lepolesanyana mona Louisville, le emeng mono. A le monyenyané ho 'na; mothoana ea sa tsebisahaleng. Katiba ea hae e khohletse holim'a litsebe. 'Me koloi... Oh, junifomo ea hae e batla e leketlile ho eëna. A tsamaea a tsoela ka ntle mono seterateng. Ka sekutoana sa bistolo, ekare, lephakong la hae, ka molangoana letsohong la hae, ka phala e nyenyane. A tsamaea ka ntle mono, a khoesitse liatlana tse tsoeu. 'Me oona—oona makoloi, a nang a le matla a lipere tse makholo a mararo le mashome a mahlano, a tšoelima seterateng seo, eka—eka lehalima, zuum, zuum feela. Be, mothoana eo oa batho a ka sitoa ho emisa e... A ka sitoa le ho emisa poni e balehileng, ka matla a hae. Ehlide lekhale. Empa o tsamaea ka ntle seterateng, lemao leo la letonana le phatsima, o butšoela phala, a phahamisa letsoho la hae. Moena, matla a makholo a mararō, lienjene tsa matla a lipere, mariki a tla tsetsela, ntho eohle. E ne e se matla a monna. E ne e boholo boo a bo ruileng. Ke eona.

<sup>136</sup> Ke Kereke eo. Ekaba mphi ea “bathethehi ba halalelang,” ba bitsoa joalo, kapa le batlang ho ba rea eng, empa ke boholo. Uh-huh, uh-huh. E laoloa ke boholo. Ke eona ntho e sebetsang. Ho sa tsottelehe maemo, molao oa Molimo o sebetsa ’moho le Lentsoe la Oona. Joale, o ke ke oa sebetsa ’moho le tumeloana ea hao. O tla sebetsa ’moho le Lentsoe. Yaa. O sebetsa ’moho le Lentsoe feela, ke phetho, joale, ho sa tsottelehe maemo.

<sup>137</sup> Abrahama, kamoo re balileng therò ea rōna nakoana e fetileng, mohats'a Abrahama o ne a tlamehe ho khutlisetsoa. Hobaneng? Molimo o etselitse Abrahama tšepiso, ’me mona o nkiloe ke morena, ho nyala, e tle e be mosali oa hae.

<sup>138</sup> Be, a ka be a entse'ng? A ka be a bolaile Abrahama, ka motsotso. Abrahama o itsalo. “Ke a u rapela, ako rialo...” Hoba a bone hore—hore Abimeleke o se a mo tšoere, morena enoa oa Moflista mono. O itse, “Joale, uena—uena, kea u rapela, u mpe u mpitse moena oa hao. Hobane ekare... u mosali e motle ho talingoeng.” Le ho re, “Joale, etlare ha u bona hobane u motle, ’me ’na ke tla—ke tla—ke tla—ke tla bolaoa, a ntano u nka a u nyale.” Ka baka leo Abimeleke a mo tšoara, eaba monna enoa o mo kenya ka hare.

<sup>139</sup> E ne e le mosali e motle. ’Me, ebile, a le lilemo tse lekholo. ’Me eèna—eèna... Molimo o sa tsoa supa seo A tlang ho re etsetsa sona bohole, ka bona. U a tseba, ke se ke fetile hoo, therong ea ka e mabanteng, le tse joalo, ho paka hoo ka Lentsoe la Molimo. Ke ka népo. O boletse, ka Abrahama le Sarah, seo A tlang ho se etsetsa morabe oa batho bohole. Ke hantle.

<sup>140</sup> Joale, e ne e le eo, eaba Abimeleke o mo nka ho ba mosali oa hae. Abimeleke, ’me joale keha a itokisitse, ho mo nka ho ba mosali oa hae. ’Me (eng?) Molimo o no o boleletse Abrahama, “U tla fumana lesea lena ka Sarah,” ’me mona o ’nkuoa ke monna. Abrahama e ne e le enoa, ho ella ho lekho... koana ho lilemo tse lekholo joale, hape, ka ntle mono.

<sup>141</sup> Empa, ka hono, le elelloa seo Molimo o se buileng mono. “E, Ke tseba ho tšepeha ha pelō ea hao. Ke hona Ke sa kang ka u lesa ho Ntšiteloa. Empa khutlisa mosali eo; hobane monna oa hae ke moporofeta. E re a u rapelle. Haeba u sa etse joalo, Ke tlil'o u fiela holim'a lefatše.” Ke moo he.

<sup>142</sup> Eng? Lentsoe la Molimo le tlamehile ho tiea. Ha ho monna ea neng a ka ama Sarah. Molimo o no o entse tšepiso.

<sup>143</sup> Sarah, papiso ea Kereke, Kereke ea sebele, Kereke e lokolohileng, mosali ea sa tlangoang ka Ngoana ea sa tlangoang, papiso ea Kereke e tsoetoeng labobeli e tšoere tšepiso. A ba bue seo ba se batlang; ba e bitse “mothethehi—mohalaleli, bohlanya.” Ba lekile ho E khina esale ho qala Pentekosta, ’me ha ba sa tla hlola ba khona. Che, monghali.

Hobane tlosa... Ako tlose matsoho a hao holim'a Eona. Ke phetho. Molimo o tlil'o e nka a etse ho hong ka Eona, ruri joalekaha ke eme mona. Re tlil'o haola le mongoaha oa eona, joale, metsotsong e 'maloa. Molimo o nthuse, ke tla le pakela eona, moo re emeng teng. Hantle. U a... Ha ba ka ke ba e timetsa. Ha e ka ke ea timetsoa. Ke hantle.

<sup>144</sup> "Tlosa matsoho a hao holim'a hae." Hobaneng? Peo ea hlaho ke eo e fihla. Peō ea hlaho e ne e loketse ho fihla. Hola ea... Hola Sarah a nyaloa ke monna e mong enoa, peō ea hlaho e ka be e sa tsoaloa.

<sup>145</sup> Efēla ha Molimo o babaletse mocha oa peō ea hlaho hakaalo, hakakang ea moea, Peō ea Borena, eona O e babaletse ha kae!

<sup>146</sup> Satane, ba busetse. Ba lokolle. Ha u ka ke oa ba bipa ka ntle mono ka har'a mekhatlo eo le lintho. Ke batho ba sa tlangoang. U ba tlohele. Yaa. Ba lokolle, Peō ea Borena.

<sup>147</sup> Joale, Molimo o bua ka khutlisetso, joale, mona ho Joele o bua ka eona. Nkile ka o rera, hang pele, feela ke o hlahile ka khutlo esele. Mabapi le... Ka sitoa ho e qhaqholla, mokana ke ikemiselitse ho etsa kajeno, 'me nke ke ka fumana nako ea ho e fihlisa moo o loketseng. Empa mona Molimo o a bua, ho Joele. Ka...

<sup>148</sup> Molimo o bua ka Sefate sa Hae sa tholoana seo A se lemilig. Molimo o lemile Sefate sa tholoana. O Se lemile ka Letsatsi la Pentekosta, 'me Sefate seo mono O se hlahisitse ka morero. O ne a batlile ha Se beha tholoana ea Hae, Lentsoe, Lentsoe la Molimo. A batlile Kereke e tla boloka Lentsoe la Hae. Esale ho theoha le mongoaha, Eva o sitiloe ho Le boloka, Bajuda ba hlile ba sitiloe ho Le boloka, molao o ne o hlollehile, bohole ba sitiloe, eaba Molimo o Itjalla Sefate. Sefate!

<sup>149</sup> Joale hopolang, t̄simong ea Edene lifate li ne li le peli. Re tseba hoo. U ka e bitsa seo u se batlang. Ke na le mohopolo oa ka. Empa, le hona, se seng e ne e le sefate se silafetseng; se ile sa silafala. Athe se Seng se sa silafala; Sefate sa Bophelo se tsoa ho Molimo, se tsoa Leholidmōng. O boletse, "Bontata lona ba jele manna, 'me ba shoele. Empa Sefate sena, ha le se ja, 'me le phela kamehla." 'Me Lengeloi le kile la lisa Sefate seo sa Bophelo, ho tloha t̄simong ea Edene, ho Se thibella Edene. Sefate seo sa Bophelo se Edene, joale, ka puo ea moea joale. Lemohang.

<sup>150</sup> Joale, mohla Molimo o no o lema Sefate sena, Se ne se tla bea mefuta e robong ea tholoana, mefuta e fapaneng e robong; e leng, lineo tse robong tsa moea, litholoana tsa Moea tse robong tse khemang le lineo tse robong tsa moea. Sefate seo e ne e le sa Molimo. O Se lemile lefatšeng ka Letsatsi la Pentekosta.

<sup>151</sup> Joale ha re emeng. Nako e lula e sa lekana. Mona ke tlil'o tlola Mangolo a 'maloa, 'me ke t̄sethemele ho Lipesalema, ea 1. Davida o bone Sefate sena, khale nako e fetileng. 'Me mohla

a na a ngola lithoko tsa hae tsa thabo, ea eba ntho ea pele a ngotseng ka eona. O bone Sefate sena, 'me Sona se "lemiloe pel'a linoka tsa Metsi." Sefate sena! Eèna!

*O joaloka sefate, Sefate sa Molimo, se hlomiloeng (kae?) pel'a linoka, linoka (bongateng), linoka tsa metsi (bonngoen) a koellang...*

<sup>152</sup> E seng Metholise, Baptise, Presbeteriene, Lutherane, le tse joalo. Che, che. Uh-huh. Ke linoka tsa Metsi a le mang feela; lineo tse robong tsa moea tsa Moea oona oo. Litholoana tse robong tsa Moea li tsoa mochoporong oo.

*...o joaloka sefate se hlomiloeng pel'a linoka tsa metsi a koellang.*

<sup>153</sup> Kamoo Davida a se boneng, 'me o buile. O itse, "Ho lehlohonolo motho." Le lemohe, o itse a ke ke a shoa. "Mahlaku a hae ha a omelle." Che, che. Ho sa tsottelehe seo ba se etsang, ba ke ba bolaea Sefate seo. Hobaneng? Ke moo a lemiloeng teng. Ke lona lebaka. Moo a lemiloeng teng. "O lemiloe pel'a linoka tsa Metsi." Joale lemoha. Davida o boletse, "Metso ea hae—hae e ke ke ea shoa."

<sup>154</sup> U a tseba, ha u nka sefate, sefatehali sa khale. 'Na, ke sa le moshanyana, ke ne ke tsoa, ebe rôna, bashanyana, rea tsoa, re tloaetse ho lula tlas'a sona, sefatehali sa khale sa bechi. 'Me mee a foke. 'Me kea ipotsa, eaka ntho eo, haholo hloröng, ea ka o tla se—se pheula se kaname. Empa, u a tseba, nako le nako ha moea o foka sefate, o tsukutla sefate, 'me o lokolla metso, e tle e cheke e tebe ho feta le ho itšoarella ka thata ho feta.

<sup>155</sup> 'Me ke lona lebaka, bosomi, litšebo, ho tševisa ka Mokreste. Seo e se etsang, ke eona, hloriso e tsukutla Mokreste, ho rapela ho feta, ho cheka ho feta, ho itšoarella ho feta, a tle a khone ho emela sefefo.

<sup>156</sup> Joale, ho ka thoeng ha motho a lemiloe pel'a ho bitsoang "pel'a metsi," moo melapo, a fepeloa ke melapo e fapaneng e robong? Oh, khili! Botsitso ba hae bo tiile hakae—hakae. 'Me motho ea lemiloeng pel'a noka, linoka tsa Metsi; Metsi a le mang, Moea o le mong, "Lineo tsa pholiso li teng, Moea o le mong; lineo tsa boporofeta, Moea o le mong; ntho eohle ke Moea o le mong, empa lineo tsona li ngata." Moabi o Mong.

<sup>157</sup> Joale, Davida o 'mone, 'me eèna a lemiloe pel'a Sefate sena. Joale, a ke ke a shoa. Lemohang lebaka. O ne a babaletse Bophelo metsong. Metso e ho kae, kapa, bophelo ba sefate? Bo ahile metsong. Ruri. Bo a nyoloha 'me bo bea tholoana ea bona. Ho lokile.

<sup>158</sup> Shebang. Metso ea sona e ne e e-na le Bophelo ho eona, ho beha tholoana ea Hae sehleng. Joale le hopole, Sefate sena tholoana ea Sona ha e foforehe.

<sup>159</sup> Joale, ako suthisetse sefate hole le metsi. Ntho ea pele u a tseba, u fumana lithollo tse nyenyane tsa liapole tsa khale. Ke mekukutoana 'me li jeloe ke seboko. Empa sejalo sa sona—sona—sona se tla foforeha.

<sup>160</sup> Ke bona bothata ba likereke kajeno. Le suthetse hole le Noka eo, le suthetse hole le lineo tseo tsa Moea. Ba theile kereke ea hlaho feela. 'Me ba suthela hole le lineo tsa moea le lintho tsa moea, 'me tholoana ea bona e a foforeha. Ba etsa'ng? Balumeli ba bona—bona ba iphelela le lefatše, ba itšoere selefatše, ho utsoa, ho qhekanyetsa, leshano, ho tsuba, ho noa, ho mokola, ho tšoara meketjana ea bunco ka kerekeng, ho lefa moreri, le ntho eohle, lilallo tsa meapeho ea sopho, metjeko. Ua bona? Tholoana ea bona e a foforeha. E itšoanela le lefatše feela.

<sup>161</sup> 'Me mosalumele o a talima o re, “’Na le motho eo ha rea fapania ka letho.”

<sup>162</sup> Bokomonisi bo hlahisitsoe ke hoo Rashia. Kereke ea Katolike ba e chesitse ka lebaka lona leo.

<sup>163</sup> 'Me tlase Meksiko, mohla ke etetseng mono ke bona mamena ao a laeme, moo bao, libaka tseo ba chesitseng masea a manyenyane ao, moo baitlami ba fumaneng masea ana. Esita le mebele ea batho, ka mono ho robetse le mebele ea batho ba baholo, ka har'a mamena a laeme. Ba entse'ng? Sejalo sa bona se a foforeha, ua bona, 'me Molimo o ba tsokolitse ba foforehile sefateng. Eaba ke ho fela. Ua bona?

<sup>164</sup> Empa motho ea lemiloeng, a sa hlongoa, empa a lemiloel pel'a metsi a Noka, o tla beha tholoana ea Hae (sheba) nthong ea hae... Tholoana ea Hae sehleng sa hae. Ana le ntse le bala? Pesalema 1.

*Ho lehlohonolo motho...sa luleng mokhatlong oa  
basomi, ho ema tseleng ea baetsalibe.*

*...o joaloka sefate seo se hlomiloeng pel'a linoka  
tsa metsi, o tla hlahisa tholoana ea sona ka khoeli ea  
sona; ... seo a se etsang kaofela se a mo atla.*

<sup>165</sup> Ua bona? Lemohang, “Ea khopo ha a joalo; le kahlolong a ke ke a ema le eëna.” Ua bona?

<sup>166</sup> Joale, “O tla bea tholoana ea Hae ka sehla sa hae.” Sheba “hae,” e 'ngoe le e 'ngoe mono ke leemeli la motho. Ke—ke tholoana ea Hae, tholoana ea Molimo, sehleng seo e—e moporofeta a E beang ka sona. E tla be e le sehleng sa moporofeta. Tholoana ea Molimo, ka nako ea Molimo, ka sehla sa moporofeta. Ua bona? “O tla bea tholoana ea Hae ka sehla sa hae.” Ako bone haeba ho sa fumanoe bo “hae” ba babeli mono. “Ho bea tholoana ea Hae, tholoana ea Molimo, ua bona, sehleng seo moromuo a laotsoeng ho fihla ho sona.” O tla bea lintho tseo. Joale le hopole taba eo. Moromuo a beang tholoana ea Molimo, o tla e bea sehleng sa Molimo, sehleng sa motlisi. Ua

bona? "O tla bea tholoana ea Hae sehleng sa hae." 'Me ha e ka ke Ea foforeha. Hobaneng? O beile tholoana e neng e reroe pele ka mono. A ke ke a E senya, hobane E ne e reroe pele.

<sup>167</sup> Joale, Baefese :5, 1:5, ke rialo. E boletse, "Ho lula ka ho Kreste Jesu libakeng tsa Maholimō." Ho etsahetse'ng? O boletse, "Molimo, ka boitsebèlopele ba Oona, o ne o re rerele ho beoa bana ba Molimo, ka Jesu Kreste." Molimo, ka boitsebèlopele ba Oona, o ne o rere sohle se neng se tla etsahala hantle ho theoha ka mola. Ka boitsebèlopele ba Oona, O e bonetse pele. Ka baka leo, esale le tšimolohong, O khonne ho bolela qetèllo.

<sup>168</sup> Ka baka leo, tholoana e neng e lutse e—e motsong oa Sefate sena e ne e reroe pele. 'Me Sefate sena se ke ke sa omèlla, hobane Se ne se tšoere tholoana e reriloeng pele. Joale, ke Sefate seo Joele a buileng ka sona mona. Ua bona? Se ke ke sa shoa. Liboko li Se jele ho fihla tlase, empa ha Se a ka sa shoa. Motsong oa Sona, Se ne se tšoere 'Nete e neng e reroe pele. Se ne se tšoere Lentsoe la Molimo, sona Sefate sena. 'Me Sefate sena ke—ke Sefate seo, mokhoa o le mong, Se—Se ne beoe tšimong ea Edene.

<sup>169</sup> Lifate tsohle, ka mosali, li a shoa. Bohle re shoa, ka mosali. Ka tsoalo, bohle re a shoa. Empa lefu le tlide ka mosali, hobane tsoalo ena e tlide ka mosali. Ho lokile. Ka hona, *sena* se tlameha ho shoa, ka baka la sebe.

<sup>170</sup> Empa Tsoalo, Tsoalo e ncha e tlisoang ke Kreste, ha e ka ke ea shoa. Seo ke Sefate se seng, le sefate se seng. Ua bona? 'Me Sefate sena, leha koana esale Se hlorisoa, se songoa, esale le ho qaleng ha tšimo ea Edene, Se ke ke sa shoa. Se ne se reroe pele. Se tlatlapuoe 'me sa otloa, le, khili, Se entsoe ntho eohle. 'Me ho etsahetse'ng? Se ke ke sa shoa. Hae... a ke ke a shoa. A ke ke a khona, hobane ka ho eèna o tšoere Lentsoe la Molimo le neng le reroe pele. Le tlamehile ho hlähella, hobane tholoana ea Hae e sehleng sa hae ka sebele, sehla se neng se reroe pele. Hoo, ho sa tsottelehe...

<sup>171</sup> Joele o bone e 'ngoe le e 'ngoe ea tsona, e ja ho fihlela maotong. Empa O itse, "Ke tla khutlisetsa, ho bolela Morena," hobane boitherelopele ba Molimo bo larile metsong ea Sefate. Se tlameha ho hlähella, hobane Se bolokile Lentsoe la Molimo le neng le reroe pele. Hmm! Oh, Sefate se se kakang! Khele!

<sup>172</sup> Sefate seo, Se qalile ho mela morao mono Edene. Ha etsahala'ng? Eaba ho hlaha mphi eo, ea bana ba Kaine, ha fihla likokoanyana tse Se jeleng ho fihlela e le tlhaka. Eaba ho sona Molimo o ntša sejalo, 'me oa se sunya arekeng 'me oa Se tselisa. Hantle. Ho ea fihla tlase hantle, esale ho tšoana, haesale le tseleng ea kahlolo; Iseraele, ho theohela tlase.

<sup>173</sup> 'Me e ntano ba Pentekosta, moo Kereke ea Sefate sa Monyaluo, O—O ile a hlomahanya, ka la Pentekosta, Sefate

se kileng sa rereloa ho bea tholoana ea Hae sehleng. Joale, e tsamaea hantle, litholoana li atlehile hamonate. Se ile sa thunya ka Letsatsi la Pentekosta. Ha re boneng se hlahileng ka Letsatsi la Pentekosta. Jesu o boletse, “Mesebetsi eo Ke e etsang le tla e etsa le lona.” Ba folisitse bakuli. Joale, ka Letsatsi leo...ha re boneng kamoo e qalileng. Ka Letsatsi la Pentekosta, matsatsi a seng makae ka mora tsoho, matsatsi a mashome a mahlano ka mora Paseka, eaba ho fihla e—eaba ho fihla e—e Moea o fokang, ka sefeso, o tsoang Leholidmōng.

<sup>174</sup> Joale, kajeno, re e sebetsa ka ho fapana. Moreri o a ema 'me a tšoare, ho thoe, “Ke tla ngola lebitso la hao bukeng.” Ua bona? Kapa ralibachulara ea itseng eo lepetu la hempe ea hae le hetlileng morao, ho thoe, “Nyolohela koano 'me u je bohojana bo hloekileng. Hoo, ebe, u fetoha setho sa kereke.” Na hoo ha ho makatse? Moreri o re, “Tloo u ikopanye le sehlopha sa rōna.” Hobane’ng, li fositse bobeli ba tsona.

<sup>175</sup> “Ka Letsatsi la Pentekosta, Leholidmōng ho hlahile,” (e seng sefaleng, holimo tseleng) “ho tsoa Leholidmōng, e le” (Eng? Moprista? [Phuthetho e re, “Che.”—Mong.] Che. Moreri? Che. E ne e le eng?) “e le molumo oa Moea o fokang ka sefeso, 'me Oa tlala ntlu eo ba lutseng ho eona. Maleme a mollo a lula holim'a bona.” Ba holoketsa, ba sa khone ho bua, ba tletse letlotlo hona. Moea o Halalelang oa ba tlatsa. Ba tsoa ba kena literateng, ba hoelea. Feela, 'me ba itšoere se ka....

<sup>176</sup> Esita le phutheho ea maemo ea ema ka ntle mono ha thoe, “Be, batho bana khotše veine e ncha. Bohle ba tahiloe. Shebang banna bao le basali, ba thekesela joang 'me ba itšoere joalo.”

<sup>177</sup> Joale, hoo ke HO RIALO MOEA. Leo ke Lengolo. Kereke e ne e hlophisoe ka tsela eo; e seng ea hlophisoa, empa ea laoloa. Phapang e kholo mantsoeng a mabeli ao. Lemohang. E ne e le bao.

<sup>178</sup> Joale, 'me lea tseba ke'ng, lona batho ba Katolike? Movirigo Maria ea lehlohonolo a le har'a bona. Yaa. Joale, efèla ha Molimo o sa lumella Maria ho kena Leholidmōng ntle le kolobetso ea Moea o Halalelang, lona le tla fihla joang Mono, ntho efe e haelloang ke Oona? Joale le ke le e nahane. Ke hantle. Maria o ne a le har'a bona. 'Me a tlamehile ho ema ho fihlela a lahlehetsoe ke seriti le boikhantšo, a tletse Moea.

<sup>179</sup> 'Me ke bana ba fihla, eka batho ba tahiloeng. Bibebe e ba tlalehile joalo. Ba itse, “Batho bana ba khotše veine e ncha.”

<sup>180</sup> Empa, Petrose, sebui, moreri oa sehlopha, a ema a re, “Batho bana ha ba khora veine e ncha, kamoo le lekanyang, etsoe esale hora ea borarō ea letsatsi. Empa ena ke taba eane e boletsoeng ke moporofeta Joele.” Eèna eo ke balang ka eèna kajeno. ““Me matsatsing a bofelo, ho bolela Molimo, Ke tla tšela nama eohle ka Moea oa Ka; 'me bara ba lona le barali

ba tla porofeta. 'Me Ke tla etsa meeka holimō maholimōng, le holim'a lefatše, mehlolo. 'Me mehleng eo, e mong le e mong ea bitsang Lebitso la Morena o tla bolokeha."

<sup>181</sup> Joale, Petrose o rerile ka Pentekosta, a qotsitse eèna moporofeta eo ke rerang ka eèna: ho lema Sefate sena. 'Me ke hona moo a Se lemileng teng. Oh, Se ile sa sebetsa hantle. Ba ile ba tsoa ba ruile lineo tsa moea. Ba folisitse bakuli. Ba rerile. Ba lahleloa chankaneng. Ba ne ba ikemiselitse ho utloa bohloko ka lebaka la Lentsoe.

<sup>182</sup> Haeba u kena naheng esele u le rekereke, u ke ke oa fetoha Moamerika oa makoma, ha u ka nyolohela holimo mono. Haeba o no o kena Japane joale, u eme u ipatilie ka mora lerako, ho re, "Mamelang, mathaka. Ke eme le lona. Lea tseba ke'ng? Ke eme le lona, empa ke ka mose oane." U Uena, lehlabaphieo tooe, u tlameha ho thungoa. Ke hantle. U lehlabaphieo. Ehlide bo.

<sup>183</sup> 'Me ho a tsoana, monna ea tsebang Lentsoe la Molimo, 'me a qeka ka Lona ka lebaka la mokhatlo o 'molellang a tlameha ho etsa joalo. Ke lehlabaphieo. Hantle.

<sup>184</sup> Empa banna bana e ne e se mahlabaphieo. Ba ne ba sa tsotelle letho, be, hore ba itšoere joang, na ebe boitšaro ba bona ba kereke bo eme joang: ho hlabo litlatse, le ho lla, le ho hooeletsa, le-le ho hoeleea ka lipuo ekare ba buisana ba sa utloisisane. Banna bao ba lichaba tse ling ka ntle mono har'a letšoelie le ba maleme a mang ba qala ba utloa seo ba se bolelang. Keha ba sa tsebe seo ba se buang; ba ne ba holoketsa. Atha batho ba bang ba ka ntle koo ba ne ba e utloisia. 'Me ba itse, "Batho bana ba hlile ba tahiloe."

<sup>185</sup> Empa Petrose a re, "Ha ba tahoaa, empa ba tletse Moea."

<sup>186</sup> Ka hoo, ntho eo, e mong le e mong oa bona o bolaetsoetumelo, ntle le Johanne, 'me o ne a chesoe, lihora tse mashome a mabeli a metso mene ka har'a faki ea mafura, 'me ba sitiloe ho chesa Moea ka ho eèna. 'Me eaba o shoa lefu la hlaho, eèna a le mong, Johanne mosenoli. Joale, hoo ho lokile.

<sup>187</sup> Joale elelloang se hlahileng. Tabeng ena, Molimo o lemile Sefate, ho beha lineo tsa moea tse robōng, lineo tsa Moea oa Hae. Oona Moea o nong o ahile ho Kreste o theohetse holim'a Kereke, ea fuoa Bophelo Bosafeleng. Joale, lineo tsa Moea li ne li ahile ka har'a Kereke, 'me E ne e hola, e beha tholoana, hohle. Ba ne ba sa ikhopolele bobona. Ha ba ka ba hlophisa letho. Ba mpile ba tsoela pele feela 'me e le baena. Ba se na . . .

<sup>188</sup> Ke thabetse ha nthoana eo e ne e le teng mono, "Ha ho tumelo haese Kreste, ha ho molao haese lerato, ha ho buka haese Bibebe." Le 'na ke lumela hona hoo. Ua bona? 'Me le bona ba sebelitse joalo. Lefatše ke sefala sa rōna, ua bona, hohle.

<sup>189</sup> Ka hona, lemohang mathaka ana ke hona mohla a ne a etsa hoo, kereke eo e ne e tlokoma ha kakang. 'Me Molimo o e-

na le bona, Bibele e boletse. 'Me Jesu o kopane le bona pele ho nyolohelo ea Hae. O itse, "E-eang ka lefatše lohle, le bolele 'mopuoa e mong le e mong Evangel. Mehlolo e tla tsamaea le ba lumelang ke eona ena; ka Lebitso la Ka . . ." Joale, "Mehlolo ena."

<sup>190</sup> Joale, kajeno, re mo reile molumeli ka mohlolo oa mofuta ofe? O tsukutla letsoho la molisa. Ke setho sa kereke. Lebitso la hae le ngotsoe bukeng kaha 'ma'e a kile a ngola la hae, kapa hoba ntata'e a kile a ngola lebitso bukeng. Empa Jesu ha a rialo. Jesu o itse, "Mehlolo ena." Eo ke kereke, ea hlaho.

<sup>191</sup> Re bua ka Kereke, ea semoea. Re bua ka Sefate sa moea, e seng sefate sa hlaho. Re ntse re atamela lifate tse peli tseo mono, ka mora nakoana. Ua bona? Sefate sa moea! Jesu o itse, "Mehlolo ena e tla tsamaea le ba leketlang Sefateng sena. Mehlolo ena e tla tsamaea le ba momonang Bophelo ba bona Sefateng sena. Ba tla leleka batemona ka Lebitso la Ka; ba tla bua lipuo tse ncha. Ekare ha ba tšoara noha; kapa ba enoa lintho tse bolaeang, e ke ke ea ba lematsa. Ha ba bea matsoho holim'a bakuli, ba tla fola."

<sup>192</sup> Ke eo mefuta ea mehlolo eo A e boletseng e tla sala molumeli morao. Kajeno e ho kae? O beetse lefatše mohlala oa seo e—e pontšo ea molumeli e tla ba sona. 'Me O itse, "Ho molemo ha leloala le tlamelloa molaleng oa hao, oa tebisoa matebong a leoatle, ha u khopisa e mong oa bana, hobane Mangeloi a bona a bohile sefahleho sa Ntate oa Ka ea Lehelimong." Mangeloi!

<sup>193</sup> Lemohang joale. E ne e le bao. 'Me Sefate seo sa na sa lengoa. Se ne se hlakisa mosebetsi oo motonana. Rea tseba ba tsamaile hohle, tulong efe le efe. Morena... Hobaneng, ka Letsatsi la Pentekosta, eaba ho ekeletsoa meeä e likete tse tharō, ea kolobetsoa, 'me ea kena Kerekeng. 'Me kopano ea bona e le e kakang! 'Me, mang le mang, ho se mang ea haelloang ke letho. Mang le mang a le mosa, a le pelō-nolo. 'Me, e mong nq'a ho e mong, e le lelapa le le leng la letonana. Ho a babatseha!

<sup>194</sup> 'Me eaba mono ho fihla, nthoana, ea khale, e sa khahleng mahlo, sepheli se meno a meharo se phelang mehatong e mene e fapaneng, kamoo Joele a se boneng. Kokoanyana ena ea mehato e mene, sesenyi, se tsoile morero e le ho falatsa Sefate se setle seo sa Molimo. Nahangan taba eo. Joale ke tlil'o bala seratsoana sa Joele, seo a se buileng. Joele, khaolo ea 1. Ntho ea pele... Joale, mono ho fumanoa lipheli tse 'ne tse fapaneng joale, empa mono, ka nèpahalo ke sepheli se le sang. Ke sepheli se le sang ka mehato e mene e fapaneng. Joale sheba. Nthoana ena, sepheli sena sa khale se fihlile, ho ena Ker... ho nthohali ena, Sefate se setle sena sa Molimo. Re e bitsa Sefate, athe e ne e le Kereke.

<sup>195</sup> Sa pele e ne e le bookholane. Ke nthoana, kokoanyana eona ke sebokoana. Bookholane boo, bo entse'ng? Bo tlide ka morero ho falatsa tholoana ea Sefate. Ntho ea pele ke eo.

<sup>196</sup> Joale ha re khutleleng nalaneng re bone ntho ea pele: e—e sehlopha sa maemo se ne se kene har'a batho ba tlaase. 'Me ba itse, "Be, ke bokhabane ha le khona ho folisa bakuli, le khona ho etsa lintho tsena. Ho a babatseha. Ka hona, lea tseba re tlameha ho etsa'ng? Re tlameha ho e fallisetsa moo sehlopha se seholoanyane sa maemo se ka e utloisisang, sehlopha se betere: ramotse, e—e baahloli, le ba joalo, le e—e—e batlotlehi ba motse. Feela ha le ntse le itšoere tjena, ha ba ka ke ba tla. Ua bona? Ba tšaba lona."

<sup>197</sup> [Motho o re, "Ba sa le joalo."—Mong.] Motho o itsalo, "Ba sa le joalo." Kea kholoa e batla e nèpahetse. Ka hona, ke hantle. Ba tšaba Moea o Halalelang. Le ntšoarele.

<sup>198</sup> Ke ne ke tloaetse ho bina thoko e nyenyane:

Ke ea khale . . .

Le kile la utloa *Tumelo Ea Mehla—Ea—Khale?* O teng motho ea utloileng thoko eoka mona? [Phutheho e re, "Amen."—Mong.]

Tumelo ea mehla—ea—khale, . . .

Ke ne ke tloaetse ho bina thokonyana tjena, lilemo tse fetileng. Ke re:

Moea oa khale o Bokoang,  
Sera ha se O atamele;  
Batho ba O tšaba ke hona,  
Empa 'na kea O rata.  
  
O mong che ha ke o batle,  
Hoba O nthatisa baena;  
O koaholla lintho tse ngata,  
'Na kea O rata. (Ke hantle.)  
  
O tla poma leshano la hao;  
Mohla lefu O tla pholosa;  
Liabolosi o tla O baleha,  
'Me 'na kea O rata.

<sup>199</sup> Ke hantle. Ka baka leo batho ha ba O batle hona joale. Joale—joale, Ke Molimo.

<sup>200</sup> Ba ne ba sa batle Jesu. Ba itse, "Monna enoa?" Kereke, kereke e kholo ea batlotlehi, e itse, "U tli'lo re bolella seo re leng sona? Re batla u utloisise, rōna re Ngk. Ph.D., L.L., Q.U.S., le, khele, sena sohle." Kapa, "Khili, 'na ke moprista e moholo. Ke *sena, sane*, kapa se *seng*. 'Me uena u batla ho mpolella? Khili, u bile u tsaoletsoe sebeng. Ha u letho u ngoana bonyatsi feela. 'Mè oa hao, o u fumane, pele uena le ntate oa hao . . . le pele ntate a nyala."

<sup>201</sup> O itse, "Ke mang ea ka Nqosang ka sebe?" Ua bona? "Ke mang ea ka Nqosang?" Ho lokile. *Sebe* ke "ho se lumele Lentsoe la Molimo." Ka mantsoe a mang, O itse, "Le ke le

Ntšupe moo Ke sa phethiseng Lentsoe, ho ea fihla—ho ea fihla—ho ea fihla morumong, hantle moo Le tlamehileng teng. Le Ntšupise eona Lentsoeng, moo matsatsi a Ka. Haeba Ke sa etse mesebetsi ea Ntate oa Ka, le se ke la lumela ho 'Na." Ho re, "Joale, lona le ipolela le le hoo. Joale re ke re le bone ha le sebetsa." Oh, khili!

<sup>202</sup> "Ho tloha mohlang oo ha ba ka ba hlola ba Mo botsitse taba." Ua bona? Ba Mo tlohela. Joaloka, Liabolosi ha a kile a Mo fofela. Ke itsalo, a hopola a ka fofa feela e kena, ka mokhoa ofe. Empa, a fumana, Thapo eo e chalametsa livolto tse milione. Eaba o tlola a suthela hole le Eona, ka potlako, u a bona, kaha a sitiloe ho hebisana le Hoo. Taba eo eona e ne e tiile.

<sup>203</sup> Ka hona bookholane bona ba fihla, ho hlaola litholoana. Ke tšoere maqhephe a mabeli a "litholoana." Ke batla ho bala a mang. Ntho ea pele, tholoana ea pele eo bo e hlaotseng, e ne e le lerato la boena. Ke hantle. Ke e 'ngoe ea lintho tse bolaeang kereke hantle mono, mohla lerato la boena...E, monghali. Eaba, tholoana e latèlang eo bo e hlaotseng Sefateng...Le sa hopola, lerato ke tholoana ea pele Sefateng. "Lerato, thabo, khotsø, mamello, molemo, mosa, tumelo, tiisetso, ke hantle, ka ho Moea o Halaleang." Joale, lineo tse robōng tsa moea, 'moho le litholoana tse robōng tsa Sefate, le lintho tse joalo. Ke hantle. Joale, ea pele, ba qala ba e ja tholoana ea Sefate.

<sup>204</sup> Joale ha re nahaneng ka Sefate se seholo, Sefate sa Molimo. Se behile lineo tse robōng tsa moea. Ba ntse ba folisa bakuli. Ba ntse ba bua ka lipuo. Ba ntse ba leleka batemona. Ba ntse ba etsa mesebetsi e meholo, 'me ba ntse ba rera Lentsoe la Molimo le sa silafatsoang. Ha ho bolumeli ho ba bofa kholehong; ha ba tlangoa, ba etsa mosebetsi o moholo.

<sup>205</sup> Ka baka leo, eaba ho kena liabolosi e monyenyan enoa, a lutse ka linaka tse peli ka pele, eka tsienyane, u a tseba, ka meno a hae a khale a meharo. Ke ntho ea hae ea pele eo, bookholonane, bo kena ho ja lerato la boena. O itse, "U a tseba, *Sekete-kete* o entse *hore-le-hore*, kerekeng ea *Sekete-kete*. Nke ka lumela sehlopha sa batho ba joalo." Ua bona? Ke eèna eo, ntho ea pele.

<sup>206</sup> Ntho e latèlang, a batlile ho ja tholoana ea tumelo, tumelo Lentsoeng. "Joale talima. U tseba ka'ng haeba e le Lentsoe? Le se le tolokiloe hangata–ngata!" Liabolosi e monyenyan eo o sa ntse a e ja. Hantle. "Lentsoe leo le se le tolokiloe hangata–ngata! Eèna ke *sena, sane*, kapa se *seng*. Oh, eèna ke *sena sohle*." Ua bona?

<sup>207</sup> Joale, ke e 'ngoe ea tholoana tseo a li jeleng: thabo ea pholoso. "Shhh! Lona batho ting le hloliea haholo. Oh, khili! Khili!"

<sup>208</sup> "Oh, u khona joang ho rera, Moena Branham?" mosali o kile a rialo ho 'na, ka mohla. Che, e ne e se eèna. E ne e le monna. Kea kholoa o...Ke tšepa a le teng mona. Ke setho sa

kereke e 'ngoe. Empa o itse ho 'na, ha thoe, "Ke ne ke nyolohile ho u mamela, tsatsi le leng, ke sa khone le ho u utloa, ka baka la batho bao ba llang."

Ka re, "Haeba ba . . ."

Ho re, "U khona joang le ho rera?"

<sup>209</sup> Ka re, "Holane ba sa o thabele, nka be ke sa rere mono." Ke hantle. Nkile ka ba le . . . lona . . .

<sup>210</sup> Motsoalle oa ka, Jim Poole, 'na le eèna, re kile ra rua ntja ea khale. Re e reile Fritz. Me ntja ena ea khale, e ne—e ne e kena ntho efe eo e setseng mohlala oa eona morao, le nakeli. E ne e tšaba nakeli, ka baka la lephoka la eona. Ka hona, ebe ke e sasaletsa ho tšoara nakeli tlas'a sehlahlha, ke tlameha feela ho e phathatsa mokokotlong nakoana, ke re, "Saa, ke eo! Saa ke eo, mosha'na!" E ne e sala nakeli eo morao, ua bona, ua bona, hobane ke ne ke e phathatsa, ho re, "Saa ke eo!"

<sup>211</sup> Be, ho joalo feela ho rōna ha re . . . Ke hore, ralephoka oa motonana eo ke mo tsebang, ke Liabolosi. Ka hona, ka nako ha ke ntša Lentsoe lena, 'me motho a re, "Amen," hoo ke "Saa ke eo, mosha'na!" 'Me re—rea fumana—re tla mo qobokisa.

<sup>212</sup> Ka hona, re mo fihlela a hlaotse thabo. U a tseba, Davida, ka mohla o mong, o kile a lahleheloa ke thabo ea poloho ea hae. A sa lahleheloa ke pholoho ea hae, a mpa a lahlehetsoe ke thabo ea eona. A hooeletsa feela, "Morena, ako khutlisetse thabo ea pholoho ea ka." Ua bona? Thabo!

<sup>213</sup> Ka hona mothaka enoa bookholane a qala a ja tholoana ea thabo. "Joale, talima mona. Lona batho ting le lerata haholo. Kea u bolella, ho lla hona hohle, ho re 'amen,' le ho hooeletsa hona, ke lithole. Ha ho letho mono." Ua bona? Ntho ea pele u a tseba, u lutse ka har'a moshara oa motonana, ua tseba, ho lula mono, bohole ba shoele. Mekelikeli e nokang ena e bitsoang Thuto, ea litumeloana tse enteloang methapong ea bona athe Moea oa Molimo o tlamehile o bo o phalla, mono ho entetsoe tumeloana ea khale ea kereke ka mono. Hase mohlolo ba hoamme ke serame 'me ba shoele hakana. Tekanyo ea mohatsela oa moea, ke mashome a robong le metso e robong tlasa khoamo. Yaa. Motho o re, "amen," mang le mang o thamolla molala sa lekau la mofuta kapa ho hong, o batla ho tseba ea itsalong. Ke lihlong. Athe, eka khona Moea oa Molimo e be thabo, khotso, lerato. Empa sepheli sena sa khale se qalile sa ja. Se jele thabo se e qetile.

<sup>214</sup> 'Me, hape, thoalana e latèlang Sefateng ke khotso, khotso mohopolong, ho tseba hobane u bolokehile.

<sup>215</sup> Ba u bolella, "Be, joale, ha u ka thothokisa tumelo ea rōna, u bolokehile. Ha u ngolisa kerekeng ea ka, u bolokehile. Be, joale," enoa o re, "ha u kena mono ha u a bolokeha. U tlameha ho ngolisa kerekeng ea rōna, ho bolokeha. U tlamehile ho re,

‘Ahe Maria.’ U tlameha ho ngolisa lebitso la hao bukeng *ena*. U tlameha ho fumana e . . .” Oh, khili! Hoo ho tla tlosa thabo eohle. Empa seo hase Sefate sa Molimo; u tseba moo u leng teng. Ka mehla, leo ke lebasetere.

<sup>216</sup> Le tseba pale ea ka ka moulu. Ke lebasetere. Ha e tsebe papa oa oona, mama, kapa hore, mang e ne e le mang. Ua bona? Ke lebasetere. Empa, oh, pere ea makhonthe ea lesika, e tseba papa oa eona le mama, ka meloko.

<sup>217</sup> ‘Me joale, Mokreste oa makoma oa lesika, le eèna, ea nang le Moea o Halalelang, o a tseba hore O tšolohile ka Letsatsi la Pentekosta. O tseba moo a emeng teng. A ka sala mohlala oa meloko ea habo ho fihla motšeо koana, masika a habo, qalong ea tšimoloho ea oona. Petrose o ne a O fumane. Ho theoha le sechaba joalo, kapa merabe, ba ne ba O fumane, ho theoha joalo. Mokreste oa makoma oa lesika o tseba moo O tsoang teng.

<sup>218</sup> Ho re, “Be, ke Moluthere. Huh! Ke Presbeteriene.” Oh, lebasetere tooe! “Hore’ng u se hoo? Hore’ng u se hoo?”

<sup>219</sup> “Be,” u re, “uena u eng—uena u eng?” Ho tsoaloa labobeli. “Ho tsoaloa labobeli, ka eng?” Moea oa Molimo.

<sup>220</sup> Ke ka lebaka leo u seng lebasetere. U tsoetsoe ka nèpahalo. Hase ka tumelo e itseng ea kereke, empa ka Moea oa Molimo. Molimo o phela ka hare ho uena.

<sup>221</sup> Joale lemoha. Kokoanyana ena ea khale e qalile ea ja. Ka hona, e jele mohopolo oa khotsofalo, oh, le joalo, le joalo, le joalo, le oh, le ho theoha. Ke tšoere leqephe la eona mona, la litholoana tsohle, seo e se entseng.

<sup>222</sup> Eaba thakanyana lena le a shoa, la fetoha tsie. E ne e le lekhathé le latèlang leo, e ne e le tsie. Joale, tsie e etsa’ng? Tsie e ja mahlaku. Ke hantle. Tsie e futuhela mahlaku. Se siiloeng ke bookholane, bo siile mahlaku; bo jele tholoana eohle ea Sefate. Eaba ho kena’ng? Tsie e kene ea ja, ho ja se siiloeng ke bookholane. Joale, e entse’ng? Bookholane boo bo entse’ng? Bo falalitse mahlaku. Mahlaku a sebetsa’ng? Ho senya botsoalle bo Khethhehileng. Ke hantle.

<sup>223</sup> “Joale, ke—ke—ke Presbeteriene. Ha re ka ke ra amana le eèna ka letho. Ke Nazarene. Ke Pentekosta. Ke *sena, sane*, kapa se *seng*. Ha re ka ke ra amana le eèna ka letho, kaha e se setho sa sehlopha sa röna. Mona o tšoere kopano, ea pholiso ea bakuli? Huh! Ebile kereke ea röna ha e lumele hoo.” Ua bona? Ke moo u etsa hoo. Eèna, tsienyane eo e entse’ng? E pomme botsoalle shoqo, ke hantle, ea hlaola botsoalle bohle.

<sup>224</sup> Botsoalle ke’ng? Mahlaku a etsa’ng? A pholisa, etsoe linonyana li ka fofela tlas’ a mahlaku, “huh—huh,” tsa phola. Sefate sa lona ke seo hape. “Me o tla ba joaloka Sefate se lemiloeng.” Ua bona? Ke hantle. Batho ba ka fihla teng ‘me ba lula tlas’ a botsoalle ba Moea o Halalelang, ba ipholisa

nakoana. Ha u ferekane ka hohle, 'me u sa tsebe se hlahileng; le hore u a shoa na, hore u bolokehile kapa che. 'Me ha u tsebe haeba ho lokile kereke *ena*, kapa ho lokile *eane*. Ako kene tlás'a Sefate se metseng mahlaku a itseng ho Sona. Ho lula tlase mono. Ere Meea e tsoang Leholimong e foke, joaloka Moea o fokang, ka sefego, har'a mahlaku, u a tseba, ho tsoella. Ho qallella ho... 'Me u qale o phole nakoana.

<sup>225</sup> Ho re, "Oh, ke tla theoha 'me ke joetse sehlopha seo sa bahalaleli ba thethehang seo ke se nahantan."

<sup>226</sup> Ho lula feela nakoana le ho ipholisa. Ke hantle. Ka har'a ea hao ha u khone ho etsa hoo. Hobo, molato ke'ng? Tsie e se e a jele kaofela, ehlide, ho ja mahlaku oohle ho sona. Joale, hoo, u ka hla 'na oa itulela mono tlás'a letsatsi le chesang. Ka hona, uena, ha ho—ha ho moriti oa letho mono. Ke hantle. Joale, ka hona ho na le...

<sup>227</sup> Empa le tseba seo re tlamehang ho se etsa. Bibebe e boletse, ho re, "Kereke e neng e reroe pele, bara ba Molimo ba neng ba reroe pele," (ba etsa'ng?) "ba lutse libakeng tsa Leholimo." Hoo ke'ng? Moriti, boiketlo, ho ikutloa u le hae. Amen.

<sup>228</sup> Moo mang le mang a apereng tuxedo, 'me—'me monna ea latèlang o *tjena*, 'me—'me bang ba bona ba nyatsa, ho thoe, "Huh! Shebang. Moriri oa hae ha o a kenngoa pemanente. Ke hore, na ha a tšabehe? Ha a apara le gawono ea frown ea Paseka." Joale, he, eona, e ka bang eng, e aperoeng, u a tseba. E ka bang eng, leha... Yaa. "Frown ea Paseka," e batla e le eona, ua bona. Ho lula motše mono, le ho etsa... [Moena Branham o a tšoantsisa—Mong.] Ua bona? "Ebile ha a na le ntho ea Paseka e... Khele, be, mo shebeng, le selemo se fetileng o ne a apere sutu eo! Be, u tseba'ng ka taba eo?" Ha u ikutloe monate, mono.

<sup>229</sup> Nkile ka bolella mosali e mong, letsatsi le leng. Mosajana oa batho, e le setho sa kereke e kholo, ea maemo tlase... A itse... O bolaoa, ke mofetše. Ra theoha ho mo rapella. Moena Roy Roberson mona, e mong oa literaseti, a nkisa tlase mono. 'Me mothoana oa batho a lutse mono, a bolaoa ke mofetše. 'Me a re...

Ka re, "Ana u... U Mokreste na?"

<sup>230</sup> A re, "Monghali, ha ke—ke tsebe nka reng." Ho re, "Ke tsamaile kereke e itseng." Le ho re... 'Me eaba o qala a lla.

Ka re, "Molato ke'ng?"

<sup>231</sup> Ho re, "Ke ne ke sa khone ho apara hantle." Ho re, "Ba ne ba nkhella fatše." Huh! Oh, ke moo he. Ua bona? Ha u—u a phuthuloha. Ua bona?

<sup>232</sup> Empa Bibebe e re laetse ho "phutheha 'moho libakeng tsa Leholimo." Oh, khili! Eng? Bohle ba tšoana. Khele, ke tla le bolella na sena se tla etsa'ng. Se tla etsa... Se thusa para ea liofarolo le sutu ea tuxedo ho ngomelana ka matsoho le ho

bitsana moena. Ehlide bo. Ho thusa mose oa khale oa calico ho ngomelana le oa silika ka matsoho, le wa satin 'me ho thoe, "Khaitseli, u phela joang hoseng hoo? Ho bokoe Molimo!" Ke hantle. E tla etsa hoo. Ke thabo, khotso, lerato, tumelo Lentsoeng, mamello, moso, tiisetso. Ho lula libakeng tsa Leholimo ka ho Kreste Jesu, ho ipholisa nakoana. Ua bona? Mahlaku a entse hona hoo.

<sup>233</sup> Empa seo tsie eo ea khale ea khale e se entseng, e fihlile, ea ja mahlaku ao, ho re, "U setho sa rōna kapa ha u setho sa mang." Eaba e tlosa ho phola ha Moea kaofela. Ua bona? Ea ichekela tumeloana. Ke hantle. Joale re tlameha ho tsoela pele. Re be re ka lula halelele holim'a tsie eo ea khale.

<sup>234</sup> Empa lekhathé la eona la borarō e ne e le lerutlè. Hmm! E reiloe lebitso le lebe, le ho qaleng, lerutlè. Lerutlè le etsa'ng? Le kena ka har'a lekhapetla. Oo ke mochoporo oa bophelo, mono. E, monghali. Le kena lekhapetleng 'me le senya seaparo sa sefate. Seaparo!

Borapeli ke'ng? Seaparo. Ke seo lentsoe *borapeli* le se bolelang, "seaparo."

<sup>235</sup> Ka hona, lerutlènyana lena, hoba le kene har'a phutheho, la ba thesemeletsa maemo bohole; eaba le ba amoha botsoalle bohole, ka sebopoho sa tsie; 'me joale e a khutla 'me e tšoara bona borapeli ba bona e bo fetola tšomo, hantle, ho hloma mantsoe a se nang motheo. Le ho ipopela borapeli, le ntano kopanya sehlopha sa banna le ntano hlomathisa tumeloana mono. Le tšoara bona borapeli boo, le hlobolisa Sefate sa Molimo hoo, lona lekhapetla le jarang lero le nyolohang ka Sona, le a le tlosa. Lerutlè! Na le bona kokonyana eo? [Phutheho e re, "Amen."—Mong.] Ke eona hantle. Lerutlè leo, e ne e le Roma e leng kereke ea mesong.

<sup>236</sup> Taba ea pele, sehlopha sa Mapentekosta; e seng mekhatlo ea Pentekosta. Che, monghali. Ntho efe e hlophisang e shoele. Ke tla e paka motsotsong feela, ka Mangolo. Ua bona? Empa mohla e... Empa, boiphihlelo ba Pentekosta, bo etselitsoe mang? Bo etselitsoe Katolike. Le mang hape? Metholise, Baptise, Presbeteriene, le mang ea bo batlang. Empa o a batla, u tlameha ho bo batla. Ha u ngolise ho Bona.

<sup>237</sup> Ke qetile lilemo tse mashome a mararo a metso e merarō lелапенг la Branham, 'me ha ke eso ngolise lелапенг leo. Hobaneng? Ke Branham, le ho qala feela. Ke hlahile ke le Branham.

<sup>238</sup> Le rōna re Bakreste joalo. Ha se ka hobane re ingolisitse nthong; oo ke mokhatlo. Re tsoetsoe, re le Bakreste, ka ho nchafatsoa ke Moea o Halalelang. Lemohang joale.

<sup>239</sup> Joale, lerutlènyana lena la qala la phunya le itšotetsa ka har'a lekhapetla. La etsa'ng? La qala la tšoara borapeli ba sona, seaparo sa sona, la tlosa Thuto ea sona. Borapeli

ke thuto, seaparo se khurumetsang eng le eng. Lebaka leo borapeli ba rōna bo ttileng ka Mali, Mali. Bophelo bo Maling e leng oona a khurumetsang Lentsoe. 'Me Bophelo ke...Bo ka har'a Mali. Mali ke borapeli, 'me Bophelo bo Maling ke bona bo hlahisang liphetho. Hobaneng, le a e bona? [Phutheho e re, "Amen."—Mong.] Ua bona?

<sup>240</sup> Ha bo a khurumetsoa ke mahlaku a feiga. Adama le Eva ba kile ba leka hoo. Kaine a etsa hona hoo. Na le lemohile hoo? Kaine o tlisitse bophelo ba limela, hape. Ua bona? Empa ha e a sebetsa. Ha e a sebetsa ka Adama le Eva. 'Me le kajeno e ke ke ea sebetsa. Mohla Molimo o no o se latōla, tšimolohong, se latōtsoe ka Bosafeleng. Litumeloana tsa boiqapèlo ba motho le menahano e ke ke ea amoheloa.

<sup>241</sup> E tlameha ho phethisoa, ke Lentsoe la Molimo. 'Me Lentsoe le tlisitsoe ke Mali, sehlabelo sa Kreste. Ke hantle.

<sup>242</sup> "Batho," mokana moena a buile hoseng hona, "ho hlomola liphatsa." Be, u a tseba, kajeno sechabeng ho fumanoa lipekere tse leshome le metso e robōng, tseo malumeli a fapaneng a li babaletseng, 'me a itleha, "Ke sepekere sa sethatong, se tsoang matsohong a Hae." Ekaba eng, haeba e ne e le sona? Ha nka ke ka batla ho amana le sona ka letho. Ruri.

<sup>243</sup> Molimo ha o eso re siele mekōlōkōtoane le matšoao. O rometse Moea o Halalelang, Ntho e phelang, e ke keng ea senngoa. Sepekere se ka nketsa'ng, molemo ofe? Sefapano sa mantlha seo A leketlileng ho sona, se ka nketsa'ng, molemo ofe? Ha ho le lethonyana. Hase ho tseba sepekere, ho tseba sefapano, empa, "Ho Mo tseba ke Bophelo." Ua bona?

<sup>244</sup> Joale, re itšoareletse ka lipekere, re itšoareletse ka mekōlōkōtoane, re itšoareletse ka libaka. 'Me kajeno batho ba ea holimo le tlase, motseng oa Jerusalema, le—le holimo le tlase hohle libakeng tse fapaneng, ba bolokile mekōlōkōtoane le lintho. Hoo ha ho amane le eona ka letho, le letho. Ntho eo e ahlotsoe, e bolile, e felile.

<sup>245</sup> Ke ne ke etetse kereke koana—koana Roma. Hona moo bona—bona, baprista bana bohole ba shoeleng, ba ba lema serapeng, tlase botebong mono, nama e be e naphohe masapong. 'Me—'me ba ntano ntša masapo ba betle linthoana tsa maseli, 'me ba behe mahata a bona mono. 'Me batho ba kenang ka mono, ba silila mahata ao, ho fumana hlohonolofatso, ho fihlela masapo a soeufetse a kumehile. Ha u kena Saint Peter's Cathedral mono, leoto la Petrose, ba rialo mono, sefika, le felisitsoe ke ho akoa, makhetlo a robōng kapa a leshome a fapaneng; ba tlameha ho bopella leoto le leng ho sona. Matlakala a makaalo! Litumelo tsa mafeelane, ke phetho seo e leng sona, litumeloana tsa thuto e raliloeng ke motho.

<sup>246</sup> Molimo o rometse Moea o Halalelang, Bophelo ba Molimo, ho aha ka ho uena, e seng ka har'a sefika. Thaka leo Molimo o

batlang o aha ho lona ke uena; e seng sefika, empa ka ho uena. Batho ba li reile, "lifika tse halalelang." Ha ho lifika tsa letho tse halalelang. Ke uena sefika sa Molimo se halalelang. Bibele e itsalo. Ke hantle. "Uena U Ntokiselitse 'Mele."

<sup>247</sup> Joale, mothaka enoa o qalile a senya. Ho senya eng? Lerutlè la kena ka har'a lekhapetla. Shebang na le entse'ng. La qala la senya lekhapetla. La etsa'ng? Kereke ea moea la e fetola kereke ea hlaho. E, monghali. La hlaola ntho ea sebele la aba ea bohata. Joale, le hopole. Lehlaku...

<sup>248</sup> Tholoana, bookholane bo e jele. Lehlaku, tsie e le jele. Joale, lekhapetla, seaparo, borapeli, Thuto; Thuto, e kenoe ke lerutlè.

<sup>249</sup> Thuto eo pele e tsoile kae, e kantle ho Bibele? Lona boranalane, le tseba moo e tsoang teng. E tsoa Roma, moo e qalileng hantle, ba ile ba qala ba amohela litšomo.

<sup>250</sup> Ho bile joalo le ka Irenease, Mohalaleli Martin, Polycarp, bao bohle...ka mora lefu la Johanne. Ka lebaka la ho fetolela Lentsoe la Molimo, a le kantle sehlekehlekeng sa Patmose. Ba mo pheha lihora tse mashome a mabeli a metso e mene ka kirisi, a khutla, a 'na a ngola Bibele. Molimo o no o ikanetse hore Bibele ena e ngoloe. Leo ke Lentsoe la Molimo. Re ke ra Le ekeletsa kapa ra Le fokotsa. Le tlameha ho itulela Le le joalo, Lentsoe.

<sup>251</sup> Lemohang eare mohla ba khutlang, mohla bahalaleli bana ba Molimo ba ne ba leka ho tiisetla Lentsoe leo, ha kena Roma, 'me ea amohela litšomo, litulong tseo. Joale ha re boneng seo e se entseng, tse ling tsa lithuto tsa eona tsa bohata, seo e se entseng.

<sup>252</sup> Kolobetso ea metsi. Atha ba laetsoe...Petrose o boletse, ka Letsatsi la Pentekosta, tlas'a pululelo ea Moea o Halalelang, Lentsoe la Molimo, "Bakang, e mong le e mong oa lona, le kolobeletsoe ka Lebitso la Jesu Kreste tšoareleng ea libe tsa lona."

<sup>253</sup> Eaba Roma e etsa'ng ka eona? Ea e hlanola, le ho re, "Le kolobeletsoe ka lebitso la 'Ntate, Mora, Moea o Halalelang,'" ho e fetola tumeloana, e seng Thuto ea Bibele. Eaba o etsa'ng? Leo ke lerutlè, le jang. "Hofafatsa," sebakeng sa ho qoelisoa, "ka lebitso la Ntate..."

<sup>254</sup> "Ntate, Mora, Moea o Halalelang" ha se lebitso. Ntho e joalo ha e eo. "Ntate" hase lebitso, "Mora" hase lebitso, le "Moea o Halalelang" hase lebitso.

<sup>255</sup> Mohla Jesu a na a re, "Le ba kolobetse ka Lebitso la Ntate, Mora, Moea o Halalelang," ke, "Morena Jesu Kreste." Hantle se entsoeng ke Petrose le bao, le bohle, mang le mang ka har'a Bibele, o entse. Ha ho mang ea kileng...

<sup>256</sup> Ke phepetsa mang ho ntlisetsa seratsoana sa Lengolo, kapa seratsoana sa nalane, moo mang a kileng a kolobetsoa ka hosele le Lebitso la "Jesu Kreste," ho fihlela kereke ea Roma

e Katolike. Ho etsa hoo. 'Me le hopole, lebanta lena la pota lefatše. Uh-huh. Nkile ka phutha bareri, ka makholo a bona, le libishopo le ntho eohle, ho re, "Ema ka maoto a hao, kapa tloo koano u tšoere Bibele ea hao, kapa u ikhutsetse ka ho sa feleng." Ba ikhutsetsa ho fihlela ba potela ka mor'a sekotlo sa hao, ebe moo ba qalang ba u seba; ba haelloa le ke sebete sa ho ema le uena lifahleho li talimane, boitšaro bo paala feela ho ema ba u joetsa sefahlamahlo. Ba tšaba ho etsa hoo. Ba tseba hore e fosahetse. Empa lerutlè leo le qalile la ja hoo, ua bona, ho ja le ho qeta Ntho ea sebele.

<sup>257</sup> Joale, u re, "Ha e bohloko. Yaa. Mokhoa ofe oo ke kolobelitsoeng ka oona o lokile." Na ho joalo? [Phutheho e re, "Che."—Mong.]

<sup>258</sup> Pauluse o buile, Liketso 19, mohla, "Eèna, Pauluse, a haolang le mabopo a ka holimo ho Efese." Bibele e itse, "A fihlela barutoana ba itseng." Bao ke balateli. Apollose, moreri oa Baptise, tlas'a Johanne Mokolobetsi, eèna o ne a ba ruta Lentsoe. 'Me keha ba nyakaletse haholo. Eaba Pauluse o tloha ho ea ba bona, eaba o re, "Na le amohetse Moea o Halalelang ho tloha le lumetse?"

"Oh," ba re, "'na ke molumeli."

<sup>259</sup> "Empa hase potso ea ka eo. Na le amohetse Moea o Halalelang ho tloha le lumetse?"

Ba itse, "Ha re tsebe hobane Moea o Halalelang o teng."

<sup>260</sup> A re, "Ebe le kolobeletsoe ho eng?" Ua bona? Ka polelo e 'ngoe, "Le kolobeletsoe joang?"

Ba itse, "Röna re kolobeletsoe."

Ha thoe, "Joang?"

<sup>261</sup> A re, "Tlas'a Johanne," a rialo, "eèna monna ea kolobelitseng Jesu. Na ebe ha e a lekana?"

<sup>262</sup> Pauluse a re, "Che. E seng hona joale. Che." Ho re, "Le tšoanelo ho kolobetsoa, hape bocha." Eaba Pauluse o ba kolobetsa, hape bocha, ka Lebitso la Morena Jesu Kreste. A ba beha matsoho, eaba Moea o Halalelang o theohela holim'a bona.

<sup>263</sup> Eaba Pauluse o re, "Ekare ha Lengeloi le tsoang Leholimōng," ha ke sa bua ka moreri; "ekare ha Lengeloi," ha ke sa bua ka lerutlè lena, uh-huh; "ekare ha Lengeloi le tsoang Leholimong le rera ntho e hosele ho *Ena*, ho lona, le neeloe anathema." Ke hantle.

<sup>264</sup> Na lea bona e ne e le eng, lerutlè la qala la ja. Le jele la qeta kolobetso ea metsi ka Lebitso la Jesu Kreste.

<sup>265</sup> Ntho e latèlang e entsoeng ke lerutlè, le hlaotse kolobetso ea Moea o Halalelang. Hoba, haeba le tlil'o fumana Moea o Halalelang oo, O tla khantšetsa Lentsoe leo, haeba le tlil'o etsa hoo. Eaba ba tlameha ho—ho e sebetsa ka ho fapano.

<sup>266</sup> Joale, nahangan feela ke Maluthere a makae, Maprotestanta, ke Makatolike a makae, hoseng hona, a tiiseletsoang, kamoo ba e bitsang, ho ja selallo sa pele. 'Me hoo ba ho bitsa "Eukariste e Halalelang," e bolelang, lentsoe la Selatini, "Moea o Halalelang." Na le bone Mokatolike ha a feta kereke a inama *joalo?* [Moena Branham o a tšoantsisa—Mong.] Hobaneng? "Ke molimo o ka har'a kereke eo." Ebe molimo ke'ng? "Bohojana bo bonyenyane boo." Bohojana bo bonyenyane boo, bo khilikoe, bo bopiloe joaloka molimo-letsatsi eo ba mo rapelang, bo robetse holim'a aletare athe litoeba le likokoroto li bo thota, ka bosiu bo le bong. Hase Molimo oa ka eo. Ke tla u joetsa hona joale. "Selallo sa pele, ho ho tiiseletsoa kerekeng." Matlakala.

<sup>267</sup> Empa ke seo ba se entseng. Ke seo lerutlè le se entseng. Le tlositse Moea la ba fa bohojana, bohojana bo entsoeng ke moprista ea itseng, kapa moitlami ea itseng, kapa ho hong. Ba entse hoo. Ke hantle haholo. Tsamaea, aka ee ho botsa joale. Tsamaea, sheba morao nalaneng, le ho bona haeba ho se joalo. 'Me le e lumella ho sotetsoa 'metsong oa lona? Hase Makatolike ao feela, empa lona Maprotestanta, bongata ba lona, ke ntho e tšoanang. Ho lokile. Ke sona seo ba se entseng. Ho lokile.

<sup>268</sup> 'Me e ntano ba Protestanta, sebakeng sa ho fumana Moea o Halalelang, le tseba seo ba se etsang? Baa tla ba ingolisa, ho tsukutla letsoho. Ha ho motho ea kileng a nyoloha ka tsela a tsukutla letsoho, mohla Letsatsi la Pentekosta le seng le fihlile. "Empa ho tlile molumo o tsoang Leholimong oa Moea o fokang ka sefefo, o tlatsitseng ntlu eohle eo ba neng ba lutse ho eona," ke hantle, o pholletsa har'a mahlaku ao a lifateng tseo, oa tšolohela holim'a lekhapetla. Ke hantle.

<sup>269</sup> Joale, joale, litulong tsa Tsoalo e ncha eo Jesu a e boletseng, ho thoe eka khona motho a tsoaloe labobel, ba hlomme ho ingolisa kerekeng ea bona, "Tloo o ingolise." Litulong tsa Lentsoe, lerutlè le ba neile tumeloana. Ha le bone na? Shebang seo le se etsang mona. Le aba ntho ea hlaho litulong tsa ea moea. Le khona ho e bona? [Phutheho e re, "Amen."—Mong.]

<sup>270</sup> Joale shebang. Joale, rea, rōna—rōna mona re mocheng oa Katolike, empa na le tsebile hore e phorosela e haola har'a Maprotestanta? [Phutheho e re, "Amen."—Mong.] Re li fumana kae liponahatso tsa Moea o Halalelang mahareng a likereke tsa Protestant kajeno? Re e fumana kae karabelo ea Pentekosta har'a Maprotestanta? Ha re e fumane. Ana le e fumana ka ho Luthere? ["Che."] Haeba le khona, ke batla ho e etela. Ke batla ho etela koo ke je hofihlela ke itaha monyakeng. Presbeteriene? E hokae—hokae—hokae? Ua bona? Le ithuetse ntho ea hlaho.

<sup>271</sup> Ke itokisetsa ho tsamaea, ebile lea tseba bo. Ua bona? Le se lumelle Taba ena ho phonyoha pelō ea lona le ka mohla hleng.

<sup>272</sup> Le se ke la amohela ntho ea hlaho. Ke lefu. Monna enoa oa hlaho ke lefu. Sohle seo a se etsang, ke lefu. O beiloe mona tlasa lefu. “Moea ke oona o phelisang,” ua bona, Moea o kenya Bophelo, o a le tsosa. Ke Moea.

<sup>273</sup> Ka baka leo, u a bona, ba nkile... Shebang seo ba se entseng. Ba nkile kolobetso ea metsi, ho tsoa ho “Jesu Kreste,” ho ea ho “Ntate, Mora, Moea o Halalelang,” leemeli, leo e seng Lebitso, ho hang.

<sup>274</sup> Joale, u re, “E etsa phapang efe?” Ho lokile. Joale, haeba u tlil’o ntša....

<sup>275</sup> Motho ea tlil’o u lefa moputso, Moqebelo, e—e—e monna ea u lefang. Litulong tsa ho ngola lebitso la hae mono, ho thoe feela, “Ho tsoa—ho tsoa ho ‘Mohiri.’” Ke sona seo... Cheke ea hao ea moputso, feela, “Lefa John Doe, didolara tse lekholo le mashome a mahlano, bakeng sa mosebetsi oa veke ena. Ho tsoa ho, ‘Mohiri.’” E ngole, u e fetise bankeng, ’me u bone e tla u hloenyetsa hakae. Yaa. Yaa. E, monghali. Ehlide e tla etsa hoo. Ehlide bo.

<sup>276</sup> Haeba e sa etse phapang, hore’ng Pauluse a laetse Bakreste bao, ba ntseng ba boka Molimo ba hlile ba nyakaletse, lintho tse kholo li ba hlahela holimo mono, hore’ng a ba boleletse, “Le tlameha ho khutla le kolobetsoe bocha, hape, ka Lebitso la Jesu Kreste”? Ua bona? Nka Lentsoe, bua, tiisetsa ho Lona feela. U se bue letho le fapaneng. Bua feela seo Le se buang. Ua bona? Ke sona seo re tlileng ho ahloloa ka sona.

<sup>277</sup> Joale shebang. Ke seo ba se entseng. Litulong tsa Tsoalo e ncha, ba hloma ho ingolisa. Litulong tsa ho bua Lentsoe, ba na le tumeloana. Mphontše ka Bibeleng moo ba kileng ba rialo “Ahe Maria.” Mpontšeng ka Bibeleng moo lona Maprotestanta le qotsang Tumelo ea Baapostola teng. Mpolelleng seo Tumelo ea Baapostola e leng eona, ka har’ a Bibe, “Kopano le bahalaleli.” Ba ne ba eme khahlano le eona. Mpontše ka Bibeleng moo ba hlakisitseng “Ntate, Mora, le Moea o Halalelang” kolobetsong. Ha e fumanoe. Leha ho le joalo le a e phethisa. Huh?

<sup>278</sup> Joale, joale, litulong tsa bolekane le bona har’ a baena, ba lohile lehlaahlela la bolaoli, mopapa. ’Me le behile bishopo, ea le joelang ho etsa’ng le ho se etsen’g. ’Me lona Mapentekosta le hlomme mookameli oa lebatooa ea le bolellang eo le ka mo kenyang ka hare. Empa Kereke e ruile Kreste. Ua bona?

<sup>279</sup> Ke hona moo le fihlileng teng. Ua bona? Ba le neile litšomo tseo le lintho tse raliloeng ke motho, litulong tseo, Lona lea suthisoa. Lerutlè le entse’ng? Ho Le hlaola Sefateng, le ho le abela sena. “Ntho eo ke tlil’o e hlaola Sefateng, ke le nehe ena, litulong tsa eona. Ke tla hlaola Hoo, ke le nee ena.” Le bona moo le fihlileng teng?

U re, “Be, Moena Branham!”

<sup>280</sup> E 'ngoe le e 'ngoe, kereke ka 'ngoe ea Protestanta, e hlahile kae? Katolike. Ke seo Tšenolo 13, kapa Tšenolo 17, a tla ba sona. Ha thoe, "E ne e le seotsoa, 'me e le 'm'a liotsoa," ntho e tšoanang. Ka hona se... Ke likhala tsa molapo o le mong, ua tseba, ka hona le se leke. Ke feela... Le se ke la etsa hoo. Ka hona, hoo, ke eona hantle.

<sup>281</sup> Boena; ho tlosa boena. Athe, re tlamehile re be re le baena, e mong nq'a ho e mong. Le re qhaqhile le re bopile re fapanè. Ho lokile.

<sup>282</sup> Joale shebang. Taba e monate ke ena. Ke tla e finyella, ke ntano emisa, mabapi le tse ling tsena. Sheba.

<sup>283</sup> Bibebe e a re laela, mohla re sitiloeng, re tlameha ho hlatsoa meeaa ea rōna ka Moea o Halalelang. Ho lula fatše, ho lumella Moea o Halalelang ho re senolela phoso eo u e etsang, le ho lula mono ka pel'a Hae ho fihlela u ichoeletse, ho hloekisa meeaa ea rōna.

<sup>284</sup> Joale, ba hlanohile, ba le neile pelekatori. Mohla u seng u shoele, ebe moprista o bokella chelete e ngata, ho u rapella ho tsoa pelekating. Khele, ke bosaoana! Oo ke mosebetsi oa lerutlē. Ehlile. "Ho u rapella ho tsoa pelekating. Ho ja didolara tse *kana-kana* ho rapella moea oona ho tsoa pelekating." Ke batla ha le ka mphumanela "pelekatori" esita le ka har'a Bibebe, ntho e kang eo. Ntho e joalo ha e fumanoe ka har'a Bibebe. Che, monghali. Empa ba ba neile pelekatori, ua bona, bona, mohla u seng u shoele. Oh, e, kea tseba.

<sup>285</sup> Bao—bao—bao ba re, "Ehlile!" Le ba utloa ba re, "Be, Mohalaleli Bonifase o boletse *hore-le-hore*." Ha ke tsotelle seo Mohalaleli Bonifase a se buileng. "Be, na *Sekete-kete* ha a bolela, a rapeletse monna oa hae, khaitseli e moholo eo, Mohalaleli *Sekete-kete?*" Ha ke tsotelle na u entseng.

<sup>286</sup> Ha se lentsoe la bolaoli. Le khahlano le baapostola ba behiloeng bolaoling. Molimo o neile baapostola bao, ho hlomahanya Kereke ka taolo, 'me E hahiloe holim'a Thuto ea baapostola, e seng holim'a Mohalaleli Bonifase kapa mohalaleli ea itseng. E khahlano le Lentsoe. Ha ke tsotelle na Mohalaleli Bonifase o itseng, le seo bahalaleli ba bang, le bahalaleli ba bang, Mohalaleli Susie, le Mohalaleli Maria, seo bao bohle ba se buileng. Ke bosaoana. Ke leshano le sa feteng lefe feela. Haeba e le khahlano le Lentsoe la Molimo, ke leshano. Ha ke lumele mantsoe a seng bolaoling.

<sup>287</sup> Ka lona lebaka leo ha ke lumele litumeloana tsena tsa Protestant le lintho. Ke Katolike, ho fihla—ho fihla mokong. Ke litšomo. Le ka rialo joang ka Makatolike, la iqabola ka litšomo tsa bona, athe le lona, le topetsoe tsona? Haholo hase mona, empa taba ena e holim'a lebanta, le a utloisia, ua bona, e potoloha lefatše. Lemohang. Le rialo joang ba phoso, athe lona le amohela litumeloana tse entsoeng ke motho

tse khahlano le Bibebe, tšomo, kamoo le bona ba entse'ng? Hobaneng? Le ka har'a mokhatlo oo e leng morali oa seotsoa sa khale. Seotsoa ke'ng? Mosali ea phelang a sa tšepahale ho monna oa hae. E ipolelisa e le kereke ea Bokreste, e ntse e aba thuto e fosahetseng, nyee ea eona, sebakeng sa ho nka Lentsoe le Halalelang la Molimo.

<sup>288</sup> Joaloka Eva ha a entse, ho mamela e—e Liabolosi, 'me o hlahisitse lefu lohle le masoabi a kileng a khahlola lefatše. Litile ka Eva, hobane o febile moeeng khahlano le Molimo, ka ho se lumele Lentsoe la Oona.

<sup>289</sup> Le likereke li etsa hona hoo kajeno, li feba moeeng khahlano le Lentsoe la Molimo. 'Me ha u sa lumelane le thuto ea bona ha ba u batle kerekeng ea bona.

<sup>290</sup> Be, ba ntekenela mangolo, "Ha u ka lumela *sena*, 'me ha u ka re *sena* se itoketse, 'me u ka . . ."

<sup>291</sup> Ka re, "Nke ke ka tla." Che, monghali. Ke tla rera feela seo Bibebe ena e se buang, ho seng joalo ha ho letho. Ua bona? Ke hantle.

<sup>292</sup> Tiisetra Lentsoeng leo. Re tlangoa ke hona hoo, baena. Tiisetra mono. Joale re theohela matsatsing a bofelo, 'me re tseba seo. Hora e tlide.

<sup>293</sup> Kamoo re ka buang! Oh, ba bua *sena*, *sane*, le se *seng*. Empa ntho efe e sa tlang ka bolaoli, u se ke oa e lumela. Ha ke tsotelle na e builoe ke mang, leha ekaba mang.

Mona, khaitseli o tlide ho 'na, nakoana e fetileng. 'Me ha thoe . . .

<sup>294</sup> E—e sehlopha sa banna ba itseng bao nkileng ka ba rerela, bareri, mabapi le kolobetso ka Lebitso la Jesu Kreste, mono e le ba makholo a mararo le ho hong, bareri. Batho ba bangata ba lutseng mona ba ne ba le teng kopanong eo, moo lekhotala lohle la Chicago Ministerial Association le teaneng le 'na. Morena a mpha pono, ho mpolella moo ba tla be ba lutzeng le se tlang ho etsahala. Eaba ke fihla hantle holimo mono, le ho bolela. Mona re tšoere lebanta ha le batla ho le utloa. Ua bona? 'Me 'na . . . Libishopo tsohle, le lingaka, le dikhadinale, le bao bohole, ba lutzeng mono.

<sup>295</sup> Ka re, "Mang oa lona ea ka e ahlolang, tšoara Bibebe ea hao u tle koano." Ka re, "La khutsa hakaale ke'ng?" 'Me ho se motho ea buileng letho. 'Me hobane'ng? Ua bona, ba tšaba Lentsoe leo. Ka re, "Ka hona, haeba le sa khone, hobane'ng le nqhokola? Tholang ke hona. Tsoang, le etse ho hong. 'Me haeba le sa khone ho e tšehtsa ka Lentsoe, le thole."

<sup>296</sup> Ka hona, joale, sona sehlopha seo sa banna sa roma mofumahali, ha thoe, "Moena Branham, haeba Lengeloi la Morena le u boleletse." Lengeloi la Morena, u a tseba, setšoantsšo sa Lona—Lona se teng mono, u a bona. "Haeba Hoo u ho boleletsoe ke Lengeloi la Morena, be, re tla E lumela."

<sup>297</sup> Ka re, “Mang le mang, seholpha sa bareri se ka fokolang hakaalo, ‘Efèla ha Lengeloi la Morena le boletse.’ Efèla ha Lengeloi leo le boletse taba e khahlano le Lentsoe lena, ekabeba hase Lengeloi la Morena.”

<sup>298</sup> Lengeloi la Morena le tla netefatsa Lentsoe. Esale A etsa joalo mongoaheng o mong le o mong. O sa ntse a etsa hona hoo. O tiisetra Lentsoeng. Le moreri ofe ea tlotsitsoeng ke Moea o Halalelang o tla tiisetra Lentsoeng lona leo, hoba Bibele e tlalehile Bibele eohle e ngotsoe ke Moea o Halalelang.

<sup>299</sup> ’Me u ka rua Moea o Halalelang joang ’me oa latöla seo Bibele e se buang? Oona moea o ahileng ka ho uena, o e paka e sa loka. Ua bona? Esale lerutlè le ejá, ke phetho, uh-huh, ho ja lintho tsa Molimo tsa makhonthe. E, monghali. Lentsoe le sa tlang ka bolaoli le khahlano le Thuto ea baapostola. Oh, khili!

<sup>300</sup> Ena ke Thuto ea boapostola. Ena ke Bibele. Oona ke Moea o Halalelang. Lentsoe le leng le le leng ka har'a Eona le nèpahaetse. U mpa u lumela u Le amohela, ’me u se ke oa le tèla, ’me u shebe ha tsepiso ka ’ngoe e phethahatsoa, ponahatso ea Molimo o leng teng hona joale.

<sup>301</sup> Efèla hona joale ha E se Molimo o mokaale ka Oa mohla bana ba Israele ba tselang Leoatle le Lefubelu, E tla be e se Molimo. Molimo o leng mona hantle, kajeno, hase Oona o theohileng ka Pentekosta, hase Oona Molimo oo. Ka hona, tsoho ha e a ba teng, haeba e ne e se Oona, haeba A...Oh, Molimo oa histori o u thusa'ng, haeba E se Molimo oo kajeno? Ua bona? Ho thusa'ng ho romela bareri likolesheng tsa thupelo, le ho ba qhotsa sa litsuanyana tsa seqhotsisi, le ho potoloha ka mokhoa oo, haeba ntho e kang Molimo e le sieo?

<sup>302</sup> Le etsa'ng, ha le tlosa Lentsoe la Molimo? Ebe boholo bo hokae? U re, “Kereke.” Kereke, ho fumanoa mekhatlo e fapaneng e makholo a robong le lethonyana la eona. E lokileng har'a eona ke efe? Ha ho mang ka tseba'ng hore a etse'ng. U ne u tla ferekana. Ke hantle. Empa Molimo o ke ke oa ahlola batho ka kereke.

<sup>303</sup> U til'o ba ahloka ka Kreste, ’me Kreste ke Lentsoe. Bibele e boletse, “Lentsoe le ne le le tsimolohong, ’me Lentsoe le ne le le ho Molimo, ’me Lentsoe e ne e le Molimo. ’Me Lentsoe le ne le etsoe nama, la aha har'a röna.” O tla ahloka kereke le batho ka Lentsoe, ke hantle, Lentsoe le phelang, le tsositsoeng.

<sup>304</sup> Efèla ha ntho e phelang eo, lentsoe le tsositsoeng le bua letho khahlano le Lentsoe lena *mona*, e tla be e se lentsoe le tsositsoeng, le tsohileng. Hobane, Sena, Se tla pakela ’Nete ena. A ke ke a bua taba *mona*, le e ’ngoe esele *mona*.

<sup>305</sup> Nka bua taba *mona*, le esele *mane*, kaha ke le motho. Le uena, u ka khona. U ka eketsa tsebo le kutloisiso.

<sup>306</sup> Empa, e sang Molimo; Ke mohloka-pheletso. Ua bona? O na le...Qeto ea pele, taba ea Hae eo A e builoeng pele, e

tlameha ho hlola ka Bosafeleng. E a tšoana. A ke ke a bua taba *mona*, le esele *mane*. O tlameha ho bua taba e tšoanang ka linako tsohle, hore e tle e be Molimo.

<sup>307</sup> Haeba Moea o holim'a hao, e le oa Molimo, o tla pakela Lentsoe *lena* e le 'Nete, Lentsoe ka leng la Eona. 'Me ke Lona maobane, kajeno, le ka mehla. Bibele e itsalo. E, monghali. Ho lokile.

Joale, ha re potlakeng 'me re tšoarane le lekhathé le latèlang lena la sepheli sena.

<sup>308</sup> Pele, e ne e le bookholane. Bo jele'ng Sefateng sa Molimo? [Motho e mong o re, "Tholoana."—Mong.] Tholoana.

<sup>309</sup> Eaba ha e kena lekhatheng le latèlang; bo ile ba shoa lekhatheng leo, le ho hlaha lekhatheng le leng. Joale ba etsa'ng? Lekhatheng lena ba bitoha e le tsie. E jele mahlaku oohle. Tsie e lemaletse hoo.

<sup>310</sup> Joale, e entse ketso efe e latèlang? E khutla lekhatheng le leng, e le lerutlè, 'me la kena ka har'a lekhapetla.

<sup>311</sup> Joale, joale le tla e le ts-... e le seongoane, lekhathé la hae la bone, joale e le seongoane. Seongoane ke'ng? Sea momona; se momona Bophelo, Moea, Bophelo. Se etsa hona hoo, se theohela tlase hantle, se tšoara nama ea tholoana, 'me se a momona. Seongoane, ke sena mona. Re tlil'o se rea mang? Bolumeli. Ke lebitso le nèpileng la thaka leo. Hobaneng? Ke sesenyi; se monya Bophelo.

<sup>312</sup> Nako le nako ha Molimo o romela motsamao har'a batho ba Oona, nako le nako, 'me ba bopa bolumeli, ba shoella hona moo. Ke batla motho ea tsebang nalane ea kereke, ea ka ahloolang hoo. Ho ntšupisa khetlo le le leng moo mokhatlo o kileng oa hlophisa, o sa ka oa shoella hona moo. Lerutlè le ile la o tšoara, la hlaola borapeli ba oona. Eaba ho latèla seanyi 'me sa hlaola e... sa monya Bophelo Sefateng.

<sup>313</sup> E ne e le Bophelo ba mofuta mong ka ho Sona? Moea o Halalelang. O ile oa etsa'ng ke hona? O sitiloe ho baballa Moea o Halalelang ka mono o ntse o bolokile litšomo. Moea o Halalelang o no o sa tl'o e mamella. Ka hona sa tšoara Khalalelo, sa ntša Bophelo Sefateng, sa aba tšomo, ho bopa bolumeli. "Ha re tsotelle na Sena se reng. Bolumeli ba rōna bo bua *sena*." Ke moo he. Hopolang, hoba e bope bolumeli, kamehla e a shoa, 'me ha e boele e tsoha.

<sup>314</sup> Mokhatlo oa pele e ne e le Katolike; ea shoa ka potlako. Hoba, e ne e le tšomo, le ho qaleng.

<sup>315</sup> Mono ha tsoa hlabollo ea ho qala, e ne e le Luthere, ea hlophisa 'me ea shoa.

Eaba ho latèla Wesley; a hlophisa, a shoa.

Eaba ho latèla Pentekosta; ea hlophisa 'me ea shoa.

<sup>316</sup> Presbeteriene, Lutherane, tse ling tsena tsohle, le e—le Nazarene, Pilgrim Holiness, le mekhatlo e meng ena eohle e latètseng ka mokhoa oo, o mong le o mong o shoele. Ba shebeng. Hobaneng? Ba hlophisa, 'me hoo ho a ba bolaea. Ba entse'ng? Ba sotetsa litšomo tsena.

<sup>317</sup> Lona Manazarene, a babatsehang, kereke e latèlang ho fihla e—e mathoasong a Pentekosta. E ne e le eng? Le lumela hlatsuong, empa ha ho tluaa lineong tsa Moea, ho bua ka lipuo le matla a maholo a Molimo, le O bitsitse "batemona," eaba le shoela hona moo. Ke hantle. E kae kajeno? E shoele. Oh, e ruile maloko a mangata, empa e kae? Ke setopo.

<sup>318</sup> Ke e bone, bosiu bo bong, ke hantle, ntho eohle. Molisa oa bona, a robetse ka holimo, a ntse a aka setopo, a ratana le sona. Ha thoe, "Nako ea bona e felile, le hona. Bona ke bofelo ba eona." Ka hona, ke tla le tlisetsa eona, nako e 'ngoe, lebanteng. Ua bona? Ho lokile.

<sup>319</sup> Molimo o lemile Sefate sa Oona, ho beha tholoana ea moea, litholoana tsa Moea. Na ho joalo? [Phutheho e re, "Amen."—Mong.] Empa motho o entse'ng? Esale motho a lekile ho Se fetolela sebopethong sa maiketsetso. O entse hoo, morao koo; o etsa hoo joale. Joale, sena, ha re thunyeng ka thata joale, le ka potlako. Esale motho a lekile ho tšoara Kereke ea moea 'me a e fetolele sebopethong sa maiketsetso.

<sup>320</sup> Luther o ne a theile Kereke ea moea. Ha etsahala'ng? Hang hoba Luther a shoe, ba e fetola sebopetho, sa maiketsetso.

<sup>321</sup> Wesley o etse'ng? John Wesley, monna e moholo oa Molimo! Ea ka reng John Wesley e ne e se monna oa Molimo ke mang? O entse'ng? Hang hoba eéna le John le Charles ba shoe, ba e hlophisa. Ha e etsa hoo, ea shoa. Ka nèpo.

<sup>322</sup> Ho a tšoana ho theoha le mongoaha, nako le nako, ho e 'ngoe le e 'ngoe. Ba maneha sebopetho sa maiketsetso, mesebetsi e metle, mokhatlo o moholohali, batho ba khabane. "Likhalala tsa motse li batla ho ingolisa ho rōna."

<sup>323</sup> Ke se le hlahetseng lona mphi ea Mapentekosta. Hantle haholo. Le—le lahletse marapo. Le suthetse hole le Moea. Le ne le batlile meaho e meholo, le mabekebeke, le ntho eohle ka tsela eo, la ba la thola balisa ba qahameng. Le entse'ng? Lona bommè la romela bashanyana ba lona liseminarenq tse ling tsena ka ntle mona, ho beoa balisa. Ba tloha ba ba ruta'ng? Thutamolimo le linyee tsohle tsa boiqapelo ba motho. 'Me kajeno e ho kae? Ba khutla, e le sekhakhatha sa bo Rickies le bo Elvises. Ke hantle haholo. Kajeno le tšoere'ng? Ulu-ulu ea matlakala, "Sebopetho sa borapeli."

<sup>324</sup> Bibele e boletse, "Matsatsing a morao ba tla ba le sepopeho sa borapeli, empa ba tla latôla Matla a jona, Bophelo ba jona." Hobane'ng? Seongoane se Bo montse. Hantle. Mokhatlo o Bo

hlaotse. Timothea oa Pele 3, Pauluse o boletse, "Tsebang ke hona, hobane matsatsi a bofelo, ho tla hlaha nako tse bohloko. Batho e tla ba baithati, baikhohomosi, baikakasi, banyefoli, ba sa utloeng, ba se nang teboho, ba se nang khalalelo, ba se nang lerato la hlaho, ba se nang ho tšepeha, ba hloeang ba molemo, lehlabaphieo, bakaki, ba nang le sebopetho sa borapeli, 'me ba tla latōla Matla a jona." Seongoane se bo montse. Lerutlè le bo fihletse, khale koana. Re tlil'o theoha re le tlisetsa Sefate seo, ntho eohle, nakoaneng feela, ha Morena a ratile.

<sup>325</sup> "Tulo e kholohali." Oh, ehlile. "Be, u a tseba, ngoahola kereke ea rōna e bokelelitse bokana." Oh, ehlile.

<sup>326</sup> Katolike e le hlotse ka milione oa limaele. Ehlile bo. Ho bile ha mpefala tjena Rashia koana ba ba ba leleka 'me ba thea, ba hlomamisa bokomonisi. Ba entse hona hoo Meksiko. 'Me ba tlameha ho e etsa lefatše bophara, e kae. Ke hantle.

<sup>327</sup> Le se ke la tšaba bokomonisi. Bokomonisi ke khato ea bokhopo. Empa le utloa bareri ba bang bana, ba ema sefaleng, ba qosa, "Bokomonisi! Bokomonisi!" Le 'na ha ke bo lumele. Empa le se... 'Me ba borella kereke ea bona, "Oh, re tlil'o metsoa bohle. Lefatše lohle le tla fetoha bokomonisi." Taba eo e khahlano le Lentsoe la Molimo e tiile. Ha ho sebaka re reng ho tla ba joalo ka har'a Bibebe.

<sup>328</sup> Empa Bibebe e re Boroma, kereke ea Katolike, e tla khelosa lefatše. Nkang Daniele le fumane. Hloho ea gauta, Morena Nebukadnezare, 'muso oa Babilona; a hlahlangoa ke Bamede le Persia; oo oa ntano hlahlangoa ke Empire ea Gerike; eaba Roma e tiisetsa ho isa bofelong. Menoana e leshome eo e haola e itšuntse 'musong o mong le o mong o tlas'a lefatše. Le se ke...

<sup>329</sup> Lerako la tšepe le teng. Lerako la liqala le teng. Lerako le pherese le teng. Moena, uena, se tšohe lefe har'a oona, u mpe u bee lerako le pherese leo leihlo.

<sup>330</sup> O lutse hantle mona holim'a terone, kajeno, naheng ena. Hopolang, kamoo Akabe a sebelitseng, 'me Jesebele a le ka morao ho eëna. Hoo... Bibebe e bitsa kereke ea Katolike "Jesebele; seotsoa." 'Me Akabe e ne e se mothaka e mobe. Ha ke re Mongh. Kennedy hase monna ea lokileng. Ha ke tsebe letho ka eëna. Ke monna. Ke phetho seo ke se tsebang. Ke Mopresidente. Kea kholoa e tla ba Mopresidente e motle. Hase eëna; ke tsamaiso eo ka mora hae. Emang ho fihlela e itsoaketsa e kena kabineteng, le hohle moo e ka khonang, ebe le sheba se tlang ho etsahala. Shebang seo e se entseng lichabeng tse ling. Shebang hore esale e etsa'ng.

<sup>331</sup> 'Me na ebe Bibebe ha e rialo, ho Tšenolo 13? Palo ea sechaba sena ke leshome le metso e merarō. Folaga e na le metsero e leshome le metso e merarō le linaleli tse leshome le metso e merarō. Metsero e leshome le metso e merarō folageng. Leshome le metso e merarō, ntho e 'ngoe le e 'ngoe ho eona

ke leshome le metso e merarō; likoloni tse leshome le metso e merarō, ntho e 'ngoe le e 'ngoe ke leshome le metso e merarō. 'Me e fumanoa khaolong ea 13 ea Tšenolo.

<sup>332</sup> 'Me Bibebe e boletse, ho re, "Ea nyoloha eka konyana e nyenyane," tokoloho ea borapeli; "linakana tse peli," tsa boahi le tsa borapeli. Eaba ka mora nakoana, li a kopana, "Ea bua joaloka drakone, ea etsa tsohle tse entsoeng ke drakone e tlileng pele ho eona." 'Me Bibebe e boletse, "Ba ile ba etsa setšoants̄o sa sebata," setlamo sa kereke, eona ntho eo ba e theileng hona joale, mona New York City. Mono holimo ho theiloe moshara oa motonana! 'Me lona bohle Bamethodise, Mabaptise, le Mapentekosta, le mang le mang oa lona, ba moruo... batho ba borapeli ka ntle mona, le leka ho etsa lintho tse kang eo, 'me le rekisa ka litokelo tsa boholo ba lona, ho ingolisa le sehlopha seo sa Babilona. Molato ke'ng ka lona? Ehlide. Le rekisa ka litokelo tsa boholo ba lona, joaloka Esau ha a entse, ho fuoa moapēho oa tšila. Ke phetho seo le tlang ho se fumana. Ke phetho.

<sup>333</sup> "Ho bopiloe setšoants̄o sa sebata." Ka nēpo. Le se tšabe bokomonisi. Le tšabe Bokatolike. "Oh," ba rialo, "e tla kena ka bolotsana, eka konyana. Empa," ha thoe, "e shebe." Ka mora eona, ke phiri. Ke lehonyēli. Le e shebe. E, monghali. Hoba, e khahlano le Lentsoe. Seo Lentsoe le se boletseng se tlameha ho etsahala.

<sup>334</sup> Bokomoni ha bo sebetse letho haese ho bapalla matsohong a Molimo. Ke hantle haholo. 'Me hore'ng ba tlameha ho etsa hoo? Molimo o ne o tlamehe ho lumella bokomonisi, bo tle bo phethise sena, Lentsoe la Oona, le tle le phethisoe. Ehlide. Hoo... Na le eleletsoe hoo? Na le kile la e nahana? Molimo o tlameha ho phethahatsa Lentsoe la Oona.

<sup>335</sup> Shebang. Mohla ho emeng mono baporofeta ba makholo a mane, pel'a, ho thusa Akabe le Josafate, tsatsi le leng, Josafate, monna ea lokileng. O itse, "Empa, pele re nyolohela Ramothe-Gileade," ha thoe, "na ha rea tlameha ho botsa Morena?"

<sup>336</sup> Akabe a re, "Yaa. Ehlide." Ua bona? Jesebele keha a e tšeheilitse eohle, u a tseba. Ha thoe, "Re tla—re tla... Mona ke tšoere baporofeta ba makholo a mane. Re tla ba nyolla."

<sup>337</sup> Bohle e le batho ba batle. Ba ba nyolla. Bohle ba porofeta, ho thoe, "Tsamaeang le nyolohe. Morena o na le lona."

<sup>338</sup> Keha e sa utloahale hamonate, ho monna enoa oa morapeli. Morena oa Israele, kapa morena oa Israele holimo mono... Keha e sa utloahale hantle ho eēna. A re, "Ha le sa na e mong hape?"

<sup>339</sup> "Bareri ba makholo a mane, bohle ba le khopolo e 'ngoe, ba ntse ba re, 'Nyolohang. Morena o se a buile le rōna 'me a re, "Le ka nyoloha."'"

A re, "Empa e mong o tlameha ho ba teng nq'a e 'ngoe."

<sup>340</sup> A re, “Ke na le e mong, empa ke mo hloile.” Ehlile, ruri. Yaa. Ha thoe, “Ha phetse ho nkomanya. Ha a phetse ho mpolella bobe.” O be a ka etsa’ng, athe Lentsoe la Molimo le ne le eme khahlano le eèna?

<sup>341</sup> Eaba ba romela ho ea lata Mikea. Mikea a re, “Le ka nyoloha. E. Ke hantle. Empa ke bone Israele a qhalane, eka linku tse se nang molisa.”

<sup>342</sup> Eaba eèna, khele, moreri eo oa senatla o atamela koo, bishopo, a mo phobola molomo. Ho re, “Moea oa Molimo o ile ka tsela efe ha O ne o tsoa ho ’na?”

<sup>343</sup> Eaba o re, “Le ho qaleng, ha eso ahe ka ho uena.” Ka hona—ka hona a re, “U tla fumana, le leng la matsatsi ana.” A re—a re—a re...

<sup>344</sup> Akabe a re, “Mo hlahleleng chankaneng e ka hare. Le mo fepe bohobe ba mahlomola le e—le metsi a mahlomola.” Ha thoe, “Mohla ke boeang ka khotso, thaka leo ke tla sebetsana le lona.”

<sup>345</sup> A re, “Ha u ka boea, e tla ba Lentsoe la Molimo ha le a bua le ’na.” Hobaneng? Hobaneng? O ne a tiiselitse Lentsoe hantle, a tiiselitse Lentsoe hantle.

<sup>346</sup> Boporofeta bofe ha bo sa tiisetse Lentsoeng leo... .Ke hantle haholo. Ke lona lebaka ke rialong kajeno; ho sa tsottelehe kamoo e kang e lokile, ke bareri ba bakae ba buang *sena, sane*, kapa se *seng*, “Bokomonisi bo tlil’o hapa lefatše bo le felise.” Se lekeng la loantša bokomonisi. Loantšoang Boroma. Hobane, HO RIALO MORENA. Morena ke eèna ea itseng Boroma bo tla busa, e sang bokomonisi. Ke khabulu-bulu feela.

<sup>347</sup> Empa, u a bona, o ne a tlameha ho etsa hoo. Morena o boleletse Mikea, “Eka khona Ke ntšetse Akabe koo. Ke lumelle bareri bao ho rialo, ho ntšetsa Akabe koo, mantsoe a Elia a tle a phethisoe.”

<sup>348</sup> Molimo o no o tlameha ho lumella bokomonisi ho tsoha. Ba etsa’ng? Ba tsamaisa limoshara tsena tsohle ’moho, le ho bopa setlamo sa likereke, ho ingolisa, ho bopa setšoantšo sa sebata, e leng sona seo Lentsoe la Hae le se tlalehileng se tla etsahala. Le se tšoenyehe ka hoo. Le shebe seo e se bopang ka tlase. Ke hantle. Hmm!

<sup>349</sup> Kea... .kholoa ke le khathatsa, empa... .[Phutheho e re, “Che.” —Mong.] Empa hoo ke ’nete. Ha ke tsebe mohla ke tla boela ke bua le lona. Nka tšoha ke sa khone hape. Ha re tsebe. Re ka tšoha re sa kopane hape, empa ke le batla le tseba ’Nete.

<sup>350</sup> Shebang Lentsoe lena. Ke ’Nete; e sang ’na. Lentsoe lena, Ena ke Eona. Efèla ha lentsoe la ka le hohlana le *Sena*, le se lumele ho ’na. Le lumele Seo. Ebe, haeba u re, “Be, röna re tšoere

Seo, athe uena u rera khahlano le Lona,” e tla be e le tšoanelo ea hao ho tla ho ’na. Hantle. Ke tsoanelo ea hao ho tla ho ’na. Ua bona? Tloo feela, ’me re bone seo e leng Lentsoe, joale.

<sup>351</sup> Joale, ka baka leo, re e fumana e ne e le hoo...bokomonisi bo khobokane ’moho. Molimo o itse, “Gogo le Magogo, mono, ba tla phutheha ’moho,” ehlile, “ho lohlanya ntoa.” Ke ’nete hantle, hobane e tlil’o kopanya mabotho ana ’moho. E tlamehile ho fihla. Bibele e boletse e tla etsa hoo.

Molimo o lemile Sefate sena, ka morero oa ho beha tholoana ea Hae ea semoea.

<sup>352</sup> ‘Me motho esale a leka ho e fetola sebopaho sa maiketsetso, “Ho apara sebopaho sa borapeli.” Meaho e meholohali motseng, ehlile, dimilione tsa didolara! Khele, helang! Athe batho ba rera Jesu ea tlang, ebe ba sebelisa didolara tse milione tse tšeletseng le tse robeli moahong nq’ a e ’ngoe. ’Me, limishinari, ke tseba limishinari masimong, tse rerang Evangeli, ba sa roala para ea lieta, ba ej a habeli ka veke. Lea bona hobaneng, moena, rōna... Molato ke’ng ka batho? Ehlile ha ke kholoe ba hlide ba lumela hore O a tla. Mantsoe a hao—a hao—a hao—a hao a bua... Be, bophelo ba hao—ba hao bo bua ho feta mantsoe a hao. Uena... Ua bona? ’Me O a...

<sup>353</sup> Limishinari tse nyenyane tseo, ha ke fihla kopanong ea ka ka tsela eo, ho sa roaloa lieta; a ithatile ka para ea marikhoana, ka tsela eo; a phela ka ntle koo le matsetse, le ameba, le likokoanyana, le maloetse a mefuta eohle, le ntho eohle ka ntle koo; matsohonyana a jeloe, ’me a jeloe ke ameba le ntho eohle. Ho ema mono, ho re, “Ke uena Moena Branham?”

Ke re, “E.”

Ho thoe, “Oh, u hlohonolofale! Ke u rapella ka mehla.”

<sup>354</sup> Ke nahane, “Oho Molimo, e re monna eo a nthapelle. E. Ke eèna mothaka eo. Ke eèna eo.”

<sup>355</sup> “Kea...Ke—ke—ke balile liratsoana tsa hao, Moena Branham. Ruri o bolela ’Nete. Re eme le uena hantle.” Oh, moena, eo ke—eo ke eèna moshanyana. Ke eèna; mothoana eo oa batho.

Ho utloa motho a re, “Na u a tseba eo ke mang?”

“Oh,” ho thoe, “hase setho sa mokhatlo oa rōna.”

“Athe ho joalo? Ke mang?”

“Khele, ha a ema le rōna.”

“Be, ke mang?”

“Oh, ke e—ke moemaesi.”

“Oh, ke eona? Uh—huh. Be, o etsa’ng?”

“Oh, o tšoarane le mosebetsinyana ka ntle koo. Ha a—a batle ho itèanya le rōna.”

“Be, ke batla ho mo tseba.”

<sup>356</sup> U a tseba, ha ke sa le moshanyana, ke tsoma liapole tšingoaneng ea liapole, ka mehla ke ne ke tsoma sefate se meutloa tlas'a sona, u a tseba. Se chehiloeng meutloa hamonatjana le ka thata, liapole tse monate li ne li le hona teng.

Ba re, "Be, e mpa e le mothethehi-mohalaleli."

<sup>357</sup> U a tseba, ka tloaelo u emisa setšosa pel'a sefate se monate. Le Diabolosi o etsa hoo, ho u tebela ho Teng. U se tšoenyehe. Potoloha u koekoetle setšosa seo.

<sup>358</sup> Tsatsi le leng ke ne ke shebeletse thakali, e jang linaoa tsa botoro tseo ke neng ke li lema. Enereha ke jala mola oa linaoa tsa botoro, khoari eo e tsoe, e li je. Ka nahana, "Ke sa tla sa e tšosa bo." Ka nka mokotla oa pampiri. Ke hlile ke na le neo ea bonono; ea ka le ka be le mpone. Ka bopa setšoantšo se hlile se harola letsoalo. Oh, se ne se tšosa, bo, haeba se bopiloe ke 'na. 'Me eaba ke se maneha holim'a mokotla, ka nokela linaoa tse 'maloa tsa botoro ka har'a oona, ka se feha thupeng. Enereha moea o foka, se hlokohlehe ka mokhoa oo.

<sup>359</sup> Mobung ha tsoa mootloana oo oa thakali, u a tseba. Ebe e mathela koo, e ntse e ja linaoa tsa botoro, 'me ea ntoo khahlana le mokotla oona. Ebe e checha ka santhao. E o shebe, e u hlahlobe *joalo*. 'Me e re, "whiu," e o qhomele, 'me, oh, mokotla oeme tsoe. E boele e o shebe, u a tseba, e boele e o shebe, hape. E hetle morao e bone linaoa tseo tsa botoro tse rapaletseng li theoha ka mola. 'Me li ne li le monate, u a tseba. Ea sheba ke hona, setšosa seo thibile tsela ea eona. Ka baka leo ea nyoloha, ea 'na ea atamela, ka tsela *eo*. [Moena Branham o phathatsa ho hong—Mong.] E leka ho se tšosa, 'me sa hana ho tloha. U se tšoenyehe; se shoele. Le litšosa tseo tsohle li joalo. Ka hona ea—ka hona feela ea . . .

<sup>360</sup> Eaba e etsa'ng, ea phaila mokotla oo ka leotoana la eona, 'me oa reketla, oa reketla. Ea qhomela morao ea o sheba, ka mokhoa oo. Ea boela ea o phaila, oa reketla, oa reketla. Ke phetho seo o leng sona, ke moreketla feela. Joaloka sephooko sa Moirishi, ke letomotomo le masiba feela, 'me sephooko ha se eo mono, u a tseba. Eaba e o phaila ka tsela *eo*, ea o reketlisa hane kapa ha hlano ka tsela *eo*. Lea tseba eaba e etsa'ng? Ea pota hantle ka thoko ho mokotla ea tsoella ea itjèla linaoa tsa ka tsa botoro. E ne e ithutile haholoanyane ka sona, hantle le ho mpheta. Ua bona? E ne e le eng? U a bona, ha e a ka ea lumella setšosa ho e thibela. Ka nq'ane ho setšosa ho larile ntho e molemo.

<sup>361</sup> Mohla ba reng, "Oh, ke bathethehi-bahalaleli," potoloha u koekoetle setšosa seo u kene hantle ka hare. Ua bona? Tsoelapele u e lumele. Ua bona? Moea o Halalelang o ka tšoha o le teng, hape, u a bona. U ke ke oa bolela. Ua bona? Ho lokile.

<sup>362</sup> Oh, bona bo . . . ha re hlahlobeng seongoane sena sa khale ha se sebetsa. Kereke ea hlaho; Kereke ea semoea. Shebang

seongoane sena sa khale joale, ha se hlophisa bolumeli. Se se se jele lekhapetla, le litholoana li jeloe ho sona, 'me, oh, moena, tsohle ho felile hohle. Lineo tsohle tsa Moea li felile; ha ho pholiso ea Khalalelo, ho bua ka lipuo ho felile, boporofeta ha bo eo, ha ho letho, ha ho lumeloe ho—lumeloe ho baporofeta. Ha ba lumele lithong tsena. Ha ba tsebe. Tsohle, ke boiqapèlo ba motho! Moruo oa bona oohle ke boiqapèlo ba motho, ba maiketsetso. Ua bona? Ho lokile. Kereke ea hlaho, ke eo kereke ea hlaho. Ke eona e bopiloeng ke motho. Kereke ea semoea . . .

<sup>363</sup> U a tseba, Bibele e itsalo? E, monghali. Kereke ea hlaho; le Kereke ea semoea. 'Me Bibele e re, "Lelekisa mosali ea tlamiloeng le ngoana oa hae: " (Agare) "hoba a ke ke a ja lefa le ngoana oa mosali ea sa tlangoang." Ua bona?

<sup>364</sup> Ka hona, kereke ea hlaho, e tla ja lefa (La'ng?) la ho tlangoa mangata, ho tlangoa lihlopha, ho chesoa. "Me a ke ke a ja lefa, ebe mojalefa, le mosali ea sa tlangoang." Efèla ha mosali ea tlamiloeng a kene bokhobeng 'moho le bana ba hae ba mokhatlo, e ke ke ea ba mojalefa le mosali ea sa tlangoang, hoba bana ba mosali ea sa tlangoang ba tla kena Hloibilong. 'Me bana ba mosali ea tlamiloeng ba tla ema Kahlolong, ua bona, ba kharameletsoe ka ntle. Yaa. Ba moea ba lokolohile. E, monghali.

<sup>365</sup> Seongoane, boEsau ba malumeli. Joale, Esau. Ho fumanoa Esau le Jakobo, mafahla a mabeli, barapeli ba babeli. Esau e ne e le motho oa nama. E le monna ea lokileng. A sa rialo, be, joale . . . A sa tsoe ho ea utsoa, ho noa, kapa le letho. E ne e le monna ea tletseng borapeli. Empa a nahana, "Be, ha feela ke tletse borapeli, phapang ekaba efe?"

<sup>366</sup> Empa, Jakobonyana oa khale, a sa tsotelle kamoo a tlamehang ho e fumana, o ne a batla tokelo eo ea boholo. Ho sa tsotellehe kamoo a e fumaneng, ha feela a E fumane! Haeba a ne a tlameha ho theohela fatše aletareng, le ho hooeletsa le ho lla, le ho hlabang—moōlō le ho hloephetsa. Le ntšoarele. Kapa, le a tseba, ho tšela metsi leihlong la hae. Ke ne ke sa ikemisetsa ho rialo. Le hona ho . . . Le ntšoarele. Ka hona, ho theohela aletareng le ho lla ho fihlela a O fumane, khele, ha feela a O fumane. Ua bona? A sa tsotelle kamoo a O fumaneng, ha feela a O fumane.

<sup>367</sup> Bang ba bona ba re, "Ke . . . Moena Branham, batho bao tlase mono, ba hlabang—moōlō aletareng, ba lla, ba lla. Ha ke O batle ka tsela eo." Be, u ke ke oa O fumana.

<sup>368</sup> Motha oa khale e motšo, moena oa 'mala, tlase Boroa, ka mohla o mong, esale a thabile. 'Me eëna, mong'a hae a re, "U thabisoa ke'ng—ke'ng hakaale ka nako tsohle, moshanyana?"

O itse, "Ke amohetse borapeli bo pelōnolo."

Ha thoe, "Ntho e joalo ha e eo."

<sup>369</sup> A re, "O entse phoso e le 'ngoe. 'Kamoo u tsebang kateng, ntho e joalo ha e eo.'" U ne a tseba ho fapaneng. Ho re, "'Kamoo u tsebang kateng.' U tlamehile u be u itsalo."

Tsatsi le leng, a re, “Ke batla ho fumana lethonyana la borapeli boo bo pelōnolo.”

A re, “U bo batla neneng?”

Ha thoe, “Joale.”

Ha thoe, “Be, ha re e’o bo fumana.”

<sup>370</sup> Eaba baa tsoa. A re, “Kounyana ea furu ke ena. E ntle.” Le ho re, “Yaa, mohatsa ka a ke ke a nkutloa, le ntho efe mona,” ho rialo. Batho ba O batla ka tsela eo, u a tseba; ha ba Bo neheletsoa, ka mokeke. Ha thoe, “Re tla khumama tlase mona.”

Moena oa khale a re, “Mona u ke ke oa bo fumana.”

<sup>371</sup> Be, monghali, a theohela setaleng. A re, “Na re tla Bo fumana mona?”

Ha thoe, “Che.”

A re, “Re tla ea koana korepeng ea koro.”

Ha thoe, “Che.”

Ha thoe, “Ebe u Bo fumana kae?”

<sup>372</sup> Ha thoe, “Ntatèle.” A fèha maoto a marikhoe a hae, a tsoa a kena serobeng sa kolobe, ka potlako e kaalo, a lukela har'a seretse, ha thoe, “Tloo koano mona. Mona ke hona moo u Bo tholang teng.”

A re, “Ha ke batle ho tsoela mono.”

A re, “Le joale, ha u eso Bo batle, mong'a me. Ha u Bo batle.”

<sup>373</sup> Ua tseba, Naamane o ne a nahane joalo, le eèna. Naamane, Naamane o itse, “Joale, ke batla ho tlosoa ke folisoe lepera.”

<sup>374</sup> Elia a re, “Theohela nokeng eo e lukehileng ea Jordane, moo e itumuletsang ka har'a Meditereniane mono.” Le ho re, “E lukehile ho tukeho. Mono u qoele, hasupa.”

<sup>375</sup> “Oh,” Naamane a re, “khele, banna! Metsi a matle ha a sa le eo na, holimo nq'a Damaseka le holimo mono? Oooh, holimo mono a matle ‘me a hlakile.” Khili, re bone mona bosiu bo fetileng, filiming, mona, u a tseba. Ha thoe, “Oh,” ha thoe, “hobaneng, hobaneng, ha re batle ho theohela mono. Nke ke ka theohela mono. ‘Me na ehlide ua ntseba ke mang tjee? ‘Na ke molaoli oa balebeli. Ke moholo oa makhotla.”

<sup>376</sup> “Be, haeba u batla ho fola lepera, theohela tlase mono. Empa ha u batla ho le boloka, tsoelapele u nyolohele mono. A re, ‘Qoela.’”

<sup>377</sup> ‘Me ke ’mona a tsoa a kena metsing ao. Na le ka nahana? Oh, hoo ha mo liha seriti. Ekare kea ’mona, u a tseba, a tsoa ka litšetšekoane *tjena*; a khamme nko, u a tseba.

<sup>378</sup> Batho ba leka ho tla ho Kreste joalo. “Ke batla ho fola. Kea rata, u a tseba, ho ea Leholidmōng, empa, oh, khili, haeba batho

bohole ba nchebile teng." Uh-huh. Moikaketsi tooe. U ke ke oa O fumana, le hona. Ke hantle. Ua bona? U ke ke oa O fumana, le hona. U se tšoenyehe. Ha u eso O batle ka ho lekaneng le joale. Ke hantle. Ha u O batle ka ho lekana. Ke hantle haholo. Mohla u ikemiselitseng ho O fumana, u tla O fumana, ho lokile. Molimo o tla u nea Oona mohla u itokisitseng. Ho lokile.

<sup>379</sup> Joale, tsohle, liongoane tsa malumeli, li jele ntho eohle. Lemohang kokoanyana ka 'ngoe, kokoanyana ka 'ngoe ea tsena, mohla e sebetsanang le Sefate, e hleketsé mohlahlami oa eona tsela. Oh, ke thaka le masene. E, monghali. Ua bona? E hlaotse litholoana, ua bona, Moea, e le hore (Eng?) e tle hlaole botsoalle, ua bona, mahlaku.

<sup>380</sup> Eaba ho fihla lehlakore le leng 'me la iphelisa, la hlaola mahlaku. Le entse hoo, hobane'ng? Le hlaotse mahlaku hore moriti le hlasimoloho li be sieo, hore batho ba bang ba tle ba bone, hore e tle e phunye e kene ka har'a lekhapetla. Ua bona?

<sup>381</sup> Se ne se tla kena ka har'a lekhapetla, 'me se phunye mopopotlo, se hlaole Thuto se ba amohe eona, ua bona, eona ntho e tšehtsang Bophelo.

<sup>382</sup> 'Me eaba, hoba se phunye masoba ka har'a ntho eo, sa khona, khetlo le latèlang, ha hlahlama seongoane semonyi sa khale, boo ke bolumeli, ba sa momona 'me sa bo hlophisa hore le tle le se ke la Bo fumana.

<sup>383</sup> 'Me eaba Bophelo bo etsa'ng? Ba theohela metsong. Ke hantle haholo. Ho Bo fallisetsa hantle tlaase metsong. Ke hantle.

<sup>384</sup> Joale, eona kokoanyana e phuntseng pelō, ea ba ea fihla Bophelong. Ea 'na ea tla e feta ka tholoana, e haola le ka mahlaku, e feta ka lekhapetla, ea ba ea fihla e finyella pelō, mochoporo oa Bophelo. Ke hantle.

<sup>385</sup> Joale ha re shebeng sesenyi sena ha se sebetsa, pele. Ke tla tlameha ho tlola tse ling tsena mona, kea kholoa; che, nke ke ka khona. E—e ntho ea pele e entsoeng ke thaka lena, hang hoba le finyelle pelō ea Sefate. Ha re mo shebeng, morao koana lekhetlong la hae le qalang, le pele le qala ho iphotlileng. Ha re mo shebeng. Joale ha re mo shebeng ha a sebetsa. Ntho ea pele eo a e falalitseng, e ne e le ho senya tholoana ea pele ea makhonthe, e thekothata e leng Sefate seo Molimo a se hlomileng holim'a lefatše.

<sup>386</sup> Joale, ha le ka 'mamella metsotsotso e 'maloa hape. Ke le batla le—ke le batla le fumane taba ena joale. Le se ke... Oona ke Molaetsa oa lona oa Paseka, o tla hlahlama hona joale. Uh-huh, uh-huh, uh-huh.

<sup>387</sup> Ntho ea pele eo a e entseng, le falalitse tholoana ea Molimo ea pele, Sefate se thekothata sa tholoana, Kreste. E ne e le Sefate seo se tsoang tšimong ea Edene. Ke hantle. Sefate sa pele sa tholoana, o Se sentse. Sa Pele seo Molimo o se lemmeng mona lefatšeng, e ne

e le Kreste. O sentse Sefate seo se neng se beha tholoana ea Hae. Joale, ba kile ba thea mekhatlo ea mefuta eohle, 'me e le phetho seo a se tšoereng matsohong a hae. Empa eare mohla a fihlang Sefateng se behang tholoana ea makoma, sepheli seo sa Roma sa kena ka Mono, ua bona, sa senya Sefate.

<sup>388</sup> Sefate ee? E. Jesu o boletse, "Haeba Ke etsa..." Ho Mohalaleli Johanne, "Ha Ke sa etse mesebetsi ea Ntate oa Ka, kapa lithoana tsa Ntate oa Ka li le sieo, le se ke la lumela ho 'Na." O ne a beha tholoana ea Molimo. Tholoana A e behileng e ne e le ea mofuta mong? Tholoana ea mofuta mong?

<sup>389</sup> Ha re Mo shebeng metsotso e 'maloa. Re tšoarane le eona hangata. Ha re fateng mafato a lipoho nakoana, molemong oa batho ba lutseng mona, ho ema motsotso feela, ho rapelloa.

<sup>390</sup> Ba tsebile ntho efe pele, hore o tla khona, ho Mo elelloa e le Messia? Mohla Petrose a fihlang ho Èèna la ho qala, 'me a tlisitsoe ke Andreathe, eaba O shalima Petrose 'me a re, "Lebitso la hao u Simone, 'me u mora oa Jonase." O tsebile hona moo, ho latèla Lengolo, eo e ne e le Messia. Ho kile ha...

<sup>391</sup> Ana le tsebile ho hlahile ba bangata pele ho moo, ho latèla nalane, 'me ba ipitsa boMessia? Empa ha ho mang oa bona ea khonneng ho etsa *sena*. Uh-huh. Hobane, "Messia," Moshe o boletse (Lentsoe la Molimo, le ke keng la hholeha, le builoe ke Moshe.), o boletse, "Messia oa lona e tla ba Moporofeta ea joaloka 'na."

<sup>392</sup> Eareha molata enoa a tsamaea a ema pel'a Jesu, 'me Jesu a re, "Bonang, lebitso la hao u Simone, 'me u mora oa Jonase," Petrose a tseba hona moo hore na Eo e ne e le Mang. A tseba hobane e ne e le Èèna.

<sup>393</sup> Mohla Nathanaele a tlohang a ea lata Filipi, kapa... Filipi a tloha, a ea lata Nathanaele, ke rialo, a mo fihlisa mono. 'Me Nathanaele, monna e moholo, ua bona, monna e moholo, monna oa morapeli. 'Me—'me Filipi a ntse a 'molella ka eona, tseleng e nyolohang koo, seo A se entseng ho Simone. 'Me eareha Nathanaele a kena ka pel'a Sefahleho sa Jesu, Jesu o itse'ng? O itse, "Bonang Moiseraele, eo ho seng mano ho eèna."

A re, "Rabbi, U ntsebella kae?"

<sup>394</sup> A re, "Le pele Filipi a u bitsa, u sa le tlas'a sefate, Ke u bone."

<sup>395</sup> A re, "Rabbi! Rabbi, U Mora Molimo; U Morena oa Iseraele." Ua bona?

<sup>396</sup> Hobane'ng? Eo ke tholoana. "Ha Ke sa etse mesebetsi ea Ntate oa Ka..." O tsebile eona mehopolo e neng e le ka lipelöng tsa bona.

<sup>397</sup> Mosali o kile a ama seaparo sa Hae, ka mohla o mong, 'me a tloha a lula har'a phutheho. Jesu a qamaka a re, "Ke mang ea Nkamileng?" Bohle ba e latöla. A qamaka, a ba a 'mona. A ne a ena le phallo ea mali. A re, "Tumelo ea hao e u pholositse." Oh, khili!

Mosajana oa khale oa Samaria . . .

<sup>398</sup> Joale le hopole, ha A eso etele Balichaba, ka mokhoa oo. Che, monghali. O laetse barutuo ba Hae ho se ba etele. Bao ke rōna. Lena ke letsatsi la rōna. O ile ka sebopeho sa Moea o Halalelang, ho rōna, kamoo A boletseng A tla etsa.

<sup>399</sup> Empa eitseha A ba etela, ha etsahala'ng? Eitseha A e-ea ho mosali oa Mosamaria, mosali o itse . . . A re ho eèna, "Ntliisetse metsi."

<sup>400</sup> 'Me a re, "Hase moetlo ho Uena, u leng Mojuda, ho kopa 'na, Mosamaria."

<sup>401</sup> Khethollo ka 'mala le ka lintho e sa le teng. A ba tsebisa hona moo, hore liphapang li ne li le sieo, bohole ba tsoa sefateng se le seng. Bohle re bara le barali ba Molimo. Rōna bohole, ua bona. 'Me A re . . .

<sup>402</sup> A re, "Be, rōna rea rapela. Ntata rōna, Jakobo . . ." Ua bona, 'me eo e ne e le ntata Bajuda, le eèna. Ua bona? "Ntata rōna, Jakobo, ke eèna ea chekileng seliba sena, 'me U re U mo feta ka boholo?"

<sup>403</sup> 'Me A re, "Metsi ao 'na Ke u neang oona ke Bophelo bo sa feleng." Ua bona? A re . . .

"Rōna, be, re rapela thabeng ena, athe Lona Jerusalema."

A re, "E-ea lata monna oa hao le tle koano. Hona ho tla e batalatsa."

A re, "Ha ke na monna oa letho."

<sup>404</sup> Ha thoe, "U boletse teng." Ha thoe, "U bile le ba bahlano; le eo u lulang le eèna hase monna oa hao."

<sup>405</sup> A re, "Monghali, U a tseba, re qetetse moporofeta lilemo tse makholo a mane, empa U loketse u be u le moporofeta. Ua ntsebella kae hobane ke bile le banna ba bahlano?" A re, "Joale, rea tseba hobane e . . . Nako ea ho fihla ha Messia e tlide, eena ea bitsoang, 'Kreste.' 'Me mohla A tlang, O tla re bolella lintho tse kang tsena." Oh, litholoana tsa Hae ke tseo.

A re, "Ke Eèna."

<sup>406</sup> A siea nkho, nkho ea khale ea metsi a mokhatlo. A kena motseng. Ho sa natse boholo ba seliba, sa Jakobo, o ne a fumane Phororo e ncha. A kena motseng, ho re, "Tloong, le bone Monna Ea mpoleletseng seo ke se entseng: na Enoa hase eèna Messia? Na Ena hae eona tholoana? Na Ena hase kholiso ea hobane Eo ke Messia?"

<sup>407</sup> Bajude ha ba E utloisia. Ba itse, "Ke senoheramahlohonolo, Belzebule."

<sup>408</sup> Jesu o itse, "Ke le tšoarela hona, lona. Empa, ka tsatsi le leng, Moea o Halalelang o tla tla etsa hona hoo; 'me, ha le bua khahlano le Hoo, le ke ke la tšoareloa hona." Ua bona?

<sup>409</sup> Joale, “Ha Ke etse mesebetsi ea Ntate oa Ka, le lumele...le se lumele ho ‘Na.’ Empa Sefate seo sa tholoana se ne se beha litholoana.

<sup>410</sup> Joale eng? Ebe O itseng? Ebe ke eng—ebe O theile Kereke ea mofuta mong? Joale, lona Makatolike le batlang ho bolela Jesu a theile kereke, O theile Kereke ea mofuta mong?

<sup>411</sup> Ana O kile a bua ka bolumeli, tumeloana? [Phutheho e re, “Che.”—Mong.] Haesale A le khahlano le bona. Ha theo, “Lona mabota a soeufalitsoeng. Lona masapo a batho ba shoeleng.” A ba bitsa sohle seo A neng a ka ba bitsa sona. Ke hantle. O ne a le khahlano le eona. Eo e ne e le tholoana ea Molimo. Joale, le ka kopanya peli le peli, ‘ne, haeba le batla. Ho lokile. O ne a le khahlano le hoo, mokhatlo, khahlano le likakanyo tsa bona. Ho ba bitsa, “Baikaketsi, linoha har’ a joang,” le ho ba bitsa “bodiabolosi.” O itse, “Le bana ba ntata lona Diabolosi, le tlil’o etsa mesebetsi ea hae. Ke ofe har’ a lona ea sa kang a hlorisa baporofeta bao Ke ba romileng ba Nketile pele?” Ua bona? Ho re, “Le ntano khabisa mabitla a bona.” Ho re, “Athe ke lona le ba kentseng teng.” Oh, moena, A sa ba thinyetse mantsoe ka letho. Ke hantle.

<sup>412</sup> E ne e le tholoana ea Molimo. E ne e le eng? Tiisetsa Lentsoeng la Molimo, ho bonahatsa Lentsoe la Molimo.

<sup>413</sup> O itse, ka mantsoe a mang, “Mangolo a tlalehile ‘Na Messia ke tla etsa’ng mohla Ke fihlang? Joale, haeba Ke sa beha tholoana eo ea Lentsoe, ekabeba ha Ke Messia. Empa haeba Ke beha tholoana ea Lentsoe leo Messia a na a tlamehile ho se etsa, etlaba Ke eèna.” Amen. “Joale, ke mang oa lona ea ka Nqosang ka sebe?” A rialo. Ke moo he. “Ke ofe har’ a mekhatlo ea lona o ka etsang hona hoo?” Ke moo he. “Messia o ne a tlameha ho etsa sena. Messia o tlameha e be e le moporofeta. Joale ha re boneng ba bang ba lona bohole,” A re, “ka likakanyo tsa lona tsohle tsa boikalakatiso, ha re e boneng e etsoa ke lona.” Joale, keha ba khutsitse. Ho lokile. E ne e le eng? O ne a beha tholoana ea Molimo. Moea o Halalelang o ne o ahile ka ho Eèna. O ile a beha tholoana ea Molimo. E ne e le eng? A . . .

<sup>414</sup> Joale mamelang ka hloko. Ke tla potlaka kamoo nka khonang, ke se liehise tinara ea lona ea Paseka. Shebang. Empa, tinara ea lona—lona ea Paseka eka khona e be tsoho. Ua bona?

<sup>415</sup> Empa ke’ng? E ne e le Sefate sa Moporofeta se phetheleng sa Molimo, Sefate se entsoeng mohlala, Sefate sa Monyali. Amen. Thoriso! Ke tlil’o bua taba, ka kotloloho: Efèla haeba E le Sefate sa Monyali (Lea e lumela na? Se tsoang tšimong ea Edene?) [Phutheho e re, “Amen.”—Mong.] ha ho le joalo, Sefate sa Monyali, kantle ho e Motše(hali), ha se beha tholoana, ka baka leo O tlameha ho fumana Sefate sa Monyaluoa. O tlameha ho tsoaloa ke lielemente tse tšoanang, Lentsoe le entsoeng nama ka har’ a Sefate. Kea tšepa lea e

tšoara. Ke bona Bophelo bo ahileng ka ho Sefate sena se se tšeħali, Monyali, ke Bona bo ahileng ka ho Monyaluo. “Mesebeti eo Ke e etsang le lona le tla e etsa.” Na ho joalo? [“Amen.”] E ne e le Monyali, le hopole.

<sup>416</sup> U re, “Ha e lumelane le Lengolo.” Oh, ke lona. Ke tšoere hoo joale. Ua bona? Re itokisetsa ho tšoara kopano ea pholiso motsotsong. Ke tšoere hoo. E ne e le sona.

<sup>417</sup> Na le batla ho e kholisoa? O itse, “Ke ’na sefate sa Morara, lona le makala.” Mohalaleli Johanne o a e bua: “Ke ’na sefate sa Morara, lona le makala; lona le beha tholoana.” Ua bona? ’Me sefate se se tona le sefate se se tšeħali li hlahisa pholene, se seng ho se seng, ho hlahisa tholoana. ’Me lekala le sefate sa morara li etsa hona hoo. Ua bona? Ke hantle haholo. Ka baka leo O boletse, joale.

<sup>418</sup> Sefate sena sa pele e ne e le Sefate sa Moporofeta, Sefate se phethahetseng, Molimo oa baporofeta. E ne e le Sefate sa sehlooho. E ne le sa Molimo se phethahetseng... Sefate Moporofeta oa makoma. Hobaneng? E ne e le Lentsoe. Joale, ba bang e ne e le baporofeta ba banyenyane. “Lentsoe le tħile ho baporofeta.” Empa Eèna e ne e le Lentsoe, ka Boeèna, ka sebopēho sa Moporofeta. Amen.

<sup>419</sup> Joale re ntse re khatha tema. Joale le mamelise ka hloko. ’Me joale le se fose taba ena joale. E ne e le monate hona, eaba ke e ngola e ngola fatše mona feela. Uh-hum. Amen.

<sup>420</sup> [Ho utluoa lenaka la koloi—Mong.] Motho o hlaba litlase, o butšoela lenaka la hae, ka ntle mono. Uh-huh, feela, oh, kea kholoa u inyakaletse ka ntle mono. Le rōna, re joalo ka mona. Ho lokile.

<sup>421</sup> Joale, E ne e le Sefate sa Molimo sa Moporofeta. Hobaneng? O rerile Lentsoe lohle la Molimo le phethahetseng, hoba E ne e le Lentsoe la Molimo le bonahetseng. E ne e le Sefate sa Moporofeta se phethahetseng se rerileng Lentsoe la Moporofeta le phethahetseng, se hlahisitseng tholoana e phethahetseng ea Moporofeta ka Lentsoe la Molimo le phethahetseng. Oh, moena, le bua ka Sefate! Sefate, E ne e le Sefate sa Bophelo seo Lengeloi le se thibetsng Adama le Eva, ka Likerumibe tse lisitseng, ho ba thibela Sefate seo. Joale eona Likerubime eo e leka ho ba khanna ho kena ho Sona, ka hobane ba etselitsoe tsela. Ua bona? Joale li a phetla; oh, bana ba batho. Hmm!

Joale, ho rera Lentsoe lohle, ha A ka a fokotsa *mona le mane*.

<sup>422</sup> Mohla Satane a ne a Mo atamela, moithutihali eo oa thutabomolimo, le ho re, “Ho ngoliloe...”

Jesu o itse, “E, ’me ho boetse ho ngoliloe...” Uh-huh.

“Empa ho ngoliloe...”

’Me A re, “’Me ho boetse ho ngoliloe...”

<sup>423</sup> Sefate se phethahetseng sa Moporofeta se rerang Lentsoe pethahetseng la Moporofeta, ka lipontšo tse phethahetseng tsa Moporofeta, liphetho tse phethahetseng tsa Moporofeta, litholoana tse phethahetseng tsa Moea.

<sup>424</sup> 'Me bakeng sa sesomo... Ke tli'lo—ke tlil'o haola mona ka potlako joale. Hobane, bakeng sa sesomo, ba Mo fèha holim'a... E ne e le Lentsoe, u a tseba. Ba ile ba Mo fèha, Sefate sa Lentsoe; Sefate sa Lentsoe, ba Mo fèha sefateng se entsoeng ke motho sa Roma. Hum! Moena, ke tšepa seo se hlabile bohlabetsana. Èèna, e leng Sefate sa Molimo sa semoea se phethahetseng, ba ile ba Mo fèha sefateng sa Roma se entsoeng ke motho. Amen.

<sup>425</sup> Le joale ho a tšoana. Ba ntse ba leka ho nka Sefate sa Molimo se phethahetseng, Lentsoe, ba Le tsoaka, 'me ba Le fèha holimo koana holim'a tumelona ea mofuta. Lefu le Bophelo ha li tsoakane. Jesu ha a eso etele tšebeletso ea lepato; O ne a tsosa bafu. Hobane'ng? Lefu le Bophelo li ke ke tsa aha 'moho. Li a thulana, e 'ngoe ho e 'ngoe. O ne a sa rere mapato. O ne a mpa a ba tsosa. Amen. E. Hobane'ng? Bophelo; le lefu.

<sup>426</sup> Joale shebang. Ba ile ba Mo fèha holim'a sefat. Na ho joalo? [Phutheho e re, "Amen."—Mong.] "Ho rohakoe ea fèhiloeng sefateng." Na ho joalo? ["Amen."] Bibele e boletse, "Ho rohakoe ea fèhiloeng sefateng se entsoeng ke motho."

<sup>427</sup> Ka hona haeba, kajeno, u sa ntse u leka ho fèha holim'a sefat sa mofuta se entsoeng ke motho, ako itšoasolle ho sona. 'Me le uena u se se lumelle ho u fèha mono, hape. Hobane, seo ke sebaka sa bafu, Luther e itseng e entsoeng ke motho, Baptise, Presbeteriene, mokhatlo oa Pentekosta, ke hantle, sefat se itseng se entsoeng ke motho. U se ke oa fèhoa mono. U se se lumelle ho u fèha mono, le hona. Ba ka u fèha mono ha ba ka khona, ho fihlela Bophelo bohle bo tsoile ho uena, ho fihlela o ela thuto ea bona hloko. Ke hantle.

<sup>428</sup> Empa ke hona moo ba fèhileng Sefate se phethehileng sena. Sefate se phethehileng sa tholoana ea Molimo sa fèhoa holim'a sefat sa Roma se entsoeng ke motho. Ke eona. E ne e le thohako ho fèhoa sefateng sefe se entsoeng ke motho. Ke eng? Ho Mo falatsa mahlong a bona, ka mora hoba A behe litholoana tsohle.

<sup>429</sup> Hoba Maria Magdalena, ha nalane e bolela, a mathe ka pel'a bona a re, "O etse'ng? O entse bokhopo bofe?" A emisa mokoloko, ho re, "O entse'ng se khopo? Na ha A etsa letho haese ho rerela bafumanehi Evangel? Na ha A etsa letho haese ho folisa bakuli, ho tsosa bafu? 'Me tsona lipontšo tsa Molimo o phelang li ka ho Èèna. Le ka Mo ahlola joang?"

<sup>430</sup> 'Me ba mo phobola molomo, ha thoe, "Na le tla mamela mosali ea nyehlileng eo sebakeng sa moprista oa lona," ke lona bao, "bishopo oa lona?" Uh-huh. Ke lona bao. Ho a tšoana kajeno. Ke hantle. Uh-huh. E.

<sup>431</sup> Joale, hoba A etse hona hohle, le ho Ipaka, seo A neng a le sona, le ho ba behela eona le ho re, "Haeba Ke se Eèna, ebe lona le bo mang? Uh-hum, uh-hum. Ha le ka Nkahlola ka sebe, haeba Ke fositse nq'a e 'ngoe Lentsoeng, le Mpontše. Joale e reng 'Na ke le bontše moo le fositseng teng." Ua bona? *Sebe* ke "ho se lumele." Re tseba seo.

<sup>432</sup> Joale, ho Mo tlosa pel'a mahlo a bona! Ba ne ba Mo hloile habohloko, kaha A khekhetilemekhatlo ea bona. Ho Mo tlosa pel'a mahlo a bona, ba Mo epela. 'Me ba phikolosa pitlahali ea lejoehali la mokhatlo holim'a monyako, ho ikholisa ruri A sa boele a tsoha. Ua bona? Oh, khili!

<sup>433</sup> Nahanang ka Sefate se phethehileng seo! Davida o kile a hetla a Se bona. O itse, "Se eme pel'a linoka tsa Metsi. Se bea mahlaku a Hae ka khoeli e nèpileng. 'Me tholoana ea Hae, e ke ke ea foforeha. Eona, e ke ke ea omella. Seo A se etsang se a atleha." E ne le Mora oa katleho.

<sup>434</sup> Josefa e ne e le papiso ea Hae. E ne e le Papiso-maleba ea Josefa. Hohle moo Josefa a ileng, ho no ho atleha.

<sup>435</sup> Le Jesu o joalo, Lentsoe la Hae. "Lentsoe la Ka le tla atleha, 'me ha Le ka ke la khutlela ho 'Na le le feela. Le tla phethisa seo Ke Le reretseng sona." Ua bona? E ne e le Lentsoe. Lentsoe le ne le romeloe lefatšeng, ke Molimo, 'me Le tla phethisa ka nèpo seo Molimo o Le romeletseng lona.

<sup>436</sup> Joale, mamelang ka hloko. Sena se ntse se èna, se tsetsoe lebebe ka holimo. Joale elelloang.

<sup>437</sup> Ke enoa A fihla, joale, 'me ba...ka baka la eona mesebetsi ea Molimo, mohla A ne a eme 'me a ba botsa. O itse, "Ha Ke sa etse mesebetsi eo Molimo a boletseng Ke tlameha ho e etsa, Ke tla be ke se Eèna; le se ke la lumela ho 'Na. Empa ekare ha Ke e etsa, le mpe le lumele mesebetsi. Ha le sa lumele ho 'Na, ke le Monna ea etsang sena, le mpe le lumele mesebetsi eo Ke e etsang. Ke eona e pakang ka 'Na. E hholiea ho feta lentsoe la Ka le ka buang." Ke hantle.

Ntho eo e ka sebetsa nakong efe le efe. E, monghali. Ruri e tla khona.

<sup>438</sup> Joale elelloang. "Ha Ke sa etse mesebetsi ea Ntate oa Ka, le se leke... se lumeleng ho 'Na, se lumeleng ho 'Na. Ka hona, ha Ke etsa mesebetsi, le lumele ho 'Na."

<sup>439</sup> Eaba ba etsa'ng? Ba tšoara Sefate se thekothata seo, ba Se rema, ba Se fèha sefateng se entsoeng ke motho. Ke hantle, ho kgethula Bophelo ho Sona, le ho se fèha sefateng se entsoeng ke motho, bakeng sa sesomo.

<sup>440</sup> Eaba, ha ba e rate. Mono ho eme batho ba bangata, ba Se llela, ka hona ba Mo theola. Ba re, "Re tla tinketsa bolumeli ba rôna hoo bathethehi-bahalaleli bao ba sa tlo kena ka

mona.” Ka hona ba Mo khohletsa motšeо sekoting sa Josefa oa Arimathea, ’me ba phikolosetsa pitlahali ea lejoe. Le qosa banna ba lekholo ho le phikolosetsa holimo mono.

<sup>441</sup> Na le kile la bona—bona, bosiu bo bong, setšoanšong, tsela e kholo eo ba phikolosang lejoe ka eona? Le boima ba litone.

<sup>442</sup> Ho phikolosetsa pitlahali ea mokhatlo oa bona holimo mono, A tle a sitoe ho tsoha. Empa na hoo ho Mo sitisitse? Che.

<sup>443</sup> “Empa Ke tla khutlisetsa, ho bolela Morena.” Ha re khatheng tema eo joale, ho e otlèlla. “Ke tla khutlisetsa, ho bolela Morena. Ke tla Mo khutlisetsa ka matsatsi a mararō. Ke tla boela Ke Mo tsosa.” Ba sitiloe ho Mo pata ka har’ā lefika leo. Ba sitiloe ho ba thiba hore ba Se ’mone. Ba sitiloe ho Mo suthisa letsohong la bona. “Ke tla Mo khutlisetsa, ho bolela Morena.” ‘Me A tsoha matsatsing a mararō, ho khutlisetsoa.

<sup>444</sup> Ka mora Paseka, tsoho ea Hae, O boletse, “E-eang ka lefatše lohle, ’me ’na Ke tla ba le lona. Joaleka Ntate ea phelang ha a Nthomile, ’me O ka ho ’Na, le ’na Ke le roma joalo ’me ke tla ba ka ho lona. Ke na le lona, ho isa bofèlong ba lefatše. Mesebetsi, seo Ke se entseng, ho paka hore Ke ne ke le teng, le lona le tla etsa lintho tse tšoanang ho paka hore le teng.” Ke rata hoo.

<sup>445</sup> “Mehlolo ena e tla tsamaea le balumeli,” e seng baipèhi-balumeli, empa balumeli. Ua bona? “Lintho tsena tseo Ke li etsang, le tla li etsa u tle u inetefatse hore u molumeli. Eona mesebetsi eo Ke e entseng, kahobane Ntate ea phelang a ahile ka ho ’Na. Ha se ’Na ea etsang mosebetsi; ke Ntate oa Ka. ’Me ha se lona le tlang ho etsa mesebetsi; e tla be e le ’Na ka ho lona, ea etsang mesebetsi.” Ua bona? “Joale, e-eang ka lefatše lohle.”

<sup>446</sup> Ka puo e ’ngoe, “Ho ’Na, le tla bopa se bitsoang Monyaluoа.” Ua bona? Ke hantle. “Ke tla ba le lona. ’Me ’Na... Le tla fetoha karolo ea Ka. Le tla fetoha Monyaluoа oa Ka. Bophelo ba Ka bo tla aha ’Meleng oa lona. Joaloka monna le mosali haele motho a le mong, lona le ’Na re Bang. Ka letsatsi leo le tla tseba hobane Ke ka ho Ntate, Ntate o ka ho ’Na, le ’Na ka ho lona, le lona ka ho ’Na.” Hmm! Ke mpa ke rata hoo feela. Satane o e halefela haholo. Na le bona Bonngoe ba Molimo? Sohle seo Molimo o nong o le sona, O se khōkhōthetse ka ho Kreste; ’me sohle seo Kreste a ne a le sona, O se khōkhōthetse ka har’ā Kereke. Ke lona bao. Bohle ba fetoha Bonngoe.

<sup>447</sup> Joale shebang. Joale, Monyaluoа ke Sefate se le seng sa Bophelo. Ka mantsoe a mang, joaloka monna le mosali ha ba le bang, Kreste le Monyaluoа Hae ba Bang; ntho e le ’ngoe, Moea o le mong, mesebetsi e le meng, lipontšo li le ling, ntho e ’ngoe le e ’ngoe esele. “Hobane mesebetsi eo Ke e etsang le lona le tla e etsa.” Ho fihlela kae? “Ka lefatše lohle.” Ha kae? “Ho sebopua se seng le se seng.” Ho joalo na? [Phutheho e re, “Amen.”—Mong.]

Oh, mamelang ka hloko joale, ke tlil'o khabola ka maknamo.

<sup>448</sup> Seongoane sa Roma se qalile sa ja Sefate seo sa Monyaluoia sa Se theolela koana metsong. Sona sefate seo sa Roma se... Sefate se khethutseng Kreste ke sa mofuta mong? [Phutheho e re, "Sa Roma."—Mong.] Sefate se khethutseng Monyaluoia oa Kreste ke sa mofuta mong? ["Sa Roma."] Joang? Ka ho fapanyetsa ntho e 'ngoe litulong tsa Lentsoe. Ka baka leo, u a bona, kereke ea Protestanta e sa nkeng Lentsoe la Molimo ke moralia oa kereke ea Roma. Molimo le ho leka, nakong efe, ha o eso hlophise kereke. Kereke ea Roma e Katolike e ne e le mokhatlo oa pele. 'Me tse ling tsohle ke barali, ba eona, ba hlophisang.

<sup>449</sup> Ba shoa le eëna 'moho. Bibebe e boletse, ea re, "O tla chesa bana ba hae ka mollo." Ba tsebang hoo ba ba kae? [Phutheho e re, "Amen."—Mong.] Bibebe e itsalo. Be, Bibebe e boletse koro le mahola li tla hola 'moho ho fihlela letsatsi la qetelo, ebe O tlama mahola (ho joalo?), pele, a a chese. ["Amen."] Haele koro e tla isoa molikong. Ho joalo na? ["Amen."] Mahola a ntse a itlama 'moho mokhatlong, Setlamong sa Likereke, bakeng sa mollo oa athomiki. Hantle haholo. Empa Kereke e itokisetsa ho ea molikong, ke taba e tiileng, ho kena Hloibilong, hoba mosali ea sa tlangoang e ke ea ba mojalefa le mosali ea tlamiloeng. Ooh, Moena Anthony!

Oh, re shebeletse Mileniamo o motle oa thabo,  
Mohla Morena rōna ea bokoang a nkang  
Monyaluoia oa Hae;  
Oh! Moea me o tletse hloibilo, ke sa sebetsa  
ho rapela,  
Hoba Morena rōna o tla khutlela lefatšeng.

<sup>450</sup> Alleluia! E, monghali. Oh, O tla chesa mahola. 'Me koro eona, O tla e isa molikong.

<sup>451</sup> Seongoane sa Roma sa qala sa ejá Sefate seo, matsatsing a Pauluse. O itse, "Ke khotsae ruri," Lengolo mona, "hore, ka mora ho falla ha ka, ho tla hlaha har'a lona banna, baena, ba apereng matlo a nku, athe ka hare ke phiri, 'me ba tla ikhulela bongata. Hobane moea oa antikreste, eo le utloileng hobane o tla fiila holim'a lefatše, o se o kene lefatšeng hona joale, o sebetsa ho bana ba" (eng?) "ho se lumele." Ho se lumele (eng?) Lentsoe. Ke lona bao. Mokhatlo o a qala.

<sup>452</sup> Le bona seo ke se bolelang, metsoalle? [Phutheho e re, "Amen."—Mong.] Bohle ba bonang seo, e reng, "Amen." ["Amen."]

<sup>453</sup> Sa qala sa ja! Sa etsa'ng? Seongoane seo sa khale se qalile, lerutle leo la khale. Sona seo... Joele a se boneng.

Mamelang joale. Re atamela ho koala.

<sup>454</sup> Joele o se bone. 'Me a re, "Se siiloeng ke bookholane, se jeloet tsie; se jeloeng ke tsie, se jeloet ke lerutlè; se siiloeng ke lerutlè, khele, seongoane se se jele." Ke seo a se buileng. 'Me ke eona hantle. Seo ke Sefate sa Molimo. Sefate, la Se rema, lerutlè leo. Ke hantle.

<sup>455</sup> Seongoane sa Roma sa qala sa ja Sefate seo sa Monyaluo sa Se theolela metsong. Ho Se rema tsela eohle morao, ntho eohle! Ho khethula Sefate hantle, se entse Kreste Jesu joalo, Monyali. Ho rema Monyaluo, mme sa qala ka litumelona le malumeli. Seseli se le seng! Empa eng? Oh, thoriso! Empa Peō e neng e reroe pele e ne e larile metsong ea Sona, Peō ea Borena ea Abrahama. E ke ke ea shoa. Lentsoe le ne le ahile metsong le tsepiso, "Ke tla khutlisetsa, ho bolela Morena." Eng? "Lilemo tsohle tse jeloeng ke lerutlè, sohle se jeloeng ke tsie, sohle se jeloeng ke liseli tse ling tsohle, Ke tla Se khutlisetsa, ho bolela Morena."

<sup>456</sup> Joale bapisang sena le Sontaha se fetileng, le Sontaha sa maoba, Melaetsa ena joale. Mamelang ka hloko joale, le atamela ho koala. Shebang.

<sup>457</sup> "Ke tla khutlisetsa, ho bolela Morena, sohle se jeloeng ke liseli tseo. Ke tla khutlisetsa sekotoana ka seng sa Sona."

<sup>458</sup> Joale lulang le khutsitse ha le khona, metsotso e 'maloa, le mamele ka hloko. Itokiseng. Le be le rapele ka pelō ea lona eohle, ho Molimo ho le senolela Eona.

<sup>459</sup> Ka hona, tsepiso ea Molimo ea qala ea khutlisetsa, hobane Molimo O itse o tla Se khutlisetsa. Kamoo A tsositseng Sefate seo sa Monyaluo... Sefate sa Monyali, O tla tsosa Sefate sa Monyaluo, hoba se Seng se tla hlaha koo, ka ho tiea. Joale ke eng? Ke hantle. Eaba ho qala tsepiso ea Molimo, "Ke tla khutlisetsa, ho bolela Morena, sohle se jeloeng ke tsie, lerutlè."

Joaleka lekhetlo la pele, mohla A ne a aha Kereke eo ea pele.

<sup>460</sup> Ke til'o kena Lithutong tse itseng joale. Ha u sa batle ho E lumela, ho lokile. Empa feela u... U mpe u E hlahlobe, pele. Ua bona? Lemoha.

Sefate seo O se lemile joang, tabeng ea pele? Oh, khili!

<sup>461</sup> Sena sea nthabisa. Kea tseba ha ke utloahale joaleka moreri, ke sa eme mona tjena, empa ke—ke—ke—ke rata seo ke buang ka sona. Le bona, seo ke se bolelang?

<sup>462</sup> 'Me joale le lemohe. Joaloka lekhetlo la pele, mohla A na a qala Kereke eo seongoane sa Roma se e jeleng, le lerutlè, le joalo, O qalile ka tokafatso ka tumelo. Johanne Mokolobetsi.

<sup>463</sup> Ho Mohalaleli Johanne, oa 13, kapa, khaolo ea 17, temana ea 17, Jesu o boletse, "U ba halaletse, Ntate, ka 'Nte: Lentsoe la Hao ke 'Nte." Mosebetsi oa bobeli e ne e khalaletso, ho Kereke. Ka mora tokafatso e ne e le khalaletso.

<sup>464</sup> 'Me hoba ba hahaletsoe, O ba kopile ho ema motseng oa Jerusalema, Luka 24:49, ba tle ba be ba tlatsoe ka matla a tsoang Holimo. 'Me mono A tsoala Sefate, Moea o Halalelang, Pentekosta; tokafatso, khalaletso, kolobetso ea Moea o Halalelang.

<sup>465</sup> 'Me eaba Kreste o a tla o aha ka ho Eona, ho hlahisa litholoana. Amen. Na ho joalo? [Phutheho e re, "Amen."—Mong.]

Johanne o rerile tokafatso.

<sup>466</sup> Joale shebang. Ka har'a...Hoo ho hlahisa tsoalo. Ha mosali a tsoala lesea (Mamelang sena.), ntho ea pele e hlahelang mosali ke efe, ho pshatleha'ng pele? Ke, pele, ke metsi. "Bakang, le kolobeletsoe ka Lebitso la Jesu Kreste," tokafatso. Ntho ea bobeli e hlahelang mosali ke efe? Mali. Ho joalo? [Phutheho e re, "Amen."—Mong.] Mali; khalaletso. Ebe ho latèla'ng? Bophelo. Metsi, mali, moea.

<sup>467</sup> Mohalaleli Johanne, kapa Johanne oa Pele 5:7, 7:5, ke rialo, kea kholoa ke eona. Ho itsoe:

...ho le ba bararō bao e leng lipaki leholimong,  
Ntate, Lentsoe (e leng Mora), le Moea o  
Halalelang:...tsē tharo tsena ke ntho e le 'ngoe.

*Hobane ho le ba bararō bao e leng paki lefatšeng,*  
metsi, mali, le Moea; 'me hase ntho e le 'ngoe, empa li  
*paka ntho e le 'ngoe.*

<sup>468</sup> U ke ke oa fumana Ntate u sa fumana Mora; u ke ke oa fumana Mora u sa fumana Moea o Halalelang. Empa u ka lokafatsoa u sa ka oa halaletsoa; u ka halaletsoa u sa fumana Moea o Halalelang.

<sup>469</sup> U reng ka taba eo, uena moena oa Nazarene? Ba kile ba halaletsoa ke Jesu Kreste, selemo le likhoeli tse tšeletseng le pele Moea o Halalelang o ka fihla. Ho joalo na? Ba ne ba halalelitsoe ke Jesu Kreste.

<sup>470</sup> Joale, kamoo A hlahisitseng Sefate sa Monyaluoa oa pele se jeloeng ke tsie le ke bookholane, O boela a khutlisetsa Sefate sa bobeli, ho Se nyolla ho tsoa metsong e neng e reroe pele e ke keng ea shoa. Baeme pel'a linoka. Se phela ka har'a metsi ana. Ha Sea khona ho iponahatsa, empa Se teng mono, leha ho le joalo.

<sup>471</sup> Joale e a qala, lemohang, eona kokoanyana eo; O khutlisetsa eona ntho eo ka ho tšoana.

<sup>472</sup> Khetlo la pele, ha Sefate seo se ne se bitoha ho Bokatoliki la ho qala, e ne e le Martin Luther, ea rerileng tokafatso. Lengeloi la bobeli e ne e le John Wesley, ea rerileng khalaletso. Luther o rerile tokafatso, "Ba lokileng ba tla phela ka tumelo." Wesley o rerile khalaletso, mosebetsi oa bobeli o tiileng oa mohau. Eaba ho latèla Moea o Halalelang. Kamoo

A ahileng Sefate a nyoloha, khetlo la pele, ke enoa O boela a khutlisetsa, ka ho tšoana, lekhetlo la bobeli. [Phutheho e re, “Amen.”—Mong.] Le bona seo?

<sup>473</sup> Lemohang. Eona kokoanyana eo, molotsana eo, eona kokoanyana e qalileng e bolaea Sefate tšimolohong, e boetse ea qala ka mahlaku ao a Luthere, empa (eng?) e ke ke ea Se bolaea. E ke ke ea Se bolaea, hobane Molimo o se o boletse, “Ke tla khutlisetsa.” Kokoanyana eo e qalile ka Luther, ho bolaea mahlaku oohle a Luther. Ea tšethemela koana ho Wesley, ea bolaea mahlaku oohle a Wesley. Empa karolo ea sehloho ea Sefate ea ’na ea tsoelapele.

<sup>474</sup> Joale lemohang. Meh leng ea khale, mohla Sefate se ne se bolaoa, Se ile sa bolaoa, ho ea fihla metsong koana mohla e ne e Se bolaoa morao koo. Empa lekhetlong lena, erekaha Lentsoe le reriloepele, ha ho letho le tla Se thiba. Molimo o itse, “Ke tla khutlisetsa. Ho sa tsottelehe na ba hlophisa ha kae, ba etsa *sena, sane*, kapa se *seng* ha kae, Ke tla Se khutlisetsa.” Ke phetho. Litševo tsohle, litšomo tsohle, ho soma hohle, ho bitsoa “bathethehi–bahalaleli, bosoana,” sohle seo le se batlang. Molimo o sa ntse o boletse, “Ke tla khutlisetsa, ho bolela Morena.” Ruri joaloka ha A tsositse Jesu lebitleng, matsatsi a mararō a eso ho fete, makhathe a mararō a eso ho fete, kapa mekhahlelo e merarō, O tla boela a tsoetsa Kereke botlalong ba Eona le matleng. “Ke tla khutlisetsa, ho bolela Morena.”

<sup>475</sup> Ha etsahala’ng? Seongoane seo sa khale sa qala sa ja ’me sa etsa seo se se entseng, empa (eaba se etsa’ng?) se mpile sa fumana mahlaku a Luther feela. Sa sitoa ho fumana Moea motšeо koo, o nong o ahile ho Luther, hoba O kile oa tsoelapele oa phela. Eaba, ho latèla Wesley. ’Me hoba Wesley a shoe, moporofeta e moholo eo, hoba Wesley a shoe (ba etsa’ng?), ba hlophisa, ’me mahlaku oohle a shoa, empa (eaba O etsa’ng?) Kereke ea tsoelapele ea phela, ho kena koana ho Pentekosta. Eitseha ha ba hlophisa (ha etsahala’ng?), mahlaku a shoa, empa (eng?) Kereke e tsoelapele hantle.

<sup>476</sup> Eng? Se entsoeng ke Pentekosta, oona maqheka a sekhaleng, eona tumeloana ea bolumeli E se futuhetseng la ho qala, ho senya Sefate ho—ho Sefate sa Monyaluoa, lekhatheng la pele, ke oona maqheka ao Diabolosi a sebelisitseng holim’ a Sefate sa bobeli, empa (eng?) Molimo o no o Se rere pele. Se tlamehile ho tsoelapele, ho sa tsottelehe. Haeba sohle se fèla se... Holane ha se be joalo, mohla Luther a ne a hlophisa, ho ka be ho no ho fele mono; se ka be se boetse morao joaloka ka se seng; ekabe ebile kereke ea bobeli ea Katolike, kereke ea Roma e Katolike. Ua bona?

<sup>477</sup> Empa, Molimo o no o ikemiselitse hoo. O se a buile Lentsoe la Hae. Molao oa Hae o tla Le hlokomela ho phethisoa. Ho sa Se teiloe ha kae lirame tse tlileng morao ho nako, Se tla

phela, le hona. Re ka otloa ke boso bo batang le liphapang tsa bolumeli, le ntho eohle, empa ruri Sefate seo se tla phela joaloka ha Molimo o phelang o le teng ho Se phelisa. E, monghali. O boletse, "Ke tla khutlisetsa."

<sup>478</sup> Kea tseba re fumana sehla sa selemo se siiloeng ke nako, sehla sa Paseka e siiloeng ke nako. "Morena o liehisitse ho Khutla ha Hae," ba rialo, le ntho eohle ka tsela eo. 'Me meeaa e batang e bolaile mahlaku ao a mangata a bolumeli, empa o ke ke oa bolaea Bophelo boo bo nong bo reroe pele.

<sup>479</sup> "Maholimo le lefatše li tla feta, empa Lentsoe la Ka le ke ke." "Bao O ba tsebileng pele, O bile o ba bitsitse: bao O ba bitsitseng, O ba behile ba lokileng: bao O ba behileng ba lokileng, O bile o ba tlottisitse." Alleluia! E ngoliloe Bukeng, Bukeng ea Bophelo ea Konyana, 'me ba ke ke ba shoa.

<sup>480</sup> Likokoanyana tsohle tsa—tsohle tseo lihele li ka li Mo sasaletsang ka tsona li ke ke tsa Mo thiba. Ha ho bokomonisi, Bokatolike, ha ho letho le tla Se thiba. "Ke tla khutlisetsa, ho bolela Morena." Lifate tsohle tsa Roma tse betliloeng ke motho li ke ke tsa leketla mono. Mabitla oohle a ke ke a Se boloka mono. Lipitla tsa majoe a bolumeli tse ribehiloeng monyako li ke ke tsa Se koalla ka mono. "Ke tla khutlisetsa, ho bolela Morena. Paseka e sa tla thoasa. Ke tla boela ke hlahisa Kereke ka matla a Eona a tšoanang. Ke tla busetsa Monyaluoaa ea tšoanang le Oa morao koana, ka lipontšo tse tšoanang, tholoana e tšoanang, seo ba se entseng. Ke tla boela ke Mo busetsa. Ke tla khutlisetsa, ho bolela Morena," (eng?) "ho khutlisetsa sohle se jeloeng ke malumeli, ho khutlisetsa sohle se jeloeng ke mokhatlo. Ke tla khutlisetsa, ho bolela Morena, hoo hohle."

<sup>481</sup> Joale, u re, "Ho thoeng ka lintho tseo tsohle tse khelohetseng, koana bolumeling?"

<sup>482</sup> Molimo o molemo ke Mong'a tšimo. O ile a hlaolela Sefate, eaba ke phetho, ho poma makala oohle a shoeleng. Ebe O tla etsa'ng? Ho a chesa, holimo mono. Ka nepahalo. Molimo ke Mong'a tšimo oa—e Sefate sena. O a Se hlokomela. O baballa Letlotlo la Oona. O...Lefa la Oona ke lefe? Lentsoe la Oona ka Sebele. O hlokomela Lentsoe la Oona, ho Le thasisetsa; ho Le hlokomela; ho sheba moo A ka fumanang teng. O sa tla khutlisetsa. Ka baka leo mohla likereke tsena li qalang li hlophisa, le lintho tse kang tseo, O a li hlaola, 'me Kereke eona e tsoelapele.

<sup>483</sup> Mohla e—mohla Lutherane a ne a re, "Re tlil'o iketsa mokhatlo. Re tla lekana le Katolike ka boholo." Ho lokile. Eaba O hlaola lekala feela. 'Me Wesley a E nka a tsoelapele, ho hlahisa moporofeta e mong. Eaba, hang hoba Wesley a e etse... Be, Wesley a shoa, moporofeta e moholo. Ba entse'ng? Ho e hlophisa. Ha ntoo tla Pentekosta. Hang hoba e shoe, O ile a hlaola hoo. E boela e tsoha hantle hape. Ua bona? O tlil'o khutlisetsa.

<sup>484</sup> Litholoana li hlaha kae? Ha e qale tlase mono maotong. E qala holimo. Letsatsi le chabela Sefate seo kae pele? Ah, thoriso! Nakong ea Leseli la mantsiboea, hlorong ea Sefate. Amen. E seng tlase makaleng fatše, empa tholoana e butsoa holimo mane hlorong ea Sefate.

Amen.

Lea Mo rata? Amen!

O tla Mo sebeletsa? Amen!

Le tla Mo lumela? Amen!

Ke hlile kea Mo lumela, ka pelō ea ka eohle.

<sup>485</sup> Joale, ke eng? O tli'lo hlaola merara e shoeleng eo ha e ntse e nyoloha, merara eo eohle ea mokhatlo, ho fihlela Se fihla hantle hlorong ea Sefate. Ke hona moo A tla fumana tholoana ea Hae. Joale lemohang. Molimo o a se hlaola. Ho lokile. Ba shoele, 'me ba ke ke ba kena ka—ka pel'a Sefahleho sa Molimo, ba ke ke ba tsoa tsohong ea pele. Empa ba be le... Tholoana ea Morara oa mantlha mokha... Morara oa Molimo. Ba tla kena sehlopheng sa mokhatlo, empa ba ke ke ba nyoloha le tholoana ea Morara.

<sup>486</sup> Joale shebang. Molimo ha o eso hlahise mokhatlo. Kereke ke eona e hlomathisang, mokhatlo, 'me Molimo o a o hlaola, o khaola mophula oa oona oa bophelo. Se beha tholoana ea mokhatlo.

<sup>487</sup> Empa ekare ha Morara oo o hlahisa lekala le tsoang ho Morara oo, O tla beha se behiloeng ke Oo. Ka baka leo, u a bona, oa pele o entse hoo. 'Me eaba Roma e romela dibitlele tsa eona mono tsa Se ja tsa se qeta, empa Molimo o til'o holisa se Seng holimo hoo e sa tl'o Se ama. Se tla nyoloha. Amen. Ke... Ha re eeng. Sefate se tloha tulong e 'ngoe ho ea ho e 'ngoe, ho tloha lekhatheng le leng ho ea ho le leng. Ho tloha ho Luther, Sa fetela ho Wesley; ho tloha ho Wesley, ho ea ho Pentekosta; ho tloha ho Pentekosta; ho tloha ho Pentekosta, Se ea Lentsoeng.

<sup>488</sup> Paseka e boetse e chabetse balumeli ba makhonthe ba Lentsoe la Hae le sa hlolleheng le ka mohla. Ke Paseka. Ke tsoho. Molimo o ipabaletse batho hohle. Ho bona ke Paseka. Hobaneng? Ba tsohile, amen, ho tsoha litumeloaneng tseo le bolumeli. Ho tsoa hantle ho feta har'a tsona. Paseka e boetse e fihlile. Peo ea Borena esale e patiloe metsong, Lentsoe, ho patoa motšeо mona Lentsoeng lena, ka lilemo, le lilemo, le lilemo, 'me joale le sa tsoa qala le senoloa. Ke nako ea Paseka. Ho reroa ho tloha motheong oa lefatše, Kereke ena e qala e ema. Lemohang kamoo Molimo o nong o rere pele, tšimolohong. Ke na le...

Be, ke tlil'o e bua, leha ho le joalo. Ho lokile.

<sup>489</sup> Lemohang mona, hoo, ho khutlisetsa Sefate sa pele se phethahetseng matsatsing a mararō ka mora lefu la Sona. Ka

mora lefu la Sefate sa pele, O ile a Se khutlisetsa matsatsing a mararō. Na ho joalo? [Phutheho e re, "Amen."—Mong.] Ho se khutlisetsa! Joale Sefate Monyaluoa le sona se tli'o khutlisetsoa ka mengoaha e merarō, ka mekhahlelo e merarō, ke rialo. Mekhahlelo e merarō, Se tla khutlisetsoa. Joale shebang. Eng? Tokafatso, khalaletso, kolobetso ea Moea o Halalelang; 'ngoe, peli, tharō.

<sup>490</sup> Joale lemohang. Ka morao ho matsatsi a mararō, Sefate sa pele se khutlisetsoa joaloka tšimolohong, ho teeloa hare ke lipontšo tsona tseo, mehlolo eona eo. Jesu o a khutla, Jesu eèna eo, a etsa ntho eona eo. Bofelong ba letsatsi la borarō, lipontšo li a hlahla, e seng bofelong ba letsatsi la pele. Oh, moena! Ke a tšepa lea e fumana. Letsatsing la borarō ke mohla ponahatso ea Kreste ea makoma e ne e tsebahatsoa, ho *feleng* ha letsatsi la borarō. Ua bona? Lemohang. Lea e tšoara? [Phutheho e re, "Amen."—Mong.]

<sup>491</sup> E seng letsatsing la pele, sebopeho se shoeleng; letsatsing la bobeli, ha utluoa polelo, ua bona, kapa, letsatsing la bobeli, se sa ntse se shoele; Luther, Wesley. Qalong ea letsatsi la borarō, ha utluoa polelo hohle. Ho lokile. Ha ho letho letsatsing la pele, Luther; ha ho letho letsatsing la bobeli. 'Me letsatsing la borarō, lekhatheng la Moea o Halalelang, ha utluoa polelo hohle, ho re, "E ne e le eèna maobane, kajeno, le ka ho sa feleng."

<sup>492</sup> Empa ho *feleng* ha letsatsi la borarō, ke hona moo A Itsebisitseng, ho kena har'a bona hantle, ho kena har'a batho ba Hae le ho re, "Ntalimeng. Esale 'Na eo."

<sup>493</sup> Libopeho tse shoeleng li tsoeletse ho fihla Pentekosta, eaba ho qala ho utluoa polelo hohle, e reng, "O ne a le teng."

<sup>494</sup> Joale, mona letsatsing la ho qetela, ke enoa O na le rōna hantle, ho tsamaea har'a rōna hantle. Ho *feleng* ha letsatsi la borarō, O ipontšitse ho ba bontša bohle pontsō ea tsoho ea Hae, hore O ne a phela, eèna maobane, kajeno, le ka ho sa feleng, litholoana tse phelang tsa Sefahleho sa Hae. Litholoana tse phelang tsa Sefahleho sa Hae! Le ntse le e tšoara? [Phutheho e re, "Amen."—Mong.] Ho bonahatsoa hantle qetellong ea letsatsi, mohla A ipontšang bona bohle, Kereke ea Hae. Amen. Hobane'ng? Bohle ba ne ba le 'moho, oh, amen, qetellong ea letsatsi la borarō.

<sup>495</sup> "Maseli a mantsiboea," Bibele e boletse, "a tla chaba matsatsing a qetelo." Leseli la mantsiboea ke lona Leseli le ka Bophirimela, e ne e le lona Leseli le neng le le Bochabela. 'Me lona Leseli le chabileng Bochabela, le hlahisitseng Kereke ea pele eo Maroma a e remmeng ka borapeli ba bona—bona ba bohetene le ka lintho tse joalo, ke Leseli le tšoanang nakong ea Leseli la mantsiboea. Joale lemohang, Leseli le tšoanang!

<sup>496</sup> 'Me Leseli la mantsiboea le chabela'ng? Morero oa Leseli la mantsiboea ke ofe? Ho khutlisetsa. Whiu! Le a e

tšoara? [Phutheho e re, “Amen.”—Mong.] Morero oa Leseli la mantsiboea ke morero o kang oa Leseli la hoseng, ho khutlisetsa se rathiloeng ke Mengoaha e Lefifi, ka Roma. Molimo o tlil'o khutlisetsa, ka ho chabisa Leseli la mantsiboea (eng?), ho khutlisetsa Lentsoe la Molimo le tletseng hape, ponahatso e tletseng ea Kreste ka har'a Kereke ea Hae. Sohle seo A se entseng, hantle kamoo A sebelitseng, e tla iphetha nakong ea Leseli la mantsiboea. Le bona seo ke se bolelang? Oh, na ha e babatsehe? [“Amen.”] Ho tseba hobane re phela hantle mona ho Le bona joale, Leseli la mantsiboea, hantle ho latèla tšepiso. Leseli la mantsiboea le tsoa ho khutlisetsa eng? Ho khutlisetsa se jeloeng ke liseli.

<sup>497</sup> Ea qala ea hola, ’me eaba e etsa’ng? Ea bopa bolumeli, Molimo oa li hlaola ke hona, oa li tlama, oa li sunya morao, oa li tlohela tsa ikela tsa hlophisa. Eaba ho latèla e ’ngoe; Oa li tlama, oa li lahlela ka thoko. Sefate sa ’na sa tsoella. Eaba O a li tlama, oa li lahlela ka thoko, ha thoe, “Joale, li tla chesoa ka le leng la matsatsi ana.” Ho li tlama mokhatlong oa tsona.

<sup>498</sup> Eaba ho etsahala’ng? Tholoana e butsoa pele hlorong ea Sefate, ke hantle, hantle hlorong ea Sefate. Ka baka leo ke hloro ea Sefate, mona, e bonang Leseli la mantsiboea.

<sup>499</sup> Joale, liphaposi li ne li le tharō arekeng ea Nooe. Phaposi e ’ngoe e etselitsoe tse hahabang. Ua bona? Phaposi ea bobeli e etselitsoe linonyana. Empa leseli le ne le fumonoa phaposing e ka holimo. Leseli le ne le chaba, pele, le sa finyelle phaposi ea mokato oa pele, mokato oa bobeli, empa mokato o ka holimo.

<sup>500</sup> Sefate ha se behe tholoana ea sona tlase maotong, bobeling, ka tsela eo. Ntho eohle e hlaotsoe, mokhatlong.

<sup>501</sup> Empa se karolong ea hloro, mono, “Ke tla khutlisetsa, ho bolela Morena. Ke tla romela Leseli la mantsiboea. Le tla busetsa, ho busetsa Lentsoe, ho Le bonahatsa. Ke tla khutlisetsa sohle seo Ke se tšepisitseng. Sohle seo Ke se tšepisitseng, ona Moea o Halalelang o tla busetsa, o tla beha lipontšo tse tšoanang. Ke tla hlahisa Paseka, tsoho ea Monyaluoa, mokana Ke etselitse Monyali e ’ngoe.” Ua bona? Maseli a mantsiboea a fihla ho chaba, joaloka hoseng, lipontšo li le ling, lintho li le ling. Lona Leseli leo le tla hlahisa tholoana eona eo ba e fumaneng mono, haeba Le fèla le chabetse Sefate sona seo. Amen. Hoo ho paka Lentsoe la Hae le phethiloe joale, “Ke tla khutlisetsa, ho bolela Morena.”

<sup>502</sup> Joale mamelang ka hloko. Joale, ha hlahile... Mamelang joale. Le se fose Sena joale. Ho hlahile manqosa a mane a lefu.

<sup>503</sup> Kapa, na re le re re mpe re koale? Na re ka mpa—mpa ra tsoa pejana ho nako? [Phutheho e re, “Che.”—Mong.]

<sup>504</sup> Mamelisang ka hloko joale. Shebang. Ho hlahile lintho tse ’ne. Sefate se bolailoe ke manqosa a mane a lefu. Hoo ho joalo?

[Phutheho e re, "Amen."—Mong.] E ne e le eng? Bookholane, tsie, lerutlè, seongoane. Na ke 'neta? ["Amen."] Manqosa a mane a batemona ba Roma, litšomo, a bolaile Sefate seo. Le leng la hlasela tholoana ea Sona; le leng la hlasela lekhapetla la Sona . . . kapa la hlasela mahlaku a Sona; le leng la hlasela lekhapetla la Sona; le leng la hlasela Bophelo. Na ho joalo? ["Amen."] Sefate se bolailoe ke manqosa a mane a litšomo, ntho eohle ntle le metso.

<sup>505</sup> 'Me efèla ha Sefate se bolailoe ke manqosa a mane a lefu, Sefate se khutlisetsoa ke manqosa a mane a Bophelo. Le a e tšoara? [Phutheho e re, "Amen."—Mong.] Amen. Hoba Molimo o boletse, "Ke tla Se khutlisetsa." O tlil'o Se khutlisetsa. Joang? Ka manqosa a mane a lefu, a Se bolaile, ke moo Se tla khutlisetsoa ke manqosa a mane a Bophelo. La pele e ne e le lefe? Martin Luther, tokafatso. La bobeli e ne e le lefe? John Wesley, ka khalaletso. La borarō e ne e le lefe? Pentekosta, ka khutlisetso ea lineo, Moea o Halalelang, kolobetso ea Moea o Halalelang. Labone e ne e le lefe? Lentsoe. Eng? Lentsoe. Ho hlahile baporofeta ba baholo ba bane.

<sup>506</sup> E mong oa bona, Martin Luther, a qala a chabisa Leseli. Ha hlaha Leseli le le nyenyane, matla a manyenyane feela, a tokafatso.

Ha ntano latèla Wesley, ka matla a fetang, khalaletso.

<sup>507</sup> Ka mora Wesley, ha fihla ea maatlana ho eèna, Pentekosta, kolobetso ea Moea o Halalelang, ka har'a moporofeta e mong e moholo. Ua bona?

<sup>508</sup> Empa matsatsing a qetelo, a Malakia 4, Elia o tlameha ho khutla ka Lentsoe lona leo. "Lentsoe la Morena le ttile ho moporofeta." Nakong ea Maseli a mantsiboea, eka khona ho hlahe hoo, ho khutlisetsa morao. Eng? "Ho busetsa lipelō tsa bana morao Tumelong ea Molimo." Leseli la bone!

<sup>509</sup> Babolai ba bane ba Se hlasetse. Manqosa a mane a Se falalitse. Manqosa a mane a lefu a Se hlasetse, ka litšomo.

Manqosa a mane a ho loka a boela a Mo khutlisetsa.

<sup>510</sup> "Porofeta, uena mora motho. Na masapo ana a ka phela?" Eka re ka be re fumana nako. Ke le ngotse fatše mona, empa ke tlameha ho e feta mohoalotso. "Porofeta. Na masapo ana a ka phela?" Mekhahlelo e mene e tlelang Kereke eo ke efe? Mekhahlelo e mene ea masapo a omeletseng a Ezekiele e tlang ke efe? Empa Bophelo bo tla feela, e seng mohla a apesitsoeng letlalo la mesifa, empa mohla moea o no o fokela holim'a oona. Ke mohla ho khutlang Molaetsa oo oa bone oa Bophelo.

<sup>511</sup> "Ke tla khutlisetsa, ho bolela Morena." Alleluia! Thoriso! Ho bokoe Molimo. Leseli la bone le tla fihla, le tla hlahisa lipontšo tsona tseo. Shebang. Tokafatso e khutlisitse nama ea semela.

Khalaletso e khutlisitse lekhapetla, thuto ea khalalelo.

<sup>512</sup> Lehlaku le khutlisitsoe ke eng? Mapentekosta, Ke eng? Mapentekosta, mahlaku, ba opa liatla tsa bona, thabo, ho nyakalla, Pentekosta.

<sup>513</sup> Eng? Oa bone e ne le Lentsoe, Bolona. Lentsoe le entsoeng nama, litholoana tsa bopaki ba pontšo ea tsobo e reng Kreste qetellong, ka mora hoba ho lengoe tokafatso, ho lengoe khalaletso, kolobetso ea Moea o Halalelang. Mekhatlo e ile ea shoa. 'Me Kreste o boetse o Ituletse mahareng joaloka marulelo ao a piramide. Theko ea pele, tokafatso; khalaletso; kolobetso ea Moea o Halalelang; ho ntano latèla Marulelo.

<sup>514</sup> Ke eng? Sehlopha sa Moea o Halalelang se hohloa hore se tle se khohlelane le mofuta oa tšebetso eo A neng a e tšoere mohla A ne a tsamaea, hore, mohla A khutlang, e tle e phamole ntho eohle ho e kenya Hloibilong, moo ho leng balokafatsoa, bahalaletsoa, le kolobetso ea Moea o Halalelang. Piramite eo e tla boela e ema. Ntlo ea Molimo e tla phela hape. Sefate sa Bophelo se boela se hola.

Lichaba lia pshatleha, Iseraele e a tsoha,  
 Lipontšo tseo baporofeta ba li boletseng;  
 Matsatsi a Molichaba a baliloe, ka koluo a tse  
     phophothang;  
 "Khuttlelang, oho ba hasaneng, ha'bo lona."  
 Letsatsi la topollo le haufi,  
 Lipelō tsa banna li emisoa ke tšabo;  
 Tlalang Moea, mabone a lona a loke a hlake,  
 Lelalang! Topollo ea lona e haufi.  
 Baporofeta ba bohata ba thetsa, 'Nete ea  
     Molimo ba e latola,  
 Hore Jesu e leng Kreste ke Molimo oa rōna.  
 (Amen.)  
 Empa re tla hata moo baapostola ba hatileng.  
 Hoba tsatsi la topollo le haufi,  
 Lipelō tsa banna li emisoa ke tšabo (liatomiki  
     le ntho tsohle);  
 Empa tlalang Moea, mabone a lona a loke a  
     hlake,  
 Lelalang! Topollo ea lona e haufi.

<sup>515</sup> Amen. Ho khutlisetsa lipontšo tsohle! Pontšo ea Lota nakong ea qetelo. Re se re fetile mono. Kamoo Lota...Lengeloi lena, la Jehova le entsoeng nama har'a batho, le lutseng sekotlo sa Lona se furaletse tente 'me ha thoe, "Sarah mosali oa hao o kae?"

"Ka tenteng ka mora Hao."

<sup>516</sup> A re, "Ke tla u etela." Eaba Sarah o a tšeja. A re, "Sarah o tšehele ke'ng?" A le ka tenteng. Amen.

<sup>517</sup> Jesu o itse ho tla ba joalo ho Khutleng. Oh, ke moo Leseli la mantsiboea, la Malakia 4, le fihang le chabang le khaola

lefifi, amen, ho chabisetsa Leseli la mantsiboea holim'a Lentsoe le neng le reroe pele. Alleluia! Molaetsa oa bone e tla ba ofe? Lenqosa leo la bone ke'ng? Ho chabisetsa Leseli holim'a Lentsoe. Lentsoe le ne le reroe pele. Le tlameha ho hlahella. E teng ntho e tlamehang ho etsa hoo, hoba Molimo o boletse, "Ke tla khutlisetsa, ho bolela Morena. Ke tla khutlisetsa." Hantle. Maseli a mantsiboea a chaba a khaola, ho bonesa Lentsoe leo le neng le reroe pele. E, monghali.

Oh, Leseli le tla chaba nakong ea mantsiboea,

Tsela ea Khanyeng le tla e fumana ruri;

Kajeno Leseli le chabile, tsela-metsing,

Ho patoa ka Lebitso le thekothata la Jesu.

Bacha le baholo, bakang libeng tsohle tsa lona,

Ruri Moea o Halalelang o tla kena ka hare;

Hoba Maseli a mantsiboea a fihlile,

Ke 'nete Molimo le Kreste ba Bang.

<sup>518</sup> Ke Bao moo, ba Bang, 'mmoho; Bang, ka ho rōna. Tsona lipontšo tseo batho ba sitoang ho li etsa, li a iponahatsa, li a hlahella, lona Lentsoe, ho hotolla Lentsoe la Molimo le reriloeng pele, ho tsoa metsong ea Sefate motšeо koana, leo malumeli oohle a le hanneng, le ho le hana, le ho le hana. Empa Leseli le tla chaba. Leseli le tla fihla, le tla phahama.

<sup>519</sup> Nq'a efe, koana Jerusalema? Che, monghali. Maseli a mantsiboea a ke ke a chaba Jerusalema. Maseli a mantsiboea a ea (kae?) koana Bophirima. Ba fuoe letsatsi la bona 'me ba Le hanne.

<sup>520</sup> Empa Leseli la mantsiboea le tla chaba Bophirimela (bakeng sa eng?), ho chabela Lentsoe (eng?), ho butsoisa tholoana, ho hlahisa Sefate sa Monyaluoа ka lipontšo tsona tseo, meeka, le litholoana tseo ba bileng le tsona tšimolohong. "Leseli le tla chaba nakong ea mantsiboea." Hantle. Oh! Ke moo Lentsoe le tla beha tholoana ea Lona sehleng sa Lona. "E ke ke ea omella, empa Le tla beha tholoana ea Lona," Davida o boletse, "lihleng tsa Lona," amen, eona tholoana eo Le neng le e jere tšimolohong.

<sup>521</sup> Joale erekaha Lentsoe la Hae le kene lekhatheng la Hae le reriloeng pele kamoo A Le tšoereng kateng hona joale, 'me re bona Mantsoe ana oohle a bonahatsoa. Ke eng? Ke netefatso e phethahetseng e reng ho Khutla ha Morena ho atametse, le mohla A itseng, "Ke tla khutlisetsa, ho bolela Morena, sohle seo marutlè ao, sohle se siiloeng ke Bamethodise, sohle se jeloeng ke seongoane, sohle se entsoeng ke sena mono, tsa ba tsa Se hlobolisa ho fihla tlase. Empa Ke tla khutlisetsa, nakong ea mantsiboea." Oh, khili! Whiu!

Kea kholoa joale nka hla ka rera, ka botšepehi.

Oh, ke rata Jesu joang,  
 Oh, ke rata Jesu joang,  
 Oh, ke rata Jesu joang,  
 Hoba A nthatile pele.

Nke ke ka Mo tèla,  
 Nke ke ka Mo tèla,  
 Nke ke ka Mo tèla,  
 Hoba A nthatile pele.

<sup>522</sup> Amen. Ha le Mo rate na? [Phutheho e re, "Amen."—Mong.] Ke mpa ke Mo rata ka pelō eohle ea ka. Na re ka rala mola oa thapelo? ["Amen."]

<sup>523</sup> Ntate, Molimo, ke—ke nehela Molaetsa oona matsohong a Hao. Leha koana O ponngoe likoto, ke rapela Moea o Halalelang ka mokhoa oa horeng ho O feheletsa holim'a mabanta ana, le ho phatlalla le lichaba. 'Me ha nka tlosoa lefatšeng, Sena se ke se phele, Morena. Ke Lentsoe la Hao. Leseli la mantsiboea le ke le chabe, Morena, ho hlahisa Monyaluoa enoa oa Kreste ea khanyang. Morena, Le hlohonolofatse. E re Le se khuttlele ho Uena le le feela. Le ke Le phethise seo Le se reretsoeng. Aba sena, Ntate. Lithoriso tsohle e tla ba tsa Hao.

<sup>524</sup> Joale, rea tseba, Ntate, ho sa tsottelehe seo re ka se buang, E sa ntse e le Lentsoe 'me re a Le lumela. Empa re lakatsa ha Uena, Morena, hoseng hona ha Paseka, ha U ka kholisa phutheho ena, ho ka ba le ba teng mona khetlo la bona la pele, hore U sa le Jesu, ha U sebopehong se shoeleng, hore U a phela, Molimo o tsohileng, hore U phela har'a rōna kajeno. Aba seo, Ntate, 'me re U roris, ka Lebitso la Jesu. Amen.

<sup>525</sup> Ba kulang ba ba kae ka mona? Ha re boneng matsoho a lona. Phahamisang matsoho a lona feela. Oh, na ho . . .

<sup>526</sup> Na Billy Paul . . . Na o fumane . . . Ke kholoa a abile litlankana tsa thapelo. Na o entse hoo? [Baena ba bang ba re, "E."—Mong.] E ne e le bomang? ["E, 'ngoe ho fihla ho lekholo."] E, 'ngoe ho fihla ho lekholo. Re ke ke ra li nka kaofela, empa ha re tšoareng tse 'maloa tsa tsona. Emang hantle *mona*, haeba le khona.

<sup>527</sup> Ke mang ea tšoereng palo ea 'ngoe? Ha re boneng palo ea 'ngoe. E, palo ea 'ngoe, phahamisa letsoho la hao. Setlankana sa thapelo; sheba setlankana sa hao. Ha u khona ho ema, ho itoketse. Palo ea 'ngoe.

<sup>528</sup> Be, u tiile hore u tšoere se nèpahetseng? Ho lokile. Ho lokile. Ha re eeng, ha re qaleng nq'a e 'ngoe. [Moena Neville o re, "E ka mane."—Mong.] Oh, be, ho itoketse. Haeba u e tšoere, re tla qala mono, he. Ke botle.

<sup>529</sup> Palo ea 'ngoe, tsamaea u pote ka mona, ha u khona ho tsamaea. Ha u sa khone, be, re tla e jara. Ua bona? Ho lokile. Palo ea 'ngoe.

<sup>530</sup> Palo ea peli. Phahamisa letsoho la hao, hantle ka potlako joale. Palo ea peli, tloo koano hantle.

Palo ea tharō. Hantle mona, monghali.

Palo ea 'ne, palo ea 'ne.

<sup>531</sup> Palo ea hlano. Joale, mang le mang a lule feela metsotso e 'malwa feela. Palo ea hlano.

<sup>532</sup> Palo ea tšeleta. Phamamisa letsoho la hao ka potlako. Palo ea tšeleta. Tšeleta, tšeleta, e reng ke e bone, hleng. Motho e mong o bontša ka letsoho la hae. Ha ke khone...Oh, ho tsoa...O phaposing e ka morao mane. Ho lokile. Palo ea tšeleta. Ho lokile. Nakoana feela joale.

Supa, supa. Ho lokile, mofumahali morao mane. Robeli.

<sup>533</sup> Joale, ha e mong le e mong a ka lula feela...Ka kopo hleng, nakoana feela joale. Ka khutso feela joale. Joale, bona e tla ba bopaki. Bona ke bopaki.

<sup>534</sup> Tšeleta, supa. 'Ngoe, peli, tharō, 'ne, hlano, tšeleta, supa. Nyolohelang hantle mono. Ho lokile. Supa. Ho lokile, monghali, ke bottle.

<sup>535</sup> Robeli. [Moena Neville o re, "Eo ke robeli."—Mong.] Robeli, robeli. Ho lokile, moena. Robeli, robong, leshome. Leshome, leshome—'ngoe, leshome—peli.

<sup>536</sup> Be, ekare le khaolitse ho tla. Be, re tla qala mono. Ke hantle haholo. Mohlomong metsotsong e 'maloa...Ho lokile.

Ha re rapelejo joale.

<sup>537</sup> Ntate, Molimo, Lentsoe le tsoang ho Uena feela le tla bua haholo ho feta. E re—e re—e re batho ba bone, Morena. Ke—ke lekile ho tsepahala, ho leka ho ba bolella Lentsoe la Hao. Morena, tšoarela liphoso tsa mohlanka oa Hao. Ke—ke mpa feela, ke—ke etsa tse ngata tsa tsona, Morena. Ke—ke U rapela ho se talime liphoso tsa mohlanka oa Hao, empa U tla talima Lentsoe la Hao, leo ke lekang ho le bolela. Morena, ke U leboha ka Lona. Ke thabile, ka pelō ea ka eohle. Morena, Le fetisa bophelo ka molemo, ho 'na. Ke nehela bophelo ba ka, nako efe, bakeng sa Lona. Ke—ke a Le tseba hore le nèpile. Ke Lentsoe la Hao.

<sup>538</sup> 'Me U tšoarele bothoto ba litsela tsa ka, Morena. Ke ka makhetlo ke—ke saoha 'me ke soasoa, athe ha kea tlameha. Kea itšoabela, Morena. Ke mpa ke tsoa lelokong la mofuta oo. U mpe u e tlolise mahlo, hle, Ntate, haeba U rata. E khurumetse ka Mali a Hao. Ke U kopa ho etsa hoo. Feela, ke ipolela eona feela. U ke ke oa e tlolisa mahlo, empa U ka ntšoarela ha nka ipolela eona.

<sup>539</sup> Joale, ke ipoletse libe tsa ka. Ke bolela libe tsa batho bana. Kea rapela, Molimo, hore U tle u ba tšoarele, e mong le e mong.

<sup>540</sup> 'Me batho, ba elelloe hobane ha re leke ho takatponahatso ea mofuta. Ke Moea o Halalelang matsatsing a qetelo, o

pakang Lentsoe la Hae, kamoo ke sa tsoa Le bolela. Empa, Ntate, ho sa tsotolehe, ke mpa ke le motho feela. 'Me ha nka Le bolela, ba re, "Boo ke botoloki ba hae. Ke seo a se nahanang ka Lona." Empa, Ntate, haeba U ka bua oa Le paka le nèpile, ha ho le joalo ba tla tlameha, ba tla tlameha ho tshethema Uena, ho Le koekoetla, ke hona, Morena. Boo E tla be e se botoloki ba ka; e tla be e le ba Hao. Aba sena, Morena. 'Me haeba ke le mohlanka oa Hao, 'me—'me—'me libe tsa ka li tsoaretsoe, 'me U mpilelitse mosebetsi oona, bua ke hona, Morena. Ke U rapela ho e aba. Folisa bakuli le ba hlomohileng hohle, ka Lebitso la Jesu, kea rapela.

<sup>541</sup> 'Me ha U ka Itsebisa rōna joale, mokana U entse selibeng, ka mosali eo, mohla U buisanang le eēna. Ua 'molella taba e phoso ka eēna. O ne a e-na le banna ba bahlano. Joale, U tsepisitse ho etsa hoo nakong ea mantsiboea. U tsepisitse ho e etsa matsatsing a qetelo. U itse, "Me ho joalo, le hona ho tla ba joalo ho Khutleng ha Mora motho. Joaloka matsatsing a Lota, ho tla ba joalo," Molimo o phelang nameng ea motho, ho tsamaea har'a rōna, ka sebopoho sa Kereke ea Hae, ka ho Moea o Halalelang, o etsang tsona lipontšo tseo. Aba sena, Morena, kajeno feela. Na U ke ke ua khona, Ntate? Ka hona, ke U rapela ho lumella batho ho e bona, 'me ho folisoe ho pholosoe e mong le e mong, bakeng sa tlotliso ea Molimo. Amen.

<sup>542</sup> Joale, ke tlil'o hula maikutlo a lona joale, haeba le ka ba le tšabo e shoeletseng metsotso e 'maloa. Joale, mang le mang, le khutse kamoo le ka khonang joale.

<sup>543</sup> Na le hlile le tiile le elelloa maemo ao ke emeng ho oona joale? Mona ke rerile Lentsoe, Lentsoe la Molimo. [Phutheho e re, "Amen."—Mong.] Ke Le tlalehile lohle le nèpahetse. ["Amen."] Jesu o boletse, ho re, "Ea lumelang ho 'Na, mesebetsi eo Ke e etsang o tla e etsa le eēna."

<sup>544</sup> Joale, ke batla u botsa potso. Ela hloko hore u—hore u re "amen" kapa che, joale. Jesu, ka Boeēna, ha eso itlalehe a folisitse motho. Hoo ho nèpahetse. O itse, "Hase 'Na ea etsang mesebetsi. Ke Ntate oa Ka ea ahileng ka ho 'Na." Na ho joalo? [Phutheho e re, "Amen."—Mong.] 'Me Jesu o itse, ho Mohalaleli Johanne 5:19, "Kannete, nete, ruri, Ke re ho lona, Mora ka Boeēna . . ." Joaloka Monna, E ne e le Tabernakele moo Molimo o no o ahile teng. Ua bona? O itse, "Mora o sitoa ho etsa letho ka Boeēna; haese seo A bonang Ntate a se etsa, Mora o se etsa joalo le eēna." Ka mantsoe a mang, "Ntate o Mpotša pono, ho etsa eng, 'me Ke etsa kamoo A Mpolellang."

<sup>545</sup> Joale, tsatsi le leng re fihlela, a re re, mosajana ea sitiloeng ho kena moleng oa thapelo. A jeoa ke phallo ea mali, 'me e se e mo tšoere lilemo tse ngata. Ka baka leo a ama seaparo sa Hae, a ntse a re ka ho eēna . . . O ne a sa tsebisahale; e le mofutsana feela, mothoana, mosali oa khale, a se na chelete. 'Me a ke ke

a nyolohela holimo mono le baprista le bao bohle ba emeng mono, ba filoe litokelo tsa ho ema le sohle. Ka baka leo a ke ke a ema holimo mono, eaba o khasa fatše a ba a fihla mono 'me a ama seaparo sa Hae. A re, "Ke Mo lumela e le eèna feela. Eèna, O re tlisetsa 'Nete, Bophelo. Kea lumela hore Ke Lentsoe la Molimo. 'Me ha nka Mo ama, ke tla—ke tla phelisoa."

<sup>546</sup> Lea lumela na? Na le ka lumela se lumetsoeng ke mosali eo, hore Ke Lentsoe la Molimo? [Phutheho e re, "Amen."—Mong.] Joale, Bibele e re, kajeno, ho thoe, "Ke Moprista e Moholo, Moprista oa rôna e Moholo hona joale." Na le lumela seo? ["Amen."] "Hoba A tsohe bafung le nyolohelong ea Hae, O nyolohetse Holimo 'me a nea batho lineo. 'Me joale O lutse letsohong le letona la Molimo, Botlotlehi bo Holimo, 'me re buelloa holim'a seo re ipolelang sona." Na ho joalo? ["Amen."] "'Me Ke Moprista e Moholo ea ka... Eng? ["Angoang."] "Angoang ke..." Eng? "Maikutlo a mahlomola a rôna." Joale, haeba A le teng... Lea lumela esale Eèna? ["Amen."]

<sup>547</sup> Joale, shebang. Ha u tla mona, 'me u ama 'na feela, letšeare lohole, ho ke ke ha etsoa phapang ea letho. Ha u ka ama moena ofe, khaitseli, ha ho phapang ea letho; e mpa e le moetlo oa ho beha matsoho, ke phetho. Empa ha u ama Eèna feela, ke phetho seo u tlamehang ho se etsa.

<sup>548</sup> 'Me le shebe, ha u Mo ama ka e...ka moetlo o itseng kamoo bao ba entseng. Ba itse, "Oh, re lumela Moruti e moholo enoa. Enoa ke Moporfeta." Be, ha A ka a bua letho.

<sup>549</sup> Empa mosajana eo o ne a koetlide nthoana e Mo amileng: tumelo ea hae. A ama seaparo sa Hae, 'me O re, "Ke mang ea Nkamileng?"

<sup>550</sup> Na ha le lumele Bibele e re esale Eèna Moprista e Moholo kajeno eo e neng e le Eèna mohlang oo, Eèna, 'me a ka angoa ke maikutlo a mahlomola a rôna? [Phutheho e re, "Amen."—Mong.] U ka Mo ama ka ntle mono, u le moleng ona oa thapelo kapa che. Ha u kula, kapa moratuoaa mokuli oa hao, ha ntho e lutse pelöng ea hao, tloo ho Molimo ka hlompho le ho re, "Molimo, ha ke tsebe letho ka monna eo ea emeng mono. Ke monnana ea hloho e lefatla feela. Eèna, ha se letho, empaké lumela a rerile 'Nete. 'Me ke lumela a buile se nèpahetseng, hore U Moprista e Moholo. Joale ke batla ho U ama. 'Me haeba a mpoleletse 'Nete, joale U sebelise melomo ea hae ho boela a bua a mpolella, mokana U etselitse mosali morao mane." Ho bona haeba e le Eèna maobane, le ka ho sa feleng. Etsa hoo. Hoo ha se ho Mo etsa Eèna maobane, kajeno, le ka ho sa feleng? Na ha se eona? ["Amen."]

Ho lokile, mang le mang a lule moo a leng teng 'me a rapele ka hlompho.

<sup>551</sup> Ho thoeng? [Motho e mong o re, “Ke abile litlankana tsa thapelo.”—Mong.] Huh? [“Ho abiloe tse mashopeli-hlano.”] Ke saletsoe ke tse leshome morao mono hona joale? [“Leshome—ne.”]

<sup>552</sup> Leshome, leshome—ngoe, leshome-peli, leshome-tharō, leshome—ne, leshome-hlano; na litlankana tsa thapelo tsa leshome, leshome—ngoe, leshome peli, leshome-tharō, leshome—ne, leshome-hlano, leshome-tšeleta, leshome-supā, leshome-robeli, leshome-robong, masho-peli, mashopeli—ngoe, mashopeli-peli, mashopeli-tharō, mashopeli—ne, mashopeli-hlano: hoo ho tlamehile ho rala mola o mahetla oa thapelo. Haeba re... Ke tšepa re sa tl'o tlameha ho le boloka mona halelele. Empa joale...

<sup>553</sup> [Motho o buisana le Moena Branham—Mong.] Ako e hlokomele. Hoo ho itoketse. E re feela... Hoo ho itoketse.

Ha re e bineleng ka marameng joale, hammoho, ba sa e fumana. *Lumela Feela*.

Lumela feela, lumela feela,  
Tsohle li lokile, lumela feela;  
Lumela feela, lumela f...

Ho lumela'ng? Lentsoe la Hae le tšepiso. Bakeng sa eng?

Tsohle li lokile, lumela feela.

<sup>554</sup> Ho theoha thabeng, mono keha ho eme barutuo. Ba fekisitsoe ke sethoathoa. Ntate a eme mono, a shebile ngoana oa hae, a lla. Barutuo ba ntse ba etsa liketso tsohle, empa e sa sebetse. Jesu a tla a nyoloha. Bang ba bona ba re, “Ke Eo.” Motho a ba supisa Jesu; hole le baruti, ho Jesu. Ke hona moo ke batlang ho supisa batho teng; e seng ho 'na, kapa kereke e itseng, empa ho Jesu. Ha thoe, “O a khona.”

<sup>555</sup> Ka baka leo ntate a matha, a itihela maotong a Hae, ho re, “Morena, hauhela ngoana oa ka. O tujoa ke batemona khafetsa. O a akheha. O tšoehla makoeba molomong. O a thefuleha,” sethoathoa. ‘Me a re, “Me ke mo isitse hohle. Esita le barutuo ba Hao ba sitiloe ho mo etsetsa letho.”

<sup>556</sup> Jesu a re, “Nka etsa hoo, ha u ka lumela, hoba tsohle li ka etsetsoa ea lumelang.”

Lumela f...

Eèna maobane, kajeno, le ka ho sa feleng! Hohle ho kene joale. Mang le mang a khutse.

...lumela,  
Tsohle li... (Nako e kakang!)  
Lumela feela, lumela feela,  
Tsohle li lokile, lumela feela.

<sup>557</sup> Oho Morena, Lentsoe le robetse hohle mona joale. Leseli la mantsiboea le ke le bonese, Morena, ho Le phelisa. Ka Lebitso la Jesu Kreste, kea rapela. Amen.

<sup>558</sup> Joale, ka Lebitso la Morena Jesu Kreste, ke beha moea o mong le mong mona tlas'a bolaoli ba ka, tlottisong ea Hae.

<sup>559</sup> Ke sheba tlase moleng oona oa thapelo. Ha ke tsebe motho le a mong moleng oo oa thapelo. Bona, emong le e mong, ke basele ho 'na. Lona bohle ba emeng moleng oo oa thapelo, le leng basele ho 'na, 'me ke sa tsebe letho ka lona, mathata a lona kapa letho, phahamisang matsoho a lona, e mong le e mong moleng oo oa thapelo.

<sup>560</sup> Ba sa ntsebeng har'a letšoele ba ba kae, le 'na ke sa tsebe letho ka lona? Ka ntle mono le lona le na le matla a lekanang, le a bana ba emeng mona. Feela, ke mpa ke qoholla motho a le mong ka nako.

<sup>561</sup> Mona, e reng ke tšoare bana mona, motsotso feela. [Moena Branham o tloha maekeng—Mong.] Na joale lea utloa ka sena? [Phutheho e re, "E."]

<sup>562</sup> Mofumahatsana enoa mona. Monna le mosali ke bana, ba boela ba kopana. Ha ke mo tsebe, ha ke eso 'mone. Ke osele ho 'na, empa ke osele ka botlalo.

<sup>563</sup> Ke mpa ke hata holim'a motheeo oa Lentsoe leo. Lentsoe leo le boletse, "Mesebetsi eo Ke e etsang le lona le tla e etsa, haeba le lumela ho 'Na."

<sup>564</sup> Hoseng ho hong, mohla pono eo e ne e boela e hlaha, ka mora likete tsa tsona, 'me ho thoe, "Sefahleho se sa hloboheng sa Jesu Kreste se tla ba le uena hohle moo u eang teng." Ke lumela seo, ke hlomohile, ka pelō ea ka eohle. Haeba ke sa le bone hape, na lea lumela hoo ke 'Nete? [Phutheho e re, "Amen."—Mong.] E nèpahetse.

<sup>565</sup> Mosali eo ke eso 'mone bophelong ba ka ke enoa. Ke mosali ea filoeng setlankana sa thapelo feela.

<sup>566</sup> Ka tloaelo kamoo moshanyana a li sebetsang, o kena ka mona, a tšoare litlankana tsa thapelo a li ferekanye ka hohle, 'moho, pontšeng ea lona batho. A abele mang le mang ea batlang setlankana sa thapelo, e ka bang nq'a efe. Ha ho mang ea tsebang moo mola oo oa thapelo o tla qala teng, kapa letho ka oona. Ka baka leo, moshanyana a ke ke a re, "Oh, joale mona, ha u ka 'nea bokana, ke tla u bea kapele molemong, le ho kholisheha hore u mono." Le eèna ha tsebe. Uh-huh. Ha ho mang ea tsebang.

<sup>567</sup> Re mpa re qala feela. Hohle moo Moea o Halalelang o laelang "bitsa," re bitsa ho tloha moo hantle. 'Me ka linako tse ling ke tšepa ke tla fumana motho, haholo, ha ke fihlile mona, motho ea eso ka . . . batho basele, ua bona, bao ke sa ba tsebeng.

<sup>568</sup> Joale, haeba mosali enoa ea emeng mona, haeba e . . . Ntho e phoso e teng. Ekaba o a kula. Ekaba o na le motho, ea kulang. Ekaba o—o—eme mono feela, ekaba ho kula ha hae ke boiketsiso feela. 'Me ekaba o eme mono feela, a leka ho

pepesa ho hong. Haeba a etsa, le shebe se etsahalang. Ua bona? Le se le khonne, le bone ntho eo e lekoa, hape. Ha ke re? [Phutheho e re, "Amen."—Mong.] E, monghali. Le mo shebe ha ba tsoa ka eèena ba mo jere monyako, a shoele. Ua bona? Uh-huh. Ka baka leo joale le tla—le fumane feela, ho bona haeba e nèpile kapa che. Ua bona? E lekeng, ua bona.

<sup>569</sup> Joale, ha re bapale kereké, metsoalle. Re nakong ea bofelo. Tholoana e hlorong ea sefate, e ntse e butsoa. Ke hantle. Morena o a tla.

<sup>570</sup> Ha ke mo tsebe. Molimo o a mo tseba. O mo tsebile. Le pele lefatše le eba teng, O mo tsebile. O mo tsebile a tla be a eme mona hantle. O ntsebile ke tla be ke eme mona hantle. Hoba, O hloka pheletso. Na ho joalo? [Phutheho e re, "Amen."—Mong.] Joale, haeba E le mohlokaphetso 'me a e tsebile mohlang oo, e tla ba O tseba lebaka la mosali ho ema mona. Ka hona, oona Molimo oo o . . .

<sup>571</sup> Jesu, mohla A na a le lefatšeng mona, Molimo o ahile ka ho Eèena, o buile le mosali eo selibeng, le ho 'molella phoso ea hae. Bohle rea tseba e ne e le efe. Ha ke re? 'Me o itse, "Monghali, U loketse u be u le moporofeta." Ea eba tlahiso ea hae ea ho qala. "Joale, rea tseba nako ea Messia ho fihla mona e tlide, ea bitsoang Kreste. 'Me mohla A tlang, O tla etsa hona hoo."

<sup>572</sup> Joale, haeba e le Eèena "maobane, kajeno, le ka ho sa feleng," le ho tsepisa ka Lentsoe lena leo ke le rerileng, ho thoe nakong ea mantsiboea O tla fihla mona le ho etsa ntho e tšoanang, ke moo re e shebeletseng. Ha se eona? Ha ho joalo? [Phutheho e re, "Amen."—Mong.] Re shebeletse tsoho ea Kereké eo. Joale, haeba A ka etsetsa mosali enoa seo A se entseng morao mane, hoo ho thasisetsa Lentsoe, hore Le lokile. ["Amen."]

<sup>573</sup> Joale, mosali o sa tsoa phahamisa letsoho la hae, le 'na, re re ha re tsebane, e mong nq'a ho e mong. Ha ke mo tsebe. Ha ke eso 'mone. Ke osele feela, o eme mona. Le lona le joalo, kantle mono, bongata ba lona.

<sup>574</sup> Ke tseba batho ba bang ba lutseng mona. 'Me ba bangata ha ke ba tsebe. Ke tseba Mof. Collins mona. Ke tlide ka hoo. Khaitseli, mofumahali oa Moena Ben, 'me ke bone Moena le Khaitseli Dauch mona, nakoana . . . Moena Wright; Moena, Khaitseli Dauch; moena koana ntlheng. Ke tseba bang ba lona, mona. Empa ha ke—ke tsebe bongata ba lona, kaha ke sa tle khafetsa mona, ho tsebana. 'Me ka mona re na le batho basele.

'Me ka hona le rapele feela.

<sup>575</sup> Haeba ke le osele ho uena, 'me ke re Maseli a mantsiboea a bonesitse. 'Me Leseli la mantsiboea e tla be e le lona Leseli la hoseng. Le tla senola tsona litholoana tse mohlololo tsa Molimo, ha re bua moeeng. Ke hantle. Joale, ke buisana le uena joalokaha A entse ho mosali eo selibeng. O itse, "Ako Mphe

metsi." Ua bona? Le 'na ke rialo. Ha se 'na. Ke Eèna. Empa ha A ka ntšenolela lebaka la hao ho ema mono, ua bona, ha A ka ntšenolela seo u se emetseng mono, u tla tseba hore U tseba tsohle ka bophelo ba hao. Ha A ka u bolella ntho e fetileng, ua bona, u a tseba haeba e lokile kapa che. Ka hona haeba A tseba se fetileng, 'me a ka u bolella hoo, A ka khona...ruri o ka lumela ho Eèna bakeng sa ntho e tlang. Haeba A ka u bolella seo u se entseng morao mona, ruri hoo ho tla senola ntho e tlang, kapa e ka morao, e kapele, le eona eohle, ho e lokisa.

<sup>576</sup> Na phutheho e tla lumela ho Eèna, ka pelō ea lona eohle, haeba A ka etsa hoo? [Phutheho e re, "Amen."—Mong.] Kea lumela hore le tla lumela, leha A e etsa kapa che. Le sa ntse le lumela, empa hona ho mpa ho e ngomela.

<sup>577</sup> Joale, ke mpa ke talimile mosali, 'me o ntse a tlotsoa. O a elelloa, ke molata ho 'na.

<sup>578</sup> Empa ha nke ke le bontše. Bongata ba lona le bona senepe seo se leketlileng mono. Joale, hase Hoo, holimo, Leseli leo. Ke eona hantle ntho e leketlileng lipakeng tsa ka le mosali eo hantle hona joale. Na ha le bone hoo? E batla e—batla e le lebejana, botala-bo-bosehlana, Leseli le kang-emerauda, kamoo re e bitsang, Le ntse le phethesela hantle...Ke sona se etsang hore a ikutloe e ka re...

<sup>579</sup> Joale, e re ke u bontše ntho e 'ngoe. U arubelitsoe ke maikutlo a mosa haholo, a ikokobelitseng. Haeba e le 'nete mofumahali, phahamisa letsoho la hao batho ba tle ba bone. [Khaitseli o re, "E."—Mong.] Ua bona? ["Alleluia."] Ke...Ha ho kamoo a ka sitoang ho utloa Hoo, E mono hantle. Ua bona?

<sup>580</sup> Joale, joale, hore Le tla mo qhaqholla, ha ke tsebe. E itšetlehile. Mono e ka khona e be Molimo. 'Na nka sitoa, ka bona. Ke—ke Molimo o lokelang ho etsa hoo. E.

<sup>581</sup> Ehlide mofumahali, ka tlhaho, o emetse oporeishene. Ngaka e tlil'o 'molella taba, "E tšoanelang ho sehoa," empa ha a ke a etela ngaka. Ke hantle. [Khaitseli o re, "Che. Jesu ke Ngaka ea ka."—Mong.] 'Me o—o...Ke e—e hlahala. 'Me hlahala eo e ka lephakong le letona, pel'a mokokotlo. Ke hantle. Haeba e nèpahetse phahamisa letsoho la hao, batho ba tle ba bone. ["Ke hantle."]

<sup>582</sup> Joale le a lumela na? [Phutheho e re, "Amen."—Mong.] Joale, ha le e bone, (Ua bona? Ua bona?) empa joale le e lumele ka pelō eohle ea lona, hore e nèpile. Ke hantle. Ke hantle.

<sup>583</sup> Joale u re, "Eka ba u e hakantse, Moena Branham." U ke ke oa hakanya ntho e joalo, makhetlo a milione, ka phethahalo.

<sup>584</sup> Be, e reng a eme mono, motsotsso. E tlohile ho 'na, hona joale. [Khaitseli o re, "E."—Mong.] Joale, feela, ha re boneng, nakona feela, ua bona. ["Alleluia!"] O bonahala a itoketse; Mokreste. Joale ha re boneng. Joale haeba A re bolella ntho

e 'ngoe e leng teng. E. Ke enoa a boela a khutla hantle. [“Oh, che.”] E, monghali. O a—o a...E. Ke e—ke hlalahala, eona, eo lingaka li tla e libola. ’Me e...E tla mo hlahisetsa bothata. Empa o tla tsepela hoo ho Kreste.

<sup>585</sup> ’Me ha se ho fela. Ha a tsoe mona. O tsamaea le motho e mong. Ke monna oa hae. ’Me o a baba, le eèna. [Khaitseli o re, “E.”—Mong.] Ke hantle. U lumela Molimo o ka mpolella, ke sa shebile monna eo hantle mona, ponong ena, se phoso ka eèna? [“E.”] Be, ’molelle feela ho tloha le ho ea ja tinare ea hae. Bothata ba mala a hae bo nyametse. U a lumela ke Kreste ea etsang hoo? E? U tsoa Tennessee. [“E.”] Nashville. [“E, monghali.”] Ke hantle. Mof. Binkley. Ho lokile. U ka khutlela lapeng joale ’me oa phela, uena le monna oa hao. Molimo o u hlohonolofatse.

<sup>586</sup> Le lumela Morena Jesu? [Phutheho e a nyakalla—Mong.] Haeba eo e se eèna Morena Jesu ea kileng a hata mona mehleng e fetileng, Kerekeng ea Leseli la mantsiboea. Le hlahlobe mosali eo, buisanang le eèna, le ’motse haeba litaba tseo tse boletsoeng li ne li lokile. Ha le ka lumela feela. Joale na le mo khotsoe esale Kreste Ea tšoanang? [“Amen.”] Joale, lea ntseba nka sitoa ho etsa hoo. Ke monna. Ke moena oa lona. Empa eèna Ke Molimo.

<sup>587</sup> Joale ha re boneng. Na enoa ke motho ea latèlang? Ke uena ea neng a eme moleng oa thapelo? Ho lokile.

<sup>588</sup> Joale, ehlile, lea elelloa, tlolo eo, e mphokolisa, joaleka ntho eo ke sa e tsebeng. Joale, Jesu, mohla mosali eo a na a ama seaparo sa Hae, O itse, “Kea lemoha hobane molemo o tsoile ho ’Na.” Na ho joalo? [Phutheho e re, “Amen.”—Mong.] Hoo ho bolela “matla.” O ile a fokola. ’Me haeba Eèna...Efèla ha seo se hlahetse Lentsoe, boLona, se tla mo etsang eo Lentsoe le tlileng ho eéna? Ebe Se ne se tla etsa’ng? Efèla ha se entse Mora Molimo joalo, haeba se fihlela ’na, moetsalibe ea pholositsoeng ka mohau oa Hae? Ua bona? Se mphikolosa ka bottlalo ke likolohe ke be ke likolohe. Ua bona?

<sup>589</sup> Empa, koana, ke mona ho emela Eèna. Ho eme...Ke moemeli ea fokolang. Ke—ke bakela libe tsa ka tsohle, le tle—tle le se shebe seo ke leng sona; empa ho talima hore na Eo ke Mang, le tle le shebe nq’eo.

<sup>590</sup> Joale, ho uena ke molata, mofumahali. Ha ke tsebe mosali enoa, le hona. Ha re tsebane. Ke hantle. Joale, ha Morena Jesu (’na ha ke u tsebe, le uena ha u ntsebe), ha Morena Jesu a ka nšenolela selo, seo u leng mona ka sona, seo u se entseng, kapa selo seo u nong u sa tlameha ho se etsa, kapa ntho e kang eo, u tla tseba e tla be e le, e tla be e le mohlolo o ipabotseng oo. Ke ntho e ke keng ea hhalosoa. Mohlolo ke ntho e ke keng ea hhalosoa. Mang le mang o tseba seo. Ua bona? E tla be e le mohlolo o ipabotseng.

<sup>591</sup> E ka ba mohlolo o fetang haeba e—e mofumahali a lutse mona setulong sa bakuli, a jeoa ke athritis, 'me a sataletse. Ebe kea mo laela, "Ema u tsamaee," 'me a tsoe mono a tsamaea, mang le mang a ka e hlabela litlase. Empa, u a bona, ka nèpahalo matla a—a tumelo ea hae ho lumela, le ho ema ho tsamaea, a ka etsa hoo.

<sup>592</sup> Empa ho khutlela motše o koo ho hotolla bophelo kae—kae, e qosa ho feta moo. Hoo ho qosa Molimo o 'notši, moo le ka buang, la bona, lea tseba haeba e lokile.

<sup>593</sup> Joale, ntho e hlahile, nq'a e 'ngoe. Joale be butleng. Ke ka letsohong le letše halilona. E ile ho... e kene letšoeleng, nq'a e 'ngoe, nq'a e 'ngoe. E nyametse joale.

Motsotso feela. E reng ke bule mosali hape.

<sup>594</sup> Joale, joale le be le hlompho 'me joale le shebe. Rapelang feela, le rapele ka ntle koo. Ke batla le rapele, "Morena, e ke e be 'na." Bang ba lona batho ba ka ntle koo, ba sa tl'o kena moleng oa thapelo, le rapele feela.

<sup>595</sup> Ke boela ke buisana le uena, ho ahe—...molemong oa tumelo ea hao. Ua bona? Haeba e etselitse mosali e mong hoo, le uena u ka etsetsoa. Ke tumelo ea lona. Ua bona? Ke uena ea e etsang. Ha se 'na. Ke tumelo ea hao ho Molimo. Ua bona?

<sup>596</sup> Jesu ha a eso re, "Oh, Ke tsebile hore Ke tla kopana le mosali eo mono." Che.

<sup>597</sup> Empa mohla tsoho ea Lazaro, joale, ke Molimo o Mo bontšitseng ho etsa hoo. Ua bona? Molimo oa re, "Tsamaea." 'Me A—A paka seo A neng a le sona. A tloha. 'Me eitse ha A khutla, O itse, "Lazaro o robetse." 'Me A khutla, a tloha ho ea tsosa Lazaro lebitleng. A bitsa moea oa hae, hoba a tsamaee matsatsi a mane. Mono ha A itlaleha A fokotse. Mono neo e ne e sebelisoa ke Molimo.

<sup>598</sup> Empa, sena, mohla mosali eo a ne a Mo ama, e ne e le mosali ea sebelisang neo ea Molimo.

'Me ntho eona eo e teng mona. Ke uena ea e etsang.

<sup>599</sup> Joale, tabeng ena, maetong ana a ho tsoma, moo ntho e...Ke bone bere, le moo lintho tse fapaneng, le lintho tse fapaneng tsena tsohle tse lepiloeng mona, ha boleloa le lebaka la ho hlaha ha tsona, lentsoe ka lentsoe feela. Ke Molimo oo. Ha ke khathatsoe ke hoo.

<sup>600</sup> Empa ha batho ba qala ba sebelisa neo ea Molimo, ua bona, u fetoha mohlanka oa Molimo ho bohole, hobane u mpa u okha feela mothapong. Ua bona?

'Me ebe u Mo ama ka hoo, ebe moo A khutlisetsang ka ho bua. Ua bona?

<sup>601</sup> Joale, e, joale mosali o boela a khutlela ponong. O boela a kena, kapa pono e boela e kena. Ekare le ka bona hoo ho mo

teetseng hare. Mosali eo o a kula. O hlile o a kula. O a sotloa, ntho e 'ngoe, o jeoa ke mpa, hampe. Phahamisa letsoho la hao haeba ho le joalo. 'Me u tloketsoe ke masetlalibete le lintho. Hoo ho nepahetse.

<sup>602</sup> U boetse u na le motho e mong. Ke monna oa hao. 'Me o a kula. [Khaitseli o re, "Ke hantle."—Mong.] Ha Molimo a ka ntšenolela, ho monna oa hao, bothata ba hae, na u tla ntumela ke le moporofeta oa Hae? Monna o hloptjhoa ke mahlo, le litsebe tsa hae, 'me o maemong a mabe haholo. ["E. E. Ho bokoe Morena! Ho bokoe Morena!"] E, monghali.

<sup>603</sup> U a lumela Molimo o a u tseba u mang? [Khaitseli o re, "E."—Mong.] Na u tla lumela hobane ke moporofeta oa Hae, seboni sa Hae, ha nka u bolella na u mang? ["E."] U a e lumela? Mof. Robertson. 'Me u tsoa Huntsville, moo ke Alabama. Khutlela teng, uena le monna oa hao, le be le phele.

<sup>604</sup> Lea lumela? [Phutheho e re. "Amen."—Mong.] "Tsohle li ka etsetsoa ba lumelang." Ha u ka lumela, ha u fèla u ka ema malulong a hao—a hao 'me oa lumela hore Molimo o etsa hoo. Joale, u se ke oa belaela, empa u lumele ka pelō eohle ea hao, hore Molimo o tla u abela pholiso ena, 'me u ka fuoa sohle seo u se kopang.

<sup>605</sup> Ho lokile, monghali, u ka nyoloha joale. Ha re boneng. Na ke uena motho ea latelang mona? Ho lokile, monghali. Kea kholoa ha re tsebane, e mong ho e mong, monghali. Haeba... Jesu o ne a tle ho monna ea bitsoang Simone, ho 'molella ka boemo ba hae, 'me hoo ha thusa Simone ho tloha le ho lumela, ka pelō ea hae eohle. Na e tla u thusa ho etsa joalo? [Moena o re, "E."—Mong.] E tla etsa hoo. Be, rōna ha re tsebane.

<sup>606</sup> Joale, Molimo ha u a fapana ho monna le mosali. O sa ntse a tšoana. Ke Molimo. Ua bona?

<sup>607</sup> 'Me na u a khona, na u tla lumela hore (maikutlo a u arubelitseng joale), Molimo o tla khona ho u senolela, ka 'na, mohlanka oa Hae, lebaka la hao mona, phoso e teng ka uena, e ka bang eng? Be, u tla tseba haele 'nete kapa che. Ho lokile. A ke a abe hona.

<sup>608</sup> Monna eo o kena ponong, kapa pono e kena ka ho monna. Mona ha tlela maloetse. Mona o batlana le kolobetso ea Moea o Halalelang. Ke sona seo a se batlang. Ke hantle, monghali. E, monghali. 'Me ha u tsoe mona. U tsoa holimo tseleng mona, tulong e bitsoang Seymour, Indiana. Hoo, ke—ke hona moo u tsoang teng. Ba u bitsa, "Bill." Bill, khutlela morao, u amohele Moea o Halalelang, ka Lebitso la Jesu Kreste. Lumela.

<sup>609</sup> Tloo, mofumahali. U a lumela hore ke moporofeta oa Hae? U a lumela Jesu Kreste, Mora Molimo, oa phela? 'Me u lumela e le Eèna ea lumellang sena ho etsahala ka tsela ee? U a e lumela na?

<sup>610</sup> Re se re sebelelitse ba bakae? Eng? Ua bona, ha ke batle ho fokola haholo. Ho lokile.

<sup>611</sup> Che, ha se letho; ha u a tlela uena mona. Mona u emetse motho e mong. 'Me motho eo ha a eo mona. Ha nka u bolella bothata ba motho eo, na u tla amohela pholiso, le ho amohela le ho lumela? Ke mofetše. Ua lumela hore ba tla fola? Ka hona tsamaea, ka Lebitso la Morena Jesu, 'me u lumele. Feel a ha re . . .

<sup>612</sup> Lea lumela, lona bohile? [Phutheho e re, "Amen."—Mong.] Na le lumela tlolo eo ea Moea o Halalelang? ["Amen."] Na ha A babatse? ["Amen."] Na le ntse le lumela? ["Amen."] Ho lokile.

<sup>613</sup> Joale, re se re sebelelitse ba ba kae? Ka tloaelo ba babeli, ba babeli kapa ba bararo, ke thasisetso. [Motho o re, "Ba bararō."—Mong.] Ho thoeng? [Motho o re, "U sebelelitse ba bane."] Ba bane? ["E."] Ea emeng mona ke oa bohlano? Ho lokile.

<sup>614</sup> Ha re—ha re lumeleng ka pelō eohle ea rōna, hore Jesu Kreste Mora Molimo ke Eèna maobane, kajeno, le ka ho sa feleng.

<sup>615</sup> Mona u tletse lesea la hao. Ha Molimo o ka ntšenolela bothata ba lesea la hao, u a lumela Molimo o tla le folisa? Mothoana eo u jeoa ke bothata bo kotsi ba pelō. Ke hantle. Lona le . . . ha u, lesea ha le tsoe mona. Le tsoa ka ntle ho motse. Le tsoa lebatoeng le ka ntle. U lumela Molimo a ka mpolella moo lesea le tsoang teng? Na u tla lumela, le ho lumela le tla fola? Le khutlisetse Franklin, Kentucky. E, mofuma'lì, le ho lumela ka pelō eohle ea hao. Ha u ka lumela, ke phetho seo u tlamehang ho se etsa.

<sup>616</sup> Ha re—ha re . . . Tloo koano motsotso feela. Ke khalema ntho e mpe eo. Ka Lebitso la Jesu Kreste, lefu le tsamaee, 'me ho fihle bophelo.

"Ba tla Bea matsoho holim'a ba kulang, ba tla fola."

U batla ho tloha le ho ea ja? U nahana hore U tla u ntla fatsa? Ikele. Bo u tlohetse joale. Amen.

<sup>617</sup> U a lumela bothata boo ba bosali ba tla u lesa? Ho lokile. Khutlela setulong sa hao u re, "Kea U leboha, Morena."

U phela joang, monghali? Oh, diabolosi eo, asma!

<sup>618</sup> Nakoana feela. Nakoana feela joale. Ntho e phoso e hlahile . . . Ha ho a hlaha phoso; e nèpahetse. Joale, ntho e teng ka mona, e tšoanang, e tšoere monna eo ka nako eona eo. E re ke boele ke bone seo e neng e le sona. Joale ntalime feela. U se bue letho. Nakoana feela.

<sup>619</sup> Ke monna oa mammala, u lutse hantle morao mona, u nchebile. Ke oa hae . . . o na—o na le mokuli. Ke hantle. Asma le sinuse. Ke hantle. U amme Eèna. Ha u tsoe mona, monghali. U tsoa Bochabela, leboeabochabela, ka nq'a ena. U tsoa New York. E, monghali. U Mongh. Hunt. U a lumela joale. Ho lokile, monghali. Ke botle.

<sup>620</sup> Motsoalle oa hao u lutse mono pel'a hao, u ntse a rapela. U lumela ho 'na, monghali, ke le moporofea oa Molimo? [Moena Coleman o arabela a lumela—Mong.] U tlie koano le eèna.

Lebitso la hao ke Coleman. [“E. Alleluia!”] ’Me u—u ntse u rapella ntate. [“E.”] Ea tšoereng ke strouku. Hoo ke HO RIALO MORENA. [“Alleluia!”] Lumela. Ikele, u lumele joale, se tla u lesa.

<sup>621</sup> Mala a hao a jeoa ke linerefe, a u hlopha. Na ha ho joalo? Ikele, u je. Ka Lebitso la Morena Jesu. U a lumela O u folisitse? Khutla feela ’me u re, “Kea u leboha Morena Jesu.” Lumela ka pelō ea hao eohle.

<sup>622</sup> U tšoenngoa ke linerefe, ho ferekana ka hohle, le joalo. Lumela ka pelō ea hao eohle. Khutla u ikele ’me u folé.

<sup>623</sup> Linerefe. Lumela ka pelō ea hao eohle. Lumela hore Molimo o tla u folisa, ’me O tla e etsa. U se ke oa belaela hanyenyane.

<sup>624</sup> Linerefe le bothata ba pelō. U a lumela Jesu Kreste o tla u folisa? Ikele, u folé, ka Lebitso la Jesu.

<sup>625</sup> Linerefe, ho ferekana, u hloptjhoa ke bothata ba mala le maemo a mpa a fetolang lijo tsa hao bolila. Ikele, u se belaele pelōng ea hao; ’me e tla etsahala, ha e sa tla u tšoara.

<sup>626</sup> Esale u hloptjhoa ke mokokotlo. U luemla ka pelō eohle ea hao? Ikele he, ’me Jesu Kreste o u folisa sena.

<sup>627</sup> Nakoana feela. Khutsang, nakoana feela. Joale ntho e etsahetse. Mosali enoa mona o arubelitsoe ke mohlolo. Leseli leo le ile la mo teela hare, ka potlako ruri, eaba le a tloha, la boela la matha le khutla. Ntho e ’ngoe e hlähile. Nakoana feela. E ne e le monna oa bammala, ke tiile e ne e se moena enoa oa bammala mane, hobane e tsoa... Motsofeel. Ke ena. (Chechella morao, Billy.) Ke ena.

<sup>628</sup> Ke monna enoa ea lutseng mona, monna oa bammala. U hloptjhoa ke mokokotlo, le uena. Ke hantle. U molata ho ’na. Le ’na ke eëna ho uena. Empa e teng ntho eo u e hlokang ho feta bothata ba mokokotlo, hoo, ke nehela Kreste pelō ea hao, eba Mokreste. Ha u... Na u tla Mo amohela joaloka Mopholosi oa hao? U tsoa Ohio. Ke hantle. Ho tsoa Ohio. Khutla, u be u folé. Jesu Kreste o tšoarela libe tsa hao, ’me u ka khutlela hae ’me oa folisoa. Joale ho felile. Joale u ka ikela hae. Lumela ka pelō eohle ea hao.

<sup>629</sup> Ho lokile, khaitseli, tloo. Mathata, le linerefe, le ho khathala. Na u lumela ka pelō eohle ea hao hore Molimo o tla u folisa? Khutlela setulong sa hao, ’me u re, “Kea U leboha, Morena Jesu, ka sohle seo U nketselitseng sona.”

<sup>630</sup> U a lumela Molimo o Matlaohle u tla u phekola, le ho folisa mokokotlo oa hao, le ho u phekola, le ho folisa bothata ba phieo. Kena—kena tseleng ea hao, u nyakaletse, ’me u re, “Kea U leboha, Morena Jesu.”

<sup>631</sup> U a lumela, mora, hore U a u phekola? E re, “Kea U leboha, Molimo o ratehang.” Ikele, u ntse u rorisa Molimo.

<sup>632</sup> Na u lumela ka pelō eohle ea hao, khaitseli? Ikele ke hona, 'me Jesu Kreste u a u folisa.

<sup>633</sup> Nakoana feela. Che, e ne e se eëna. Motsotso feela. E ne e se mofumahali mona. Motsotsoana feela joale. Nakoana feela.

<sup>634</sup> Ke bone metsi a hafatsang ntho. U teng mona motho ea parotseng leoatle, u tsoa nq'a e 'ngoe. Ke mosali, 'me o tsoa Holland. O ho kae? Ke eo. Ho lokile, khaitseli. U tsoa hole ho tla folisoa. U a lumela ke moporofeta oa Hae? [Khaitseli o re, "Oh, e."—Mong.] U jeoa ke ramatiki, le athritisi, le ho satalla. Lumela ho Morena Jesu Kreste, 'me u isetse batho ba heno Molaetsa. Molimo a u hlohonolofatse. E tla u lesa 'me u ka tloha 'me oa phelisoa. Amen.

Lea lumela na? [Phutheho e re, "Amen."—Mong.]

<sup>635</sup> Mona, motšeо mona ka morao, ho lutse mosali motšeо mona. 'Me o hloptjhoa ke pululana ea nyooko. Oh, o tlil'o e fosa. Molimo, nthuse. O—o tsoa Indianapolis. Lebitso la hae ke Gilbert. Ema moo u leng teng, mofumahali. Ke moo he. Phekoleha, ka Lebitso la Jesu Kreste.

<sup>636</sup> Bohle le a lumela, ka lipelō tsa lona tsohle? [Phutheho e re, "Amen."—Mong.] Beha a hao...Na Jesu o tsohile bafung? ["Amen."] Na ke Eëna maobane, kajeno le ka ho sa feleng? [Phutheho e a nyakalla.] Beanang matsoho holimo 'me re rapele, ke sa rapella Khaitseli Kelly.

<sup>637</sup> Morena Jesu, Matla a Hao a Halalelang a ke a kene ka har'a kereke hona joale! 'Me A haole joalo a kene le ka har'a khaitseli ea rōna mona ho baballa bophelo ba hae, Morena. Mo abele pholiso e kholo ena eo a e tsekang, Morena. Folisa batho ba Hao mona. Ithuele thoriso. Aba sena, Morena.

<sup>638</sup> 'Me batho bana ba mona joale ba beaneng matsoho holimo.

<sup>639</sup> Satane...

Joale re atamela lisakatuku tsena; ka Lebitso la Jesu Kreste, motho mang le mang a fole. Morena, tiisa Lentsoe la Hao ka mehlolo e le latèlang.

<sup>640</sup> 'Me joale, Satane, uena Diabolosi ea lonya, u hlotsoe. Molimo o itse o tla khutlisetsa Mora Molimo, Eo u mo ekileng ka litumeloana tsa hao. O tsepisitse ho khutlisetsa Kereke maemong a eona a sethatong, mohla Maselí a mantsiboea a bonesang. 'Me re phela ho Lona. 'Me ka ho khutlisetsa, re na le tokelo, re na le 'Muelli, re na le Leqoetha, Moprista oa rōna e Moholo, 'me re tlil'o qobèlla tseko. U ba holehile halelele ho lekana. U ke ke oa hlola u ba holeha. Re u laela, ka Lebitso la Jesu Kreste, ka matla a tsoho ea Hae le ka Moea o Halalelang o leng teng joale: Tsoa letšoeleng lena! [Phutheho e a nyakalla—Mong.]



*KHUTLISETO EA SEFATE SA MONYALUOA* SST62-0422  
(The Restoration Of The Bride Tree)

Molaetsa wona, ka Moena William Marrion Branham, o rerilwe sethatong ka Senyesemane Sontaha hoseng, 'Mesa 22, 1962, mane Tabernakel ea Branham, e Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2014 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)